



Javno preduzeće  
**ELEKTROPRIVREDA BOSNE I HERCEGOVINE**  
d.d. - Sarajevo

**JP Elektroprivreda BiH d.d. - Sarajevo**  
**Skupština Društva**  
**(putem Nadzornog odbora Društva)**

25.05.2026  
OR-15996-7/2026

**Predmet:** Dostava Izvještaja Odbora za reviziju o reviziji godišnjeg obračuna za 2025. godinu u JP Elektroprivreda BiH d.d. - Sarajevo

Poštovani,

Na 60. sjednici Odbora za reviziju, održanoj dana 22.05.2026. godine, usvojen je Izvještaj Odbora za reviziju o reviziji godišnjeg obračuna za 2025. godinu u JP Elektroprivreda BiH d.d. - Sarajevo.

Navedeni materijal Vam dostavljamo u prilogu.

S poštovanjem,

Prilog: Kao u tekstu

Predsjednik  
Odbora za reviziju  
[Redacted]  
Mr Mevludin Bećirević

Dostavljeno:

- 10
- 11
- a/a



Wilsonovo šetalište 15, 71000 Sarajevo, BiH

Reg. broj: UF/I-392/04 Kantonalni sud Sarajevo  
Porezni broj: 4200225150005, PDV broj: 200225150005  
1549212003366506 - Intesa Sanpaolo Banka d.d. BiH  
1410010009748956 - Bosnia Bank International d.d. Sarajevo  
102050000090111 - Union Banka d.d. Sarajevo  
1346101000178654 - ASA Banka d.d. Sarajevo  
1990490176075902 - Sparkasse Bank d.d. BiH  
[www.epbih.ba](http://www.epbih.ba)

Podružnice Društva:

Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Termoelektrana broj 1  
Termoelektrana «Tuzla», Tuzla, Industrijska br. 4  
«Elektrodistribucija», Bihać, Bosanska 25  
«Elektrodistribucija», Mostar, Adema Buča 34  
«Elektrodistribucija», Sarajevo, Zmaja od Bosne 49  
«Elektrodistribucija», Tuzla, Rudarska 38  
«Elektrodistribucija», Travnik, Šumeće 182a  
«Elektrodistribucija», Zenica, Safvet bega Bašagića 6

**JP ELEKTROPRIVREDA BIH D.D. SARAJEVO  
ODBOR ZA REVIZIJU**

**IZVJEŠTAJ O REVIZIJI**

**GODIŠNJEG OBRAČUNA ZA 2025. GODINU  
U JP ELEKTROPRIVREDA BIH D.D. – SARAJEVO**

**Sarajevo, maj 2026. godine**

## SADRŽAJ

Pojmovnik (Objašnjenje pojmova i skraćenica korištenih u revizorskom izvještaju).....	2
I UVOD.....	3
II PREDMET, CILJ, OBIM I OGRANIČENJA REVIZIJE.....	3
III POLAZNE INFORMACIJE O REVIDIRANOM SUBJEKTU I PODRUČJU KOJE SE REVIDIRA .....	4
III.1 OSNOVNE INFORMACIJE O REVIDIRANOM SUBJEKTU.....	4
III.2 OSVRT NA PRETHODNE REVIZIJE .....	5
III.3 PRAVNI OKVIR I NORMATIVNA USKLAĐENOST .....	6
III.4 GODIŠNJI IZVJEŠTAJ O FUNKCIONISANJU SISTEMA FINANSIJSKOG UPRAVLJANJA I KONTROLE .....	7
III.5 IZVJEŠTAVANJE PREMA KOMISIJI ZA VRIJEDNOSNE PAPIRE FBIH.....	7
III.6 PLAN I REALIZACIJA PLANA POSLOVANJA .....	8
III.7 JAVNE NABAVKE .....	8
III.8 VANJSKA REVIZIJA I INSPEKCIJSKI ORGANI.....	9
III.9 KORPORATIVNE AKTIVNOSTI .....	10
III.10 ESG IZVJEŠTAVANJE .....	14
IV GODIŠNJI OBRAČUN ZA 2025. GODINU .....	16
IV.1 POPIS IMOVINE I OBAVEZA .....	16
IV.2 INDIKATORI POSLOVANJA (ZAKON O FINANSIJSKOM POSLOVANJU).....	17
IV.3 SAČINJAVANJE FINANSIJSKIH IZVJEŠTAJA .....	21
V KLJUČNE INFORMACIJE IZ FINANSIJSKIH IZVJEŠTAJA .....	25
VI RIZICI KOJI UTIČU ILI BI MOGLI UTICATI NA USPJEŠNOST POSLOVANJA DRUŠTVA .....	72
VII ZAKLJUČAK.....	77

## Pojmovnik (Objašnjenje pojmova i skraćenica korištenih u revizorskom izvještaju)

**BS** – Bilans stanja

**BU** – Bilans uspjeha

**CSRD** - Corporate Sustainability Reporting Directive – Direktiva (EU) 2022/2464 o korporativnom izvještavanju o održivosti

**Društvo** - JP Elektroprivreda BiH d.d. – Sarajevo

**ESRS** - European Sustainability Reporting Standards - Evropski standardi izvještavanja o održivosti

**FIA** – Finansijsko informatička agencija

**FMERI** – Federalno ministarstvo energije, rudarstva i industrije

**FMF** – Federalno ministarstvo finansija-financija

**FNE** – fotonaponska elektrana

**FUK** - finansijsko upravljanje i kontrola

**IPO** – imovinsko-pravni odnosi

**IOS** – Izvod otvorenih stavki

**JP EP BIH** – JP Elektroprivreda BiH d.d. – Sarajevo

**Komisija za VP** – Komisija za vrijednosne papire FBiH

**MHE** – mala hidroelektrana

**MRS** – Međunarodni računovodstveni standardi

**MSFI** – Međunarodni standardi finansijskog izvještavanja

**NFRD** - Non-Financial Reporting Directive, odnosno Direktiva 2014/95/EU o nefinansijskom izvještavanju

**ODS** – Operator distributivnog sistema

**Podružnica** - Organizaciona jedinica (ED Bihać, ED Sarajevo, ED Mostar, ED Tuzla, ED Zenica, ED Travnik, TE Tuzla, TE Kakanj, HE na Neretvi)

**Pravilnik o RiRP** – Pravilnik o računovodstvu i računovodstvenim politikama

**SAP** - (Systems Applications and Products - sistem, aplikacije i proces) poslovni informacioni sistem

**SAP - FMIS** - Informacioni sistem za upravljanje finansijama

**TE** – Termoelektrana

**UIO** – Uprava za indirektno oporezivanje

**VD** – Vladajuće Društvo

**Zakon o RiR** - Zakon o računovodstvu i reviziji u FBiH

**ZD** – Zavisno društvo

## I UVOD

U skladu sa Zakonom o privrednim društvima, Zakonom o javnim preduzećima, Statutom Društva i Kodeksom korporativnog upravljanja, a na osnovu Izvještaja o internoj reviziji godišnjeg obračuna za 2025. godinu u JP EP BiH, sačinjenog od strane Odjela za internu reviziju, Odbor za reviziju je obavio reviziju godišnjeg obračuna za 2025. godinu u JP Elektroprivreda BiH d.d. - Sarajevo.

Revizijske aktivnosti obavljene su u periodu januar – maj 2026. godine.

Ovaj Izvještaj je sačinjen samo za potrebe Društva i njegovih organa u skladu sa *Statutom* Društva. Pojednostosti se mogu dati na raspolaganje određenim vanjskim agencijama, uključujući i vanjske revizore, ali inače izvještaj ne treba citirati niti spominjati, u cjelini ili dijelovima, bez prethodne saglasnosti Odbora za reviziju. Ne prihvatamo nikakvu odgovornost prema trećim licima, jer izvještaj nije sačinjen niti namijenjen za bilo kakvu drugu svrhu.

## II PREDMET, CILJ, OBIM I OGRANIČENJA REVIZIJE

**Predmet/područje revizije** je godišnji obračun i finansijski izvještaji u JP EP BiH za 2025. godinu.

### Ciljevi revizije

**Glavni cilj revizije** je provjeriti da li finansijski izvještaji pružaju kompletne, pouzdane i vjerodostojne informacije o rezultatima finansijskih operacija i o finansijskim pozicijama. U mjeri u kojoj to bude moguće internom revizijom ćemo provjeriti jesu li poslovne transakcije izvršene u skladu sa zakonskim propisima i da li postoji adekvatna računovodstvena dokumentacija.

### Podciljevi revizije

Ova revizija uključuje i slijedeće podciljeve:

- Potvrditi da su značajni poslovni događaji evidentirani, te da su finansijski izvještaji sastavljeni u skladu sa međunarodnim računovodstvenim standardima, međunarodnim standardima finansijskog izvještavanja i internim aktima Društva,
- Provjeriti da su poslovne transakcije izvršene u skladu sa važećim zakonima i podzakonskim aktima,
- Provjeriti da postoji adekvatna računovodstvena dokumentacija,
- Potvrditi da podaci u obrascima godišnjeg obračuna za 2025. godinu odgovaraju bruto bilansu Društva na dan 31.12.2025. godine.

### Kontrolni ciljevi

U cilju ocjene sistema internih kontrola utvrđeni su kontrolni ciljevi kako slijedi:

- Osigurati da finansijski izvještaji pružaju kompletne, pouzdane i vjerodostojne informacije o rezultatima finansijskih operacija i o finansijskim pozicijama,
- Osigurati da su poslovne transakcije izvršene u skladu sa zakonskim propisima,
- Osigurati da postoji adekvatna računovodstvena dokumentacija,
- Osigurati da podaci u obrascima godišnjeg obračuna za 2025. godinu odgovaraju bruto bilansu Društva na dan 31.12.2025. godine.

### ***Ključni rizici***

Ključni rizici u predmetu revizije su rizici vezani za računovodstveno evidentiranje i finansijsko izvještavanje.

### ***Obim revizije***

Revizija godišnjeg obračuna za 2025. godinu je obavljena na nivou Društva, što znači da su istom obuhvaćene Direkcija i sve podružnice Društva. U cilju prikupljanja revizijskih dokaza i razumijevanja područja, koje je bilo predmet revizije, pored prikupljanja i pregleda dokumenata, obavili smo razgovore i imali komunikaciju sa odgovornim licima u Ekonomskim poslovima u Direkciji, Kapitalnim investicijama, Sektoru za pravne poslove Direkcije, Službama za finansije i računovodstvo u podružnicama i drugim relevantnim službama.

### ***Ograničenja revizije***

Zbog ograničenja vremena i resursa, revizijom nisu obuhvaćeni svi aspekti predmetne oblasti. Postoji mogućnost da neke materijalno značajne greške nisu otkrivene. Pitanja koja se obrađuju u ovom izvještaju su samo ona pitanja koja su uočena u toku obavljanja interne revizije, te ne predstavljaju nužno sveobuhvatan Izvještaj koji uključuje sve slabosti koje eventualno postoje ili sva poboljšanja koja bi eventualno mogla biti potrebna.

## **III POLAZNE INFORMACIJE O REVIDIRANOM SUBJEKTU I PODRUČJU KOJE SE REVIDIRA**

### ***III.1 OSNOVNE INFORMACIJE O REVIDIRANOM SUBJEKTU***

JP Elektroprivreda BiH d.d. – Sarajevo je otvoreno dioničko društvo. Osnovano je radi obavljanja elektroprivredne djelatnosti od posebnog društvenog interesa i upravljanja elektroenergetskim sistemom. Djelatnost Društva je proizvodnja i distribucija električne energije, snabdijevanje električnom energijom, trgovanje, zastupanje i posredovanje na domaćem tržištu električne energije, izvoz i uvoz električne energije. Prema podacima iz Registra vrijednosnih papira u FBiH, vlasnici kapitala Društva su FBiH (90,3691%) i mali dioničari (9,6309%).

U Službenim novinama FBiH broj 4/09 od 26.01.2009. godine objavljena je Odluka o prijenosu udjela Federacije BiH u rudnicima uglja u Federaciji BiH na JP Elektroprivreda BiH d.d. – Sarajevo (izmjena Odluke objavljena u Sl.novinama FBiH broj 47/09), na osnovu koje su, između Vlade FBiH i JP Elektroprivreda BiH d.d. – Sarajevo, potpisani pojedinačni ugovori o prijenosu udjela za sljedeće rudnike:

- RMU Abid Lolić d.o.o. Travnik – Bila,
- RMU Breza d.o.o. Breza,
- RMU Đurđevik d.o.o. Đurđevik,
- RU Gračanica d.o.o. Gornji Vakuf – Uskoplje,
- RMU Kakanj d.o.o. Kakanj,
- RU Kreka d.o.o. Tuzla,
- RMU Zenica d.o.o. Zenica.

Društvo ima većinske udjele u pravnim licima:

- Eldis Tehnika d.o.o. Sarajevo - 100% vlasništvo,
- Hotel ELBiH d.d. Makarska, Republika Hrvatska - 100% vlasništvo,
- GEOLP d.o.o. Kakanj - 100% vlasništvo,
- MiOD d.o.o. Tuzla - 100% vlasništvo

- TTU energetik d.o.o. Tuzla - 80% vlasništvo,
- Iskraemeco d.o.o. Sarajevo - 57,51% vlasništvo,

Osnovne djelatnosti koje obavlja Društvo su proizvodnja električne energije, distribucija električne energije, snabdijevanje električnom energijom, trgovanje, zastupanje i posredovanje na domaćem tržištu električne energije.

### **III.2 OSVRT NA PRETHODNE REVIZIJE**

Odbor za reviziju, putem Follow Up aktivnosti, prati tokom godine realizaciju do sada datih preporuka. U oktobru 2025. godine, Odjel za internu reviziju je sačinio *Izveštaj o praćenju postignutog napretka u realizaciji preporuka interne revizije sa stanjem na dan 31.08.2025. godine* koji je usvojen na 42. sjednici Odbora za reviziju održanoj 31.10.2025. godine i sa kojim je upoznata Uprava Društva na 205. sjednici održanoj 11.11.2025. godine.

U toku izrade ovog Izveštaja, započete su aktivnosti na izradi *Izveštaja o praćenju postignutog napretka u realizaciji preporuka interne revizije sa stanjem na dan 31.03.2026. godine*.

U nastavku navodimo preporuke date u revizijama godišnjeg i polugodišnjeg obračuna, revizijama popisa, kao i drugim revizijama koje se odnose na pozicije iskazane u godišnjem obračunu, a čija je realizacija bila u toku na dan sačinjavanja ovog Izveštaja:

- 1. Potrebno je izvršiti ažuriranje jedinstvene nomenklature stopa amortizacije, njeno usvajanje od strane nadležnog organa i vršiti obračun amortizacije u skladu sa usvojenim aktima (prioritet A).*
- 2. Potrebno je da direktori elektrodistributivnih podružnica, najkasnije do 31.01. tekuće godine (za prethodnu godinu) sačine informaciju o postojećoj imovini za koju nisu riješeni IPO koja bi uključivala najmanje sljedeće podatke: pregled imovine za koju su u prethodnoj godini riješeni IPO, pregled imovine za koju nisu riješeni IPO, u kojoj su fazi aktivnosti na rješavanju IPO, planirani rok za rješavanje IPO, zadužene osobe za rješavanje IPO. Po sačinjavanju navedene informacije, istu je potrebno dostaviti Izvršnom direktoru za distribuciju i Izvršnoj direktorici za pravne poslove i ljudske resurse, koji bi objedinjenu informaciju dostavili Upravi Društva na razmatranje i donošenje odgovarajućih zaključaka (prioritet B).*
- 3. Potrebno je, što je moguće prije, a najkasnije do 31.03.2026. godine, okončati aktivnosti na usvajanju „Uputstva za međusobno usklađivanje podataka o elektroenergetskim objektima u DEEO bazi i stalnih sredstava u Glavnoj knjizi“, te po usvajanju, početi sa primjenom istog.*

*Neovisno od usvajanja navedenog Uputstva, potrebno je sve izmjene u bazi elektroenergetskih objekata dokumentovati i dokumentaciju blagovremeno dostavljati službi računovodstva na knjiženje. (prioritet B)*

- 4. U skladu sa MRS 16 Nekretnine, postrojenja i oprema, poreznim propisima i internim aktima Društva, a u cilju realnog iskazivanja troškova amortizacije, ukupnih rashoda, rezultata perioda, poreza na dobit, kao i imovine Društva potrebno je da se isti priznaju u poslovnim knjigama od datuma početka korištenja/spremnosti za upotrebu/puštanja u rad investicionog ulaganja. Osim toga, potrebno je najmanje jednom godišnje (a obavezno na datum sačinjavanja finansijskih izvještaja) vršiti analizu i preispitivanje vrijednosti iskazanih nekolaudiranih investicija u toku (analiza u smislu eventualnog odustajanja od pojedinih ulaganja, kao i procjene o eventualnom umanjenju vrijednosti izvršenih ulaganja u skladu sa MRS 36 Umanjenje vrijednosti imovine).*

*Potrebno je da direktori podružnica i rukovodioci samostalnih organizacionih jedinica uz Upravu u Direkciji sačinjavaju izvještaje o analizi i preispitivanju vrijednosti iskazanih nekolaudiranih investicija u toku na osnovu čega će nadležni izvršni direktori i rukovodioci samostalnih organizacionih jedinica uz Upravu izvještavati Upravu Društva, radi razmatranja i donošenja odgovarajućih odluka. (prioritet A)*

Nakon obavljene revizije, **uočili smo određeni napredak u realizaciji dijela gore navedenih preporuka**. Postoji **određeni napredak u realizaciji preporuke br. 2**, ali započete aktivnosti nisu dovoljne da bi se preporuka smatrala realizovanom (detaljnije u *Bilješci 10.*). **Preporuci rb. 4** smo u ovom Izvještaju **promijenili prioritet**, te je umjesto dosadašnjeg prioriteta A, sada dat prioritet B (detaljnije u *Bilješci 10.*).

### **III.3 PRAVNI OKVIR I NORMATIVNA USKLAĐENOST**

#### **Zakoni i drugi propisi**

Zakonski propisi, računovodstveni standardi i drugi akti i propisi koji se primjenjuju na teritoriji FBiH, a koji se odnose na predmet revizije su:

- Zakon o javnim preduzećima u FBiH (Sl. novine FBiH broj 8/05, 81/08, 22/09 i 109/12),
- Zakon o privrednim društvima (Sl. novine FBiH broj 81/15 i 75/21),
- Zakon o računovodstvu i reviziji u FBiH (Sl. novine FBiH broj 15/21),
- Zakon o finansijskom poslovanju (Sl. novine FBiH 48/16),
- Zakon o internoj reviziji u javnom sektoru FBiH (Sl. novine FBiH 47/08 i 101/16),
- Zakon o finansijskom upravljanju i kontroli u javnom sektoru u FBiH (Sl. novine FBiH broj 38/16),
- Pravilnik o provođenju finansijskog upravljanja i kontrole u javnom sektoru u FBiH (Sl. novine FBiH broj 06/17, 03/19 i 37/24).
- Priručnik za finansijsko upravljanje i kontrolu u javnom sektoru u FBiH (Službene novine FBiH br. 46/23),
- Pravilnik o kontnom okviru i sadržaju konta za privredna društva (Sl. novine FBiH broj 81/21) u primjeni od 01.01.2022. godine,
- Pravilnik o sadržaju i formi obrazaca finansijskih izvještaja za privredna društva (Sl. novine FBiH broj 81/21 i 102/22),
- Pravilnik o konsolidovanim finansijskim izvještajima za privredna društva (Sl. novine FBiH broj 81/21),
- Zakon o tržištu vrijednosnih papira (Sl. novine FBiH broj 85/08, 109/12, 86/15 i 25/17),
- Pravilnik o objavljivanju informacija i izvještavanja na tržištu vrijednosnih papira (Sl. novine FBiH broj 99/22, 1/23, 12/23, 37/25),
- Međunarodni računovodstveni standardi (MRS),
- Međunarodni standardi finansijskog izvještavanja (MSFI),
- Uputstva, objašnjenja, smjernice i načela koje donosi IFAC i IASB,
- Ostali zakonski i drugi propisi.

#### **Interni akti Društva**

Interni akti Društva koji se odnose na predmet revizije su:

- Statut broj SD-5211/16-38/2. od 29.03.2016. godine, izmjene i dopune broj SD-18295/18-51/5. od 19.07.2018. godine, izmjene i dopune broj SD-31793/20-66-/2. od 07.12.2020. godine, Statut broj NO – 2190/21-41./2. od 25.01.2021. godine (prečišćen tekst) i Statut o dopuni Statuta broj SD-20745/21-70./6. od 30.07.2021. godine (u nastavku *Statut*).
- Pravilnik o računovodstvu i računovodstvenim politikama JP Elektroprivreda BiH d.d. Sarajevo broj: NO-9075-1/22-80./4. od 31.03.2022. godine, Pravilnik o dopuni Pravilnika o računovodstvu

i računovodstvenim politikama JP Elektroprivreda BiH d.d. Sarajevo broj NO-14333/23-102./4. od 25.04.2023. godine, Pravilnik o dopuni Pravilnika o računovodstvu i računovodstvenim politikama JP Elektroprivreda BiH d.d. Sarajevo broj NO-2218/26-91/14 od 29.01.2026. godine (u nastavku *Pravilnik o računovodstvu*),

- Uputstvo za procjenu neto ostvarive vrijednosti zaliha u JP EP BiH d.d. – Sarajevo broj: U-01-3437-1/25-138/27 od 04.02.2025. godine (u daljem tekstu *Uputstvo za umanjenje vrijednosti zaliha*) koje se primjenjuje od datuma finansijskog izvještavanja 31.12.2024. godine,
- Uputstvo o utvrđivanju, praćenju i vođenju potraživanja po osnovu isporučene električne energije, neovlaštene i neregistrovane potrošnje električne energije, ostalih dobara i usluga i zateznih kamata u JP Elektroprivreda BiH d.d. – Sarajevo, broj U-01-2210/18-145/8 od 30.01.2018. godine (u nastavku *Uputstvo o potraživanjima*),
- Uputstvo za primjenu člana 85. Pravilnika o računovodstvu i računovodstvenim politikama JP Elektroprivreda BiH d.d. – Sarajevo (važniji rezervni dijelovi) broj U-01-2210/18-145./13. od 30.01.2018. godine, u daljem tekstu *Uputstvo o važnijim rezervnim dijelovima*,
- Uputstvo za evidentiranje poslovnih promjena u vezi nabavke i utroška uglja i zavisnih troškova uglja u računovodstvenim evidencijama broj broj U-01-38132/15-23./6. od 22.12.2015. godine (u daljem tekstu *Uputstvo za ugalj*),
- Odluka broj U-01-32591/10-143./7. od 22.12.2010. godine o primjeni MRS 37 u pravnim sporovima u kojima je JP Elektroprivreda BiH d.d. – Sarajevo tužena (u daljem tekstu *Odluka o primjeni MRS 37*),
- Pravilnik o finansijskom poslovanju broj NO-32755/18-84/18. od 13.12.2018. godine,
- Uputstvo za rješavanje imovinsko-pravnih odnosa u JP Elektroprivreda BiH d.d. – Sarajevo, broj U-01-14087-1/24-67/5 od 29.04.2024. godine (u nastavku *Uputstvo za rješavanje IPO*).

### **III.4 GODIŠNJI IZVJEŠTAJ O FUNKCIONISANJU SISTEMA FINANSIJSKOG UPRAVLJANJA I KONTROLE**

U skladu sa Zakonom o finansijskom upravljanju i kontroli, Društvo je sačinilo Godišnji Izvještaj o funkcionisanju sistema finansijskog upravljanja i kontrole za 2025. godinu i isti dopisom broj 01-10-3123-1/2026 od 30.01.2026. godine, dostavilo Federalnom Ministarstvu energije, rudarstva i industrije.

Također, Društvo je sačinilo *Plan razvoja FUK-a za 2026. godinu* broj U-01-2661-1/26-224/22 od 30.01.2026. godine.

### **III.5 IZVJEŠTAVANJE PREMA KOMISIJI ZA VRIJEDNOSNE PAPIRE FBIH**

Član 37. tačka (6) Zakona o RiR navodi: "*Pravna lica čije je poslovanje uređeno posebnim propisima na osnovu kojih je regulatorno tijelo za obavljanje nadzora nad njihovim poslovanjem propisalo obavezu sačinjavanja i prezentacije periodičnih finansijskih izvještaja i dodatnih izvještaja, dužna su iste poštivati.*" Shodno tome, Društvo je u skladu sa Pravilnikom o objavljivanju informacija i izvještavanja na tržištu vrijednosnih papira, unijelo na internetsku stranicu Komisije za vrijednosne papire FBIH (e-KVP) popunjene obrasce OEI-PD u popisanom roku.

Obrasci OEI-PD koji su predati Komisiji uključuju: Opći podaci (Tabela A), Izvještaj o finansijskom položaju na kraju perioda na dan 31.12.2025. godine (Tabela B), Izvještaj o ukupnom rezultatu za period 01.01.-31.12.2025. godine (Tabela C), Izvještaj o tokovima gotovine (indirektna metoda) za period 01.01. – 31.12.2025. godine (Tabela E), Izvještaj o promjenama u kapitalu za period koji se završava na dan 31.12.2025. godine (Tabela F), Zabilješke i komentari Uprave (Tabela G) neophodni za bolje i jasnije razumjevanje podataka prezentiranih u Tabelama A, B, C, D, E i F obrazaca OEI-PD.

Društvo je dana 12.03.2026. godine dostavilo Komisiji za vrijednosne papire OEI-PD obrasce za 2025. godinu.

### III.6 PLAN I REALIZACIJA PLANA POSLOVANJA

Plan poslovanja za 2025. godinu je donesen u okviru Revidovanog plana poslovanja Društva za period 2025.-2027. godina. Skupština Društva je na 91. (vanrednoj) sjednici održanoj 28.11.2025. godine donijela Odluku o donošenju Revidovanog plana poslovanja Društva za period 2025. – 2027. godine u dijelu koji se odnosi na 2025. godinu.

U nastavku je data Tabela planiranih prihoda, rashoda i finansijskog rezultata za period 01.01.-31.12.2025. godine i ostvarenih ukupnih prihoda, troškova i finansijskog rezultata za period 01.01.-31.12.2025. godine:

	<b>Plan</b>	<b>Ostvarenje</b>
	<b>01.01.-31.12.2025.</b>	<b>01.01.-31.12.2025.</b>
Ukupni prihodi	1.479.622.000	1.491.568.262
Ukupni rashodi	1.540.802.000	1.543.950.703
Finansijski rezultat (prije poreza)	<b>(61.180.000)</b>	<b>(52.382.441)</b>

Izvor: Izvod iz Revidovanog plana poslovanja Društva za period 2025.-2027. godine i finansijskih izvještaja po godišnjem obračunu za 2025. godinu

### III.7 JAVNE NABAVKE

Društvo je obveznik primjene Zakona o javnim nabavkama i podzakonskih akata koji tretiraju ovu oblast. U revidiranom periodu, prema članu 35. Zakona o javnim preduzećima FBiH, Društvo je, putem petnaestodnevni i mjesečnih izvještaja o javnim nabavkama, izvijestilo organe Društva da je zaključeno 2.545 ugovora u ukupnom iznosu od 815.950.916 KM i to:

<b>Vrsta postupka</b>	<b>Broj postupaka</b>	<b>Vrijednost zaključenih ugovora</b>
Nabavka od zavisnih društava	34	385.817.048
Otvoreni postupak	1.270	164.462.991
Pregovarački postupak bez objave	16	123.625.725
Pregovarački postupak sa objavom	45	97.238.222
Ograničeni postupak s pretkvalifikacijom	118	24.507.100
Ograničeni postupak - sistem kvalifikacije	17	11.961.948
Pregovarački postupak sistem kvalifikacije	4	3.343.949
Konkurentski zahtjev	193	2.337.872
Direktni sporazum	786	1.601.067
Ugovori koji se dodjeljuju po posebnom režimu	47	532.302
Izuzeće od primjene ZJN	15	522.692
	<b>2.545</b>	<b>815.950.916</b>

Napominjemo da se iznos od 815.950.916 KM odnosi na vrijednost ugovora zaključenih po Planu nabavki za 2025. godinu, kao i po planovima nabavki iz prethodnih godina.

U skladu sa procedurom P 84/04 *Izrada i usvajanje plana nabavke i izvještavanje o realizaciji*, Izvještaj o realizaciji planiranih nabavki za godinu, koji obuhvata period zaključno sa 30.04. tekuće godine za prethodnu godinu, se dostavlja Upravi Društva do 15.05. tekuće godine. U skladu sa ranije datom preporukom Odbora za reviziju i Odjela za internu reviziju, podaci iz navedenog Izvještaja trebaju biti navedeni u Godišnjem izvještaju o poslovanju koji se, u skladu sa Zakonom o javnim preduzećima u FBiH, razmatra na redovnoj sjednici Skupštine Društva.

Uprava Društva je na 245. sjednici održanoj 13.05.2026. godine usvojila *Izvještaj o realizaciji Plana nabavki za 2025. godinu* u kojem su navedeni podaci o planiranim i realizovanim nabavkama za period 01.01.2025-30.04.2026. godine (po Planu nabavki za 2025. godinu) kako slijedi:

	<b>Planirani iznos nabavki</b>	<b>Ugovoreni iznos nabavki</b>
Ukupne nabavke	1.726.312.505	654.308.957

Prema informacijama dostavljenim od strane Društva, u Godišnjem izvještaju o poslovanju za 2025. godinu, koji će se, u skladu sa Zakonom o javnim preduzećima u FBiH, razmatrati na redovnoj sjednici Skupštine Društva, biće navedeni podaci iz *Izvještaja o realizaciji Plana nabavki za 2025. godinu*.

### **III.8 VANJSKA REVIZIJA I INSPEKCIJSKI ORGANI**

#### **Nezavisni vanjski revizor**

Dana 13.01.2026. godine zaključen je Ugovor br. 01-05-46791/2025 između Društva i vanjskog revizora Grant Thornton d.o.o. Banja Luka, za usluge revizije finansijskih izvještaja za 2025. godinu (pojedinačni izvještaji i konsolidovani).

Dana 29.04.2026. godine, vanjski revizor je izdao Pojedinačne finansijske izvještaje za godinu koja se završava 31.12.2025. godine i Izvještaj neovisnog revizora u kojem je iskazao nemodifikovano (pozitivno) mišljenje.

Vanjski revizor je naveo isticanje pitanja, bez kvalifikacije u mišljenju, kako slijedi:

1. Društvo je u proteklom periodu poduzelo aktivnosti na odvajanju operatora distribucijskog sustava iz vertikalno integrisanog elektroenergetskog subjekta. Na dan 31. decembra 2025. godine, aktivnosti su u toku.
2. Na dan 31. decembra 2025. godine, vrijednost sudskih sporova u kojima je Društvo tužena strana iznosi 200.040 hiljada KM. Navedena vrijednost sudskih sporova uključuje arbitražni postupak Konzorcij Strabag AG Austrija i Končar d.d. Zagreb u iznosu od 39.267 hiljada KM, kao i tužbu manjinskih dioničara Jadran kapital d.d. Split i Stanovi Jadran d.d. Split u iznosu od 125.000 hiljada KM. Kantonalni sud u Sarajevu donio je presudu 18. februara 2026. godine kojom se žalba manjinskih dioničara odbija kao neosnovana i potvrđuje se prvostepena presuda u korist Društva. Ukupna rezerviranja na dan 31. decembra 2025. godine iznose 45.845 hiljada KM, i prema izjavama Društva, rezerviranje je izvršeno u skladu sa najboljom procjenom.
3. Na dan 31. decembra 2025. godine, Društvo ispunjava obveze po kovenantama koje su definirane od strane inostranog kreditora.

#### **Ured za reviziju institucija u FBiH**

U septembru 2025. godine, Ured za reviziju institucija u FBiH je izdao konačan Izvještaj o finansijskoj reviziji za 2024. godinu, u kojem je dato pozitivno (nekvalifikovano) mišljenje o finansijskim izvještajima

za 2024. godinu, te mišljenje s rezervom o usklađenosti aktivnosti, finansijskih transakcija i informacija iskazanih u finansijskim izvještajima Društva sa relevantnim zakonima i drugima propisima.

### **Inspekcijski organi**

U toku revidiranog perioda (01.01. – 31.12.2025. godine), Društvo je bilo predmet kontrole od strane UINO, te su utvrđene dodatne obaveze u iznosu 570.916 KM (Zapisnik o kontroli broj 04/4-1/II-17-1-UP/I-42-253-1/25 od 23.01.2025. godine). Društvo je uložilo žalbu na Zapisnik, ali ista nije uvažena (izuzev u dijelu koji se odnosio na prigovor na datum Zapisnika - UINO je greškom u datumu Zapisnika navela 2025. umjesto 2026. godina). UINO je dana 06.03.2026. godine izdala Rješenje broj 04/4-1/II-17-1-UP/I-42-253-2/25 kojim je potvrđena dodatna obaveza Društva u iznosu od 570.916 KM, te je Društvo istu izmirilo dana 10.03.2026. godine.

U 2024. godini Porezna uprava FBiH izvršila je inspekcijski nadzor Društva za period 2018–2024, te utvrdila dodatne obaveze u iznosu od 2.234.506 KM (Rješenje br. 13/19-2-12-20-256-2/24 od 22.04.2024. godine). U Rješenju je navedeno da žalba odlaže izvršenje rješenja. Društvo je uložilo prigovor i žalbu, ali su isti odbijeni, a FMF je u februaru 2025. godine potvrdilo obavezu kao osnovanu (Rješenje br. 03-12-2-IN-141/24 S.K. od 20.02.2025. godine). Nakon toga (u aprilu 2025. godine), Društvo je pokrenulo upravni spor pred Kantonalnim sudom u Sarajevu. Sudski postupak je i dalje u toku.

Društvo nije izvršilo uplatu gore navedene obaveze, već je zatražilo prebijanje sa ranije uplaćenim akontacijama poreza na dobit. Porezna uprava je u aprilu 2025. godine donijela rješenje kojim je utvrđen višak uplaćenih sredstava u iznosu od 11.014.368,11 KM. Na osnovu toga zaključen je Sporazum o izmirenju duga kojim je predviđen povrat sredstava u dvije rate tokom 2025. i 2026. godine. Prva rata u iznosu od 5.248.875 KM naplaćena je u junu 2025. godine. Napominjemo da je, nakon sačinjavanja finansijskih izvještaja za 2025. godinu, dana 27.02.2026. godine naplaćena i druga rata.

## **III.9 KORPORATIVNE AKTIVNOSTI**

U skladu sa Zakonom o privrednim društvima i *Statutom* organi Društva su: Skupština, Nadzorni odbor, Uprava (kao organi upravljanja) i Odbor za reviziju.

*Statutom* Društva definisane su nadležnosti organa Društva.

### **Skupština Društva**

Skupštinu Društva čine dioničari.

Članom 62. *Statuta* određeno je da Skupština Društva, između ostalog, odlučuje o: usvajanju godišnjeg izvještaja Društva koji uključuje finansijski izvještaj i izvještaje revizora, Nadzornog odbora i Odbora za reviziju, uključujući i konsolidovani finansijski izvještaj; izboru i razrješenju članova Nadzornog odbora pojedinačno; izboru i razrješenju članova Odbora za reviziju, na prijedlog Nadzornog odbora.

U toku revidiranog perioda (01.01.-31.12.2025. godine.) sazvano sedam sjednica Skupštine Društva, a održano je šest sjednica (1 redovna i 5 vanrednih) Skupštine Društva (86. - 92. sjednica, a 90. sjednica je otkazana). Nakon revidiranog perioda, dana 25.03.2026. godine, održane su još dvije (vanredne) sjednice Skupštine Društva (93. sjednica održana 25.03.2026. godine i 94. sjednica održana 10.04.2026. godine).

Na 86. (vanrednoj) Skupštini koja je održana 13.02.2025. godine su usvojene: Odluka o razrješenju člana Nadzornog odbora Društva ispred državnog kapitala radi podnošenja ostavke (Eldar Aganović) i

Odluka o izboru i imenovanju člana Nadzornog odbora Društva ispred državnog kapitala na period do okončanja konkursne procedure, a najduže na vremenski period do najviše tri mjeseca (Zlatko Terzić).

Na 87. (vanrednoj) Skupštini koja je održana 14.05.2025. godine su usvojene: Odluka o razrješenju člana Nadzornog odbora Društva ispred državnog kapitala radi isteka perioda na koji je imenovan (Zlatko Terzić) i Odluka o izboru i imenovanju člana Nadzornog odbora Društva ispred državnog kapitala na period do okončanja konkursne procedure, a najduže na vremenski period do najviše tri mjeseca (Zlatko Terzić).

Na 88. (redovnoj) Skupštini koja je održana 26.06.2025. godine su usvojene: Odluka o usvajanju Izvještaja o poslovanju Društva za 2024. godinu i Odluka o pokriću gubitka za 2024. godinu.

Na 89. (vanrednoj) Skupštini koja je održana 15.08.2025. godine su usvojene: Odluka o razrješenju člana Nadzornog odbora Društva ispred državnog kapitala radi isteka perioda na koji je imenovan (Zlatko Terzić) i Odluka o izboru i imenovanju člana Nadzornog odbora Društva ispred državnog kapitala (Zlatko Terzić) počev od 16.08.2025. na period do isteka četverogodišnjeg mandata aktuelnog saziva Nadzornog odbora koji je započeo 23.08.2023. godine.

90. (vanredna) Skupština Društva, koja je bila zakazana za 13.11.2025. godine, je otkazana radi nepostojanja uslova za njeno održavanje

Na 91. (vanrednoj) Skupštini koja je održana 28.11.2025. godine su usvojene: **Odluka o donošenju Revidovanog plana poslovanja Društva** za period 2025. – 2027. godina u dijelu koji se odnosi na 2025. godinu i Odluka o rezultatima glasanja o povjerenju članovima Nadzornog odbora Društva (na osnovu rezultata glasanja o povjerenju, Skupština Društva ukazuje povjerenje sljedećim članovima Nadzornog odbora Društva: Vedran Kaser, Amel Kosovac, Milenko Obad, Edin Hamzić, Damir Kurjaković, Zlatko Terzić, Ivan Gržić).

Na 92. (vanrednoj) Skupštini koja je održana 23.12.2025. godine su usvojene: **Odluka o donošenju Plana poslovanja Društva** za period 2026. – 2028. godina.

Na 93. (vanrednoj) Skupštini koja je održana 25.03.2026. godine su usvojene: Odluka o prestanku privrednog društva MiOD d.o.o. Tuzla i pokretanju postupka likvidacije i Odluka o razrješenju člana Nadzornog odbora ispred državnog kapitala radi podnošenja ostavke.

Razriješeni član je Zlatko Terzić, zaključno sa 25.03.2026. godine. Novi član nije imenovan, jer je Federacija BiH (dioničar) dostavila prijedlog novog člana nakon isteka zakonskog roka. Nova Skupština je zakazana za dan 10.04.2026. godine.

Na 94. (vanrednoj) Skupštini koja je održana 10.04.2026. godine je usvojena Odluka o izboru i imenovanju člana Nadzornog odbora Društva ispred državnog kapitala (Boško Jević) počev od 10.04.2026. na period do okončanja konkursne procedure, a najduže na period od tri mjeseca.

### **Nadzorni odbor**

Nadzorni odbor Društva čini sedam članova koje imenuje i razrješava Skupština Društva. Članom 76. *Statuta* određeno je da je Nadzorni odbor, između ostalog, nadležan da:

- nadzire poslovanje Društva,
- usvaja Izvještaj o poslovanju po polugodišnjem i godišnjem obračunu, sa bilansom stanja, bilansom uspjeha i izvještajem revizije,

- podnosi Skupštini godišnji izvještaj o poslovanju Društva koji obavezno uključuje izvještaj revizora, izvještaj o radu Nadzornog odbora i Odbora za reviziju, uključujući i konsolidovani finansijski izvještaj,
- imenuje i razrješava članove Uprave Društva,
- vrši izbor kandidata za Odbor za reviziju i podnosi prijedlog za njihovo imenovanje Skupštini.

U toku revidiranog perioda (01.01. – 31.12.2025. godine), Nadzorni odbor je djelovao u sljedećem sastavu:

Vedran Kaser (od 23.08.2023.)	član (Predsjednik NO)
Edin Hamzić (od 23.08.2023.)	član
Amel Kosovac (od 30.04.2024.)	član
Damir Kurjaković (od 25.02.2024.)	član
Milenko Obad (od 23.08.2023.)	član
Eldar Aganović (do 13.02.2025. godine)	član
Zlatko Terzić (od 14.02.2025. godine)	
Ivan Gržić (od 23.08.2023.)	član

U revidiranom periodu (01.01. – 31.12.2025. godine), Nadzorni odbor je održao 34 sjednice na kojima su između ostalog, razmatrani i usvojeni:

- Pravilnik o izmjenama i dopunama Pravilnika o radu,
- Pravilnik o zaštiti na radu,
- Pravilnik o zaštiti od požara,
- Pravilnik o unutrašnjoj zaštiti lica i imovine JP Elektroprivreda BiH d.d. – Sarajevo,
- Pravilnik o trgovini električnom energijom,
- Pravilnik o metodologiji utvrđivanja prodajnih cijena usluga punjenja električnih vozila
- Pravilnik o zaštiti okoline
- Pravila o priključenju objekata korisnika distributivnog sistema na distributivnu mrežu Operatora distributivnog sistema JP EP BiH d.d.-Sarajevo
- Pravila o radu distributivnog sistema Operatora distributivnog sistema JP Elektroprivreda BiH d.d. – Sarajevo;
- Odluka o usvajanju Izvještaja o poslovanju za period I – VI 2025. godine,
- Odluka o davanju prethodne saglasnosti na prijedlog Odluke o potpunoj i trajnoj obustavi rudarskih radova u RMU Zenica (pogon Raspotočje)
- Odluka o usvajanju Elektroenergetskog bilansa za period 2026. – 2028. godina
- Program mjera za otklanjanje uzroka gubitka u poslovanju Društva.

Nakon revidiranog perioda, a do sačinjavanja ovog Izvještaja, održano je 10 sjednica, na kojima su između ostalog, razmatrani i usvojeni:

- Odluka o donošenju Desetogodišnjeg plana razvoja elektrodistributivnog sistema za period 2026. – 2035.
- Pravilnik o dopuni Pravilnika o računovodstvu i računovodstvenim politikama Javnog preduzeća Elektroprivreda Bosne i Hercegovine d.d. – Sarajevo
- Odluka o usvajanju Elaborata o izvršenom popisu sredstava, potraživanja i obaveza na dan 31.12.2025. godine,
- Odluka o usvajanju Izvještaja o poslovanju Društva za 2025. godinu,
- Odluka o utvrđivanju prijedloga Odluke o pokriću gubitka Društva za 2025. godinu
- odluke o davanju saglasnosti na prijedloge trogodišnjih planova poslovanja zavisnih društava - rudnika uglja za period 2026. -2028. godina

- Odluka o sazivanju Devedeset i treće (vanredne) Skupštine Društva za 25.03.2026. godine
- Odluka o sazivanju Devedeset i četvrte (vanredne) Skupštine Društva za 10.04.2026. godine

### **Uprava Društva**

Upravu Društva čine Generalni direktor i šest izvršnih direktora i to:

- Izvršni direktor za proizvodnju,
- Izvršni direktor za distribuciju,
- Izvršni direktor za snabdijevanje i trgovinu,
- Izvršni direktor za ekonomske poslove,
- Izvršni direktor za pravne poslove i ljudske resurse,
- Izvršni direktor za kapitalne investicije.

Radom Uprave rukovodi Generalni direktor.

### **Saziv Uprave od 16.05.2024. godine**

Generalni direktor	Sanel Buljubašić
Izvršni direktor za proizvodnju	Fahrudin Tanović
Izvršni direktor za distribuciju	Edisej Sjerotanović
Izvršni direktor za snabdijevanje i trgovinu	Nevad Ikanović
Izvršni direktor za ekonomske poslove	Sanela Jurišić
Izvršni direktor za pravne poslove i ljudske resurse	Amra Ohranović
Izvršni direktor za kapitalne investicije	Harun Gadžo

Prema članu 88. *Statuta*, Uprava je, između ostalog, nadležna za podnošenje polugodišnjih i godišnjih izvještaja o poslovanju Nadzornom Odboru i Odboru za reviziju.

U revidiranom periodu (01.01. – 31.12.2025. godine) Uprava Društva je održala 84 sjednice.

### **Odbor za reviziju**

Na 83. (vanrednoj) Skupštini koja je održana 21.06.2024. godine, imenovani su članovi Odbora za reviziju, na period od četiri godine i to:

Mevledin Bećirević	predsjednik
Namik Smajović	član
Suljo Kasapović	član

U revidiranom periodu (01.01.- 31.12.2025. godine), Odbor za reviziju je održao ukupno 27 sjednica.

U skladu sa Zakonom o javnim preduzećima, Direktor Odjela za internu reviziju vrši funkciju člana Odbora za reviziju, bez prava glasa u ovom organu.

U skladu sa Zakonom o javnim preduzećima, Odbor za reviziju je u revidiranom periodu Nadzornom odboru Društva redovno podnosio mjesečne izvještaje o svom radu, koji su razmatrani od strane Nadzornog odbora.

### **Odjel za internu reviziju**

U skladu sa Zakonom o javnim preduzećima, u Društvu je formiran Odjel za internu reviziju, kojim rukovodi Direktor Odjela za internu reviziju. Odlukom Ureda za reviziju institucija u Federaciji Bosne i Hercegovine od 25.05.2022. godine, imenovan je Direktor Odjela za internu reviziju (Hajrudin Hadžović) na period od četiri godine počev od 01.06.2022. godine.

U skladu sa Zakonom o javnim preduzećima, Direktor Odjela za internu reviziju ima isključivu odgovornost za izbor i rukovođenje zaposlenicima u Odjelu. Prema popunjenosti na dan 31.12.2025. godine, Odjel za internu reviziju ima osam radnika.

U skladu sa statutima ZD i/ili ugovorima o vođenju poslova zaključenim između Društva i ZD društava (rudnici, Eldis Tehnika d.o.o. Sarajevo, TTU Energetik d.o.o. Tuzla, Geolp d.o.o. Kakanj, MiOD d.o.o. Tuzla, Hotel ELBiH d.d. Makarska), Odbor za reviziju i Odjel za internu reviziju vrše poslove interne revizije za navedena ZD.

U revidiranom periodu, Odjel za internu reviziju je obavio revizije koje su planirane *Planom rada Odjela za internu reviziju za 2025. godinu*, usvojenim od strane Odbora za reviziju, te Odboru redovno podnosio izvještaje o obavljenim revizijama.

U skladu sa članom 18. Zakona o internoj reviziji u javnom sektoru u FBiH, Odjel za internu reviziju je sačinio godišnji izvještaj interne revizije (obraci: OB-11a GI IR *Godišnji izvještaj interne revizije - opći podaci* i OB-11b GI IR *Godišnji izvještaj interne revizije – statistika*) i u zakonskom roku dostavio Centralnoj harmonizacijskoj jedinici FBiH (dana 24.02.2026. godine).

### **III.10 ESG IZVJEŠTAVANJE**

Nefinansijsko izvještavanje, odnosno izvještavanje o održivosti, uređeno je Direktivom EU 2014/95/EU (NFRD), kojom je izmijenjena Direktiva 2013/34/EU u pogledu obaveze objavljivanja nefinansijskih informacija i informacija o raznolikosti. Ova direktiva obavezuje države članice EU da propišu nefinansijsko izvještavanje za velika preduzeća koja su subjekti od javnog interesa (npr. duštva čijim se vrijednosnim papirima trguje na uređenom tržištu, banke, osiguravajuća društva i druga društva koja država definiše kao subjekte od javnog interesa). Obaveza izvještavanja primjenjuje se na velika preduzeća s više od 500 zaposlenih, koja pored finansijskih informacija u svoje godišnje izvještaje uključuju i nefinansijski izvještaj o pitanjima okoliša, socijalnim pitanjima, ljudskim pravima i korporativnom upravljanju.

Nefinansijske informacije poznate su i pod imenom ESG (Environmental, Social, Governance) informacije o okolišu, društvu i upravljanju, te se odnose na:

- okoliš tj. kako se organizacija ponaša u odnosu s prirodom. To može uključivati pitanja u vezi s emisijama ugljika, upravljanja otpadom i vodama, izvorima sirovina i ranjivosti u odnosu na klimatske promjene, upotrebi obnovljivih i/ili neobnovljivih izvora energije, emisiji stakleničkih plinova, itd;
- društvena i kadrovska pitanja (kako organizacije upravljaju odnosima sa zaposlenicima, kupcima i širom zajednicom. Rizici koji spadaju u ovu kategoriju mogu uključivati društvenu odgovornost preduzeća, upravljanje radom, privatnost podataka, opću sigurnost, zdravlje i sigurnost, raznolikost, jednakost i uključenost); i
- korporativno upravljanje (poslovna etika, vodstvo, plaća izvršnih direktora, revizije, interne kontrole, zaštita intelektualnog vlasništva i prava dioničara).

Nakon što je 05.01.2023. godine stupila na snagu nova EU Direktiva o korporativnom izvještavanju o održivosti (CSRD), obaveza izvještavanja o održivosti proširena je i postepeno se uvodi u periodu 2024–2028. godine. Velike kompanije (unutar EU) koje su već bile obveznici NFRD počinju primjenjivati CSRD za izvještaje za 2024. godinu, dok sve ostale velike kompanije iz EU imaju obavezu za finansijske izvještaje za 2025. godinu. Mala i srednja preduzeća u EU čijim se vrijednosnim papirima trguje na uređenom tržištu obavezu primjenjuju za finansijske izvještaje za 2026. godinu godinu, uz mogućnost odgode do 2028. godine. Kompanije iz **trećih zemalja** koje ostvaruju više od 150 miliona EUR prihoda u EU i imaju podružnicu ili filijalu u EU biće obavezne izvještavati u skladu s CSRD-om za finansijske izvještaje s datumom 31.12.2028. godine.

Zemlje kandidati i pridružene zemlje, poput Bosne i Hercegovine, dužne su postepeno harmonizirati svoje zakonodavstvo s CSRD-om. Fiksni datum nije određen, očekuje se da će se ovaj proces završiti u okviru procesa pristupanja EU.

**U Bosni i Hercegovini trenutno ne postoji zakonska obaveza izvještavanja o održivosti** niti su izvršene izmjene Zakona o računovodstvu i reviziji u skladu s CSRD direktivom. Međutim, Bosna i Hercegovina je, na osnovu Sporazuma o stabilizaciji i pridruživanju (SSP), obavezna postepeno usklađivati svoje zakonodavstvo sa pravnom stečevinom EU, uključujući i zahtjeve iz CSRD-a i pratećih ESRS standarda. U svakom slučaju, bez obzira na tok procesa pristupanja EU, kompanije iz BiH koje ostvaruju više od 150 miliona EUR prihoda u EU i imaju podružnicu ili filijalu u EU, će imati obavezu primjene ESG za finansijske izvještaje s datumom 31.12.2028. godine (kako je prethodno navedeno).

Međutim, iako u Bosni i Hercegovini još ne postoji zakonska obaveza izvještavanja o održivosti, **Društvo ima potrebu za uvođenjem ESG principa**, prvenstveno zbog zahtjeva međunarodnih finansijskih institucija (EBRD, EIB, KfW) i inostranih dobavljača (koji su već dužni primjenjivati ESG principe). Nadalje, Bosna i Hercegovina je članica Energetske zajednice i time je preuzela obavezu usklađivanja energetske zakonodavstva sa EU. Društvo ne ispunjava prethodno naveden uslov o ostvarenim prihodima u EU.

#### **Program ESG principa u Društvu**

Dana 26.08.2025. godine, Pomoćnik generalnog direktora za razvoj je Upravi Društva dostavio Informaciju o izradi nacrtu ESG programa. Uprava je navedenu informaciju primila k znanju na 184. sjednici održanoj dana 03.09.2025. godine, te je usvojen zaključak „Kroz planiranu tehničku asistenciju iz granta evropske komisije posredstvom KfW banke, unaprijediti nacrt i finalizirati ESG Program EPBiH, te ga dostaviti Upravi Društva na razmatranje“.

U Nacrtu je između ostalog navedeno da je Društvo već poduzelo određene korake u smjeru energetske-klimatske tranzicije kroz ulaganja u obnovljive izvore, upotrebu biomase i projekte smanjenja emisija. U ranijem periodu su usvojeni strateški dokumenti (Strategija energetske tranzicije i dekarbonizacije 2050, Plan dekarbonizacije 2050, Energetsko-klimatski izvještaj) koji definišu ciljeve smanjenja emisija, povećanja udjela OIE i tehnološke modernizacije te predviđaju njihovo godišnje ažuriranje.

U Društvu postoji nekoliko akata iz domena ESG, kao i određeni izvještaji iz oblasti okoliša, energije, klimatskih utjecaja i zaštite na radu, ali i akti i izvještaji zahtijevaju usklađivanje sa međunarodnim standardima. Plan je uvesti prvi Izvještaj o održivosti EPBiH za 2025. godinu, uz asistenciju konsultanta KfW.

U Nacrtu su identifikovani sljedeći ESG rizici

- Okolinski i klimatski rizici i izvještavanje: emisije polutanata, klimatski uticaj na proizvodnju, GHG emisije i faktor emisije mreže.

- Društvena pitanja i izvještavanje: pravedna tranzicija rudnika, zaštita radnika, komunikacija s lokalnom zajednicom, odnosi sa kupcima
- Korporativno upravljanje i izvještavanje: uključivanje klimatskih pitanja u korporativno upravljanje, jačanje transparentnosti, odgovornosti i otpornosti korporativnog upravljanja.

U narednom periodu Društvo, uz asistenciju konsultanta, planira razviti:

- plan praćenja i izvještavanja emisija CO<sub>2</sub>,
- podršku implementaciji mape puta dekarbonizacije,
- jedinstveni Sustainability Report,
- uspostavljanje virtualne elektrane u okviru veleprodaje Društva i/ili tržišnog snabdijevanja,
- politiku rodne ravnopravnosti.

Navedeni Nacrt će biti predmetom daljeg unapređenja u narednih 12 mjeseci.

Za početak, u Društvu će se ESG poslovi koordinirati kroz Sektor za prestrukturiranje i reinženjering, uz uključivanje stručnjaka iz različitih sektora. Planira se i osnivanje posebne organizacione jedinice koja će trajno voditi ESG pitanja i rizike, uz definisanje ovlaštenja, nadležnosti i odgovornosti za izvještavanje i implementaciju. Prema informacijama koje smo dobili od Pomoćnika generalnog direktora za razvoj, u Društvu je formiran interni tim za CCG (*Climate Corporate Governance*), koji je razradio preliminarni prijedlog organizacije ESG jedinice. Pored toga, Društvo će kroz EFSD+ grant program (posredstvom KfW-a) dobiti tehničku asistenciju za ESG izvještavanje, te detaljnije analizirati i utvrditi prijedlog organizacijske ESG jedinice. Grant je već odobren Društvu, a sporazum o grantu je potpisan krajem 2025. godine.

Također je predviđena izrada prvog Sustainability Report EPBiH za 2026 – Izvještaja o održivosti u Društvu za 2026. godinu.

## IV GODIŠNJI OBRAČUN ZA 2025. GODINU

### IV.1 POPIS IMOVINE I OBAVEZA

U skladu sa članom 21. Zakona o RiR u FBiH, Društvo je dužno da najmanje jednom godišnje, sa stanjem na dan kada se završava poslovna godina ili neki drugi obračunski period, izvrši popis imovine i obaveza sa ciljem da se utvrdi njihovo stvarno stanje, te da se u poslovnim knjigama izvrši usklađivanje knjigovodstvenog sa stvarnim stanjem.

U skladu sa navedenim članom i Odlukom o popisu utvrđuje se postupak provođenja popisa imovine i obaveza (određivanje komisije, način i rokovi popisa, način usklađivanja knjigovodstvenog stanja sa stvarnim stanjem). Za provođenje popisa imovine i obaveza u pravnom licu formiraju se komisije za popis.

Generalni direktor je dana 28.10.2025. godine donio *Odluku o popisu imovine i obaveza za 2025. godinu* (broj odluke 01-05-38365-1/2025). Shodno navedenoj odluci, popis imovine i obaveza u Društvu će se obaviti u skladu sa *Uputstvom o provođenju popisa imovine i obaveza za 2025. godinu* (br. 01-05-38366-1/25 od 28.10.2025. godine).

U skladu sa navedenim aktima u Društvu je izvršen popis imovine i obaveza te je sačinjen Elaborat o redovnom godišnjem popisu (inventarisanju) sredstava i obaveza Javnog preduzeća Elektroprivreda BiH d.d. – Sarajevo (u nastavku "Elaborat") na dan 31.12.2025. godine. Nadzorni odbor je usvojio isti na 93. sjednici održanoj dana 24.02.2026. godine i donio *Odluku o usvajanju Elaborata o izvršenom*

popisu sredstava, potraživanja i obaveza Javnog preduzeća Elektroprivreda Bosne i Hercegovine d.d. – Sarajevo na dan 31.12.2025. godine, broj: NO-5344/26-93./4.

U skadu sa navedenom odlukom o usvajanju Elaborata, Društvo je, između ostalog, u poslovnim evidencijama, evidentiralo:

- rashod građevina u iznosu od 50.886 KM,
- rashod građevina koje su isknjižene po kolaudacijama, u iznosu 91.946 KM,
- rashod opreme u iznosu 56.484 KM,
- rashod investicija u toku u iznosu 5.000.000 KM,
- isknjiženje investicija u toku u iznosu 5.083.008 KM,
- rashodi po osnovu ispravke vrijednosti subvencija u iznosu 1.944.929 KM,
- rashodi/prihodi/isplate po osnovu rezervacija za otpremnine, jubilarne nagrade i pomoći penzionisanim radnicima, u neto iznosu od 6.485.249 KM.

#### **IV.2 INDIKATORI POSLOVANJA (ZAKON O FINANSIJSKOM POSLOVANJU)**

U skladu sa članom 4. Zakona o finansijskom poslovanju Uprava je dužna:

- u vođenju poslova društva, poduzeti sve potrebne mjere kako bi se osigurala likvidnost,
- upravljati imovinom i obavezama društva tako da je ono sposobno izvršavati sve svoje dospjele obaveze,
- osigurati sistemsko praćenje, procjenu i strategiju održavanja, odnosno dostizanja adekvatnog nivoa kapitala u odnosu na vrstu, obim i složenost poslovne djelatnosti koju društvo obavlja i rizike kojima je izloženo ili bi moglo biti izloženo u obavljanju te poslovne djelatnosti.

Prema članu 5. navedenog Zakona, **Nadzorni odbor Društva je dužan nadzirati stanje likvidnosti, kao i poduzimati adekvatne mjere radi otklanjanja nelikvidnosti društva.** Nadalje, u skladu sa članom 7., **mjere koje je Uprava dužna poduzeti za razvoj i provođenje politike redovnog upravljanja rizikom likvidnosti su:**

- redovno praćenje i upravljanje likvidnošću,
- planiranje poznatih i potencijalnih novčanih odliva i priliva, s obzirom na redovni tok poslovanja,
- određivanje odgovarajućih mjera za sprečavanje ili otklanjanje uzroka nelikvidnosti i identificiranje drugih mogućnosti.

Prema članu 8. navedenog Zakona, Uprava Društva je dužna poduzeti sve potrebne mjere da Društvo raspolaže sa dovoljno dugoročnih izvora finansiranja, s obzirom na obim i vrstu poslovne djelatnosti, te je dužna redovno pratiti da Društvo ostvaruje adekvatnost kapitala. U skladu sa odredbama navedenog zakona, neadekvatnost kapitala nastaje ako je na dan sastavljanja finansijskih izvještaja gubitak iz tekuće godine zajedno s prenesenim gubicima dostigao polovinu visine njegovog osnovnog kapitala.

Prema odredbama člana 35. *Pravilnika o finansijskom poslovanju Društva*, ako se polugodišnjim obračunom utvrdi gubitak u poslovanju, u roku od 10 dana od isteka roka propisanog za podnošenje periodičnog obračuna, Uprava Društva, u saradnji sa nadležnim službama Direkcije Društva i podružnica, analizira i utvrđuje uzroke nastanka gubitka i sačinjava prijedlog Programa mjera za otklanjanje uzroka gubitaka.

Obzirom da je bio utvrđen gubitak po polugodišnjem obračunu za 2025. godinu (50.476.632 KM) Uprava Društva je na 180. sjednici održanoj dana 12.08.2025. godine usvojila **Program mjera za otklanjanje uzroka gubitka u poslovanju Društva.** U Programu je navedeno da u je cilju otklanjanja gubitaka,

zaštite i održivosti daljeg poslovanja Društva, te sanacije ugroženog gotovinskog toka, neophodno primjeniti sljedeće mjere:

- nastaviti sa primjenom Programa mjera štednje na nivou Društva,
- obavezati ZD rudnike uglja da poduzmu mjere na ostvarenju planskih parametara na uglju, otkrivci i širim pripremama,
- poduzeti mjere za nabavku dodatnih količina uglja na tržištu,
- intenzivirati otkup električne energije,
- pokrenuti tarifni postupak za povećanje cijene mrežarine,
- poboljšati upravljanje zalihama,
- osigurati model efikasnije naplate potraživanja po svim osnovama duga,
- razmotriti obraćanje Vladi FBiH sa zahtjevom za finansijsku podršku.

Pored navedenog programa, Uprava Društva je dana 14.04.2025. godine, na 156. sjednici, usvojila **Program energetske i finansijske konsolidacije poslovanja Društva za 2025. godinu**, a naknadno su usvajane ažurirane verzije (posljednja verzija br. U-01-39908-1/25-205/17 od 11.11.2025. godine).

U Programu su navedene mjere za popravljjanje poslovnog rezultata Društva za 2025. godinu:

- nabavka dodatnih količina uglja izvan Koncerna obzirom da ZD rudnici ne ispunjavaju ugovorenu isporuku uglja,
- obavezati ZD rudnike uglja da poduzmu mjere na ostvarenju planskih parametara na uglju, otkrivci i širim pripremama,
- nastaviti sa primjenom Programa mjera štednje na nivou Društva,
- prolongiranje pojedinih investicionih ulaganja s ciljem poboljšanja stanja gotovine,
- intenzivirati otkup električne energije od nezavisnih proizvođača, poduzimati aktivnosti na vezanoj trgovini, te smanjivati troškove debalansa,
- smanjivanje rizika od neplanskih ispada,
- obratiti se Vladi FBiH sa zahtjevom za finansijsku podršku,
- pokrenuti tarifni postupak u cilju povećanja prihoda od mrežarine,
- poboljšati upravljanje zalihama,
- osigurati model efikasnije naplate potraživanja po svim osnovama duga.

Nadzorni odbor Društva je na 76. sjednici održanoj dana 30.09.2025. godine razmatrao *Informaciju o adekvatnosti kapitala, stanju likvidnosti i solventnosti po polugodišnjem izvještaju za 2025. godinu*, te, između ostalog, donio Zaključak broj 2/76 koji glasi: "*Nadzorni odbor i Uprava JP Elektroprivreda BiH d.d. - Sarajevo traže od većinskog vlasnika Vlade Federacije Bosne i Hercegovine da za 2025. godinu i za 2026. godinu razmotri zakonske mogućnosti u smislu finansijske konsolidacije Društva u svrhu očuvanja energetske stabilnosti Javnog preduzeća Elektroprivreda Bosne i Hercegovine d.d. - Sarajevo i Federacije Bosne i Hercegovine.*"

U cilju realizacije navedenog Zaključka, **Društvo je** dana 18.11.2025. godine, **Vladi FBiH i FMERI uputilo Zahtjev za finansijsku podršku Vlade FBiH za očuvanje energetske stabilnosti JP EP BiH i FBiH**, broj 01-05-40357-1/2025. U dopisu Društvo navodi razloge teškoća u poslovanju (nedovoljna proizvodnja uglja u ZD rudnicima čime je proizvodnja električne energije smanjena, te je Društvo primorano da istu kupuje po visokim cijenama kako bi se sanirao deficit u elektroenergetskom bilansu), te se **obraća Vladi FBiH i FMERI za finansijsku podršku u iznosu 75 miliona KM u 2025. godini i 125 miliona KM u 2026. godini radi konsolidacije poslovanja Društva i ZD rudnika uglja, a sve u cilju očuvanja stabilnosti elektroenergetskog sistema FBiH.**

Također, Društvo je, zbog ozbiljnosti situacije u kojoj se nalazi JP Elektroprivreda BiH d.d. – Sarajevo, dana 08.12.2025. godine **uputilo Vladi FBiH i FMERI inicijativu za**, što je moguće prije, **održavanje zajedničkog sastanka predstavnika Vlade FBiH i FMERI sa članovima Nadzornog odbora i Uprave Društva**.

U cilju poduzimanja mjera kojim bi se **obezbijedila planirana proizvodnja i ciljane količine uglja za nesmetan rad termoelektrana i stabilnost elektroenergetskog sektora FBiH**, Uprava Društva je dopisom broj 01-09-45087-2/2025 od 17.12.2025. godine, **Vladi FBiH i FMERI dostavila "Program radova i finansijskih potreba rudnika za postizanje ciljanih količina uglja u 2026. godini"** u kojem je navedeno da *"većina rudnika, u postojećim tehničkim i finansijskim uslovima, nije u mogućnosti samostalno finansirati radove neophodne za stabilizaciju i povećanje proizvodnje, te da se suočavaju sa ozbiljnim ograničenjima u pogledu raspoloživih finansijskih sredstava, stanja mehanizacije i vremena potrebnog za izvođenje ključnih rudarskih radova, prvenstveno otkrivke i pripremnih jamskih radova"*. Također, navedeno je *"uprkos značajnim finansijskim ulaganjima EPBIH u prethodnim godinama, rudnici u postojećim uslovima objektivno nemaju kapacitet da samostalno obezbijede količine uglja koje odgovaraju potrebama termoelektrana, niti je taj jaz moguće nadokanditi isključivo internim mjerama Društva"*. U prilogu navedenog dopisa, Vladi i FMERI su dostavljeni i sljedeći dokumenti: *"Program mjera prema Vladi FBiH"*, *"Skrraćene verzije elaborata rudnika (pregled projekata, vrijednosti i očekivanih efekata)"* i *"Kompletni elaborati rudnika kao tehnička i finansijska podloga"*. U skladu sa datim obrazloženjima i dostavljenom dokumentacijom, Društvo je **zatražilo finansijska sredstva za 2026. godinu u iznosu od cca 66,3 miliona KM**.

Osim navedenih dopisa, Društvo se u više navrata obraćalo nadležnim u vezi povrata uplaćene premije i provizije po osnovu Granacije za Blok 7, izdate od strane Federacije BiH u korist EXIM banke Kine. Tako je Društvo u dva navrata **upućivalo zahtjeve prema FMF** (dopis broj 05-11690-1/2024 od 05.04.2024. godine i 05-42746-1/2025 od 03.12.2025. godine) **za povrat uplaćene premije i provizije po osnovu Garancije za Blok 7**. Također, Društvo se sa istim zahtjevom **obraćalo i Premijeru Federacije BiH** (dopis broj 01-07-39767-1/2024 od 06.11.2024. godine).

Posljednjom *Odlukom o izmjeni Odluke o provedbi mjera za smanjenje troškova električne energije kućanstvima i stimulaciju energetske efikasnosti* (Sl.novine FBiH 95/25) definisano da je će sva neisplaćena potraživanja, po osnovu odobrenih subvencija krajnjim kupcima električne energije, koja ima JP Elektroprivreda BiH d.d. - Sarajevo od Vlade Federacije Bosne i Hercegovine u periodu od 01.01.2022. do 31.12.2024. godine, biti isplaćena iz Budžeta Federacije Bosne i Hercegovine za 2026. godinu. Iako se **Društvo u više navrata obraćalo Vladi FBiH, FMERI i FMF sa zahtjevom za isplatu subvencija** u skladu sa izmjenjenom *Odlukom*, te naglašavalo da **iznos subvencija u iznosu 10.572.118 KM u značajnoj mjeri opterećuje poslovanje Društva, do sačinjavanja ovog Izvještaja Društvo nije naplatilo navedena potraživanja** (detaljnije u *Bilješci 24.3*).

Prema dostavljenim informacijama, **Društvo**, do sačinjavanja ovog Izvještaja, **nije dobilo odgovor ni na jedan od gore navedenih dopisa koji su upućeni nadležnim** (Premijer FBiH, Vlada FBiH, FMERI, FMF).

Prema odredbama člana 36. *Pravilnika o finansijskom poslovanju Društva*, ako se godišnjim obračunom utvrdi gubitak u poslovanju Društva, u roku od 30 dana po isteku roka propisanog za podnošenje godišnjeg obračuna neophodno je utvrditi da li nastali gubitak ugrožava uspješno poslovanje i da li dovodi do insolventnosti. Ukoliko se utvrdi da nastali gubitak ugrožava uspješno poslovanje i dovodi do insolventnosti, Uprava Društva analizira i utvrđuje uzroke nastanka gubitka i sačinjava prijedlog Programa sanacije. Program mjera za otklanjanje uzroka gubitka usvaja Nadzorni odbor Društva.

Nadzorni odbor Društva je na 99. sjednici održanoj dana 10.04.2026. godine razmatrao **Informaciju o adekvatnosti kapitala, stanju likvidnosti i solventnosti po godišnjem izvještaju za 2025. godinu**. Informacija je sačinjena u skladu sa odredbama Zakona o finansijskom poslovanju, Pravilnika o

finansijskom poslovanju, te Planom za razvoj finansijskog upravljanja i kontrole za 2025. godinu. U informaciji su navedeni podaci o finansijskom rezultatu za 2025. godinu, kao i uzroci koji su doveli do gubitka. Također je analizirana adekvatnost kapitala (konstatovano je da je na dan 31.12.2025. godine vrijednost kapitala adekvatna u smislu odredbi Zakona o finansijskom poslovanju), te solventnost i likvidnost (konstatovano je da poslovanje Društva nije ugroženo). Na navedenoj sjednici, Nadzorni odbor je, između ostalog, usvojio i sljedeće Zaključke:

**Zaključak 1/99:**

(1) *Nadzorni odbor Društva prima k znanju Informaciju o adekvatnosti kapitala, stanju likvidnosti i solventnosti po godišnjem obračunu za 2025. godinu.*

(2) *Zadužuje se Uprava Društva da redovno prati i kontinuirano preduzima mjere i aktivnosti iz svoje nadležnosti na osiguranju adekvatnosti kapitala, likvidnosti i solventnosti Društva i o tome redovno izvještava Nadzorni odbor Društva, te, po potrebi, predloži Nadzornom odboru preduzimanje mjera i aktivnosti koje su u nadležnosti Nadzornog odbora Društva.*

U nastavku su prezentirani osnovni indikatori poslovanja Društva za 2025. godinu, odnosno sa stanjem na dan 31.12.2025. godine:

	31.12.2025.	31.12.2024.
Tekuća likvidnost	1,94	2,20
Ubrzana likvidnost	1,45	1,80
Trenutna likvidnost	0,27	0,88
Neto radni kapital	237.927.570	320.185.061
Finansijska stabilnost	0,92	0,89
Odnos duga i kapitala	0,18	0,19
Povrat na imovinu (ROA)	(1,71%)	(1,83%)
Povrat na kapital (ROE)	(2,05%)	(2,21%)

Analiza pokazatelja likvidnosti ukazuje da Društvo i dalje održava sposobnost izmirenja kratkoročnih obaveza, s obzirom da su pokazatelji tekuće i ubrzane likvidnosti tokom cijelog posmatranog perioda iznad referentne vrijednosti 1. Međutim, **u 2025. godini evidentan je pad koeficijenta likvidnosti u odnosu na prethodnu godinu.** Koeficijenti tekuće i ubrzane likvidnosti su smanjeni, a posebno je **značajan pad pokazatelja trenutne likvidnosti, što ukazuje na znatno smanjenu raspoloživost novčanih sredstava za neposredno izmirenje dospjelih kratkoročnih obaveza.**

Na osnovu obavljene revizije, kao i ostalih raspoloživih informacija, **skrećemo pažnju na postojanje izrazito visokog rizika od ugrožavanja likvidnosti Društva u narednom periodu usljed sljedećih faktora:**

- Zbog izgubljenog sudskog spora sa konzorcijem Strabag – Končar (detaljnije u **Bilješci 28.3**), Društvo, sasvim izvjesno, u narednom periodu očekuje isplata iznosa od približno 20 miliona EUR uvećano za zatezne kamate.
- Potraživanja od Vlade FBiH po osnovu subvencija u iznosu od 10.572.118 KM (**Bilješka 24.3**), koja do izdavanja ovog Izvještaja nisu naplaćena.
- Zadržana sredstva od strane FMF, koja je Društvo uplatilo na ime premije (39.628.382 KM) i provizije (8.032.916 KM) po osnovu Garancije za Blok 7, izdate od strane Federacije BiH u korist EXIM banke Kine. Društvo je od EXIM banke Kine dobilo potvrdu da je Sporazum o kreditnoj liniji u potpunosti otkazan i da su sve obaveze Društva i Federacije BiH po osnovu

Garancije Federacije BiH prestale, odnosno da se smatra da je Garancija Federacije BiH prestala važiti.

### **IV.3 SAČINJAVANJE FINANSIJSKIH IZVJEŠTAJA**

Finansijski izvještaji se izrađuju u skladu sa Zakonom o RiR u FBiH i računovodstvenim standardima koji se primjenjuju na teritoriji Federacije i koji obuhvataju: MRS i MSFI zajedno sa uputstvima, objašnjenjima, smjernicama i načelima koje donosi IFAC i IASB.

Prema članu 38. Zakona o RiR za istinito i fer prikazivanje finansijskog položaja i uspješnosti poslovanja pravnog lica odgovorno je lice ovlašteno za zastupanje pravnog lica upisano u sudski registar u svojstvu direktora pravnog lica, članovi uprave, upravni, odnosno nadzorni organ pravnog lica u okviru svojih zakonom određenih nadležnosti, odgovornosti i dužne pažnje, kao i kvalificirano lice iz člana 32. ovog zakona koje je sačinilo i potpisalo finansijske izvještaje u skladu sa pravilima struke.

Prema Pravilniku o organizaciji Društva, za izradu i predaju godišnjeg obračuna u Društvu zadužen je Sektor za računovodstvene poslove Direkcije Društva.

Društvo je popunilo set finansijskih izvještaja – godišnjeg obračuna (Izveštaj o finansijskom položaju na kraju perioda na dan 31.12.2025. godine, Izveštaj o ukupnom rezultatu za period 01.01.-31.12.2025. godine, Izveštaj o promjenama u kapitalu od 01.01.-31.12.2025. godine, Izveštaj o tokovima gotovine za period 01.01.-31.12.2025. godine, Bilješke uz finansijske izvještaje za period 01.01. - 31.12.2025. godine i ostale obrasce godišnjeg obračuna).

Nakon razmatranja i usvajanja godišnjeg obračuna, isti su odobreni od strane Nadzornog odbora na 93. sjednici održanoj 24.02.2026. godine i u zakonskom roku predati FIA-i.

U nastavku su dati Izveštaj o ukupnom rezultatu za period 01.01.-31.12.2025. godine te Izveštaj o finansijskom položaju na kraju perioda na dan 31.12.2025. godine, koje je Društvo predalo FIA-i. Napominjemo da smo radi lakšeg razumijevanja neke pozicije unutar izvještaja o finansijskom položaju reklasifikovali (na primjer, potraživanja za date avanse za zalihe smo prikazali u okviru pozicije "Ostala kratkoročna potraživanja i imovina, uključujući razgraničenja", umjesto u okviru pozicije Zaliha kako je u obrascima koje je propisala FIA).

**IZVJEŠTAJ O UKUPNOM REZULTATU  
ZA PERIOD OD 01.01. – 31.12.2025.**

	Bilješka	2025. KM	2024. KM
Prihodi iz ugovora s kupcima	1.	1.462.175.063	1.227.023.371
Ostali prihodi i dobici	2.	29.393.199	53.901.501
<b>Ukupno prihodi</b>		<b>1.491.568.262</b>	<b>1.280.924.872</b>
Nabavna vrijednost prodane robe, troškovi sirovina, materijala i goriva	3.	976.741.919	783.517.658
Troškovi plaća i ostalih ličnih primanja	4.	210.147.401	198.043.746
Amortizacija	5.	137.429.618	144.675.073
Troškovi primljenih usluga	6.	125.805.257	115.009.870
Ostali poslovni rashodi i troškovi	7.	60.908.638	65.664.509
Ostali rashodi i gubici	8.	32.917.870	31.976.896
<b>Ukupno rashodi</b>		<b>1.543.950.703</b>	<b>1.338.887.752</b>
<b>(Gubitak) / dobit iz redovnog poslovanja prije oporezivanja</b>		<b>(52.382.441)</b>	<b>(57.962.880)</b>
Porez na dobit	9.	13.916	(404.226)
<b>(Gubitak) / dobit iz redovnog poslovanja</b>		<b>(52.396.357)</b>	<b>(57.558.654)</b>
Ostali ukupni rezultat		1.919.725	(3.395.010)
<b>Ukupni rezultat - (gubitak) / dobit</b>		<b>(50.476.632)</b>	<b>(60.953.664)</b>

**IZVJEŠTAJ O FINANSIJSKOM POLOŽAJU NA KRAJU PERIODA  
NA DAN 31.12.2025. GODINE**

	Bilješka	31.12.2025. KM	31.12.2024. KM
<b>IMOVINA</b>			
<b>Dugoročna imovina</b>			
Nekretnine, postrojenja i oprema	10.	2.138.618.417	2.129.684.968
Imovina s pravom korištenja	11.	630.576	1.056.502
Nematerijalna sredstva	12.	9.021.294	10.488.177
Biološka imovina	13.	49.504	49.504
Ulaganja u zavisna društva	14.	314.637.147	304.928.233
Ulaganja u pridružena društva	15.	1.950.186	1.950.186
Dugoročni depoziti	16.	-	-
Dugoročne pozajmice i zajmovi	17.	95.526.257	101.190.823
Ostala dugoročna potraživanja i imovina, uključujući i razgraničenja	18.	1.193.243	1.173.686
Odgođena porezna imovina	19.	5.962.986	5.976.900
<b>Ukupno dugoročna imovina</b>		<b>2.567.589.610</b>	<b>2.556.498.979</b>
<b>Kratkoročna imovina</b>			
Zalihe	20.	124.068.361	106.516.584
Potraživanja od kupaca	21.	170.842.134	157.645.881
Tekuće dospjeće dugoročnih pozajmica i zajmova	17.	14.330.922	11.899.222
Kratkoročni depoziti	22.	29.654.421	201.058.188
Novac i novčani ekvivalenti	23.	38.996.913	33.395.585
Ostala kratkoročna potraživanja i imovina	24.	113.263.812	75.974.147
<b>Ukupno kratkoročna imovina</b>		<b>491.156.563</b>	<b>586.489.607</b>
<b>Poslovna imovina</b>		<b>3.058.746.173</b>	<b>3.142.988.586</b>
<b>Vanbilansna imovina</b>	34.	<b>2.114.040.095</b>	<b>2.091.621.824</b>
<b>UKUPNO IMOVINA I VANBILANSNA EVIDENCIJA</b>		<b>5.172.786.268</b>	<b>5.234.610.410</b>

**IZVJEŠTAJ O FINANSIJSKOM POLOŽAJU NA KRAJU PERIODA  
NA DAN 31.12.2025. GODINE (nastavak)**

	Bilješka	31.12.2025. KM	31.12.2024. KM
<b>KAPITAL I OBAVEZE</b>			
<b>Kapital</b>			
Dionički kapital		2.236.964.411	2.236.964.411
Rezerve		370.340.874	431.294.539
<b>(Akumulirani gubitak) / Neraspoređena dobit</b>		<b>(50.476.632)</b>	<b>(60.953.664)</b>
Akumulirana, neraspoređena dobit ranijih godina		-	-
(Gubitak) / dobit tekućeg perioda		(50.476.632)	(60.953.664)
<b>UKUPAN KAPITAL</b>	25.	<b>2.556.828.653</b>	<b>2.607.305.286</b>
<b>Dugoročne obaveze</b>			
Obaveze po dugoročnim kreditima	26.	88.961.716	108.946.294
Obaveze po najmovima	27.	225.538	664.309
Dugoročna rezervisanja	28.	112.665.037	108.532.426
Odgođeni prihod	29.	46.836.236	51.235.725
<b>Ukupno dugoročne obaveze</b>		<b>248.688.527</b>	<b>269.378.754</b>
<b>Kratkoročne obaveze</b>			
Tekuće dospjeće obaveza za dugoročne kredite	26.	19.557.126	35.007.749
Tekuće dospjeće obaveza za najmove	27.	432.085	418.753
Obaveze prema dobavljačima	30.	58.836.013	46.369.118
Ostale kratkoročne obaveze	31.	64.905.931	53.056.940
Obračunati troškovi	32.	95.820.161	117.774.309
Pasivna vremenska razgraničenja	33.	13.677.677	13.677.677
<b>Ukupno kratkoročne obaveze</b>		<b>253.228.993</b>	<b>266.304.546</b>
<b>Ukupno kapital i obaveze</b>		<b>3.058.746.173</b>	<b>3.142.988.586</b>
<b>Vanbilansne obaveze</b>	34.	<b>2.114.040.095</b>	<b>2.091.621.824</b>
<b>UKUPNO KAPITAL, OBAVEZE I VANBILANSNE OBAVEZE</b>		<b>5.172.786.268</b>	<b>5.234.610.410</b>

## V KLJUČNE INFORMACIJE IZ FINANSIJSKIH IZVJEŠTAJA

### 1. Prihodi iz ugovora s kupcima

	2025.	2024.
<b>Prihodi iz ugovora sa povezanim stranama</b>		
Prihodi od prodaje robe i gotovih proizvoda	19.472.413	19.429.627
Prihodi od usluga	269.096	168.224
	<b>19.741.509</b>	<b>19.597.851</b>
<b>Prihodi iz ugovora sa nepovezanim stranama na domaćem tržištu</b>		
Prihodi od prodaje robe i gotovih proizvoda	1.387.434.794	1.152.036.411
Prihodi od usluga	43.589.723	42.580.819
	<b>1.431.024.517</b>	<b>1.194.617.230</b>
<b>Prihodi iz ugovora sa nepovezanim stranama na inostranom tržištu</b>		
Prihodi od prodaje robe i gotovih proizvoda	11.409.037	12.808.290
	<b>11.409.037</b>	<b>12.808.290</b>
	<b>1.462.175.063</b>	<b>1.227.023.371</b>

Priznavanje prihoda definisano je Pravilnikom RiRP. Prihodi od prodaje robe i gotovih proizvoda su priznati u bilansu uspjeha kada je vjerovatno da ekonomske koristi pritiču u Društvo i mogu se pouzdano izmjeriti, a kupac je preuzeo kontrolu nad prodanom robom, rizike i koristi od vlasništva nad njom. Prihodi od prodaje usluga se priznaju u periodu u kojem je usluga izvršena u skladu sa stepenom dovršenosti na datum izvještavanja, dok se prihodi od priključaka priznaju u periodu nakon uplate naknade i okončanja svih aktivnosti na izgradnji priključka.

Prihodi od prodaje robe i gotovih proizvoda se uglavnom odnose na prodaju električne energije krajnjim kupcima u BiH (fizička i pravna lica) te kupcima iz djelatnosti trgovine (uključujući i kupce van BiH). Također, tu su uključene i sporedne djelatnosti (prodaja tehnološke pare, toplotne energije, itd). Društvo priznaje prihode na mjesečnom nivou nakon isporuke električne energije.

Regulatorna komisija za energiju u Federaciji BiH – FERK odobrava cijene javnog snabdijevanja za tzv. univerzalnu uslugu i to za kupce iz kategorije Domaćinstva i Ostala potrošnja na 0,4 kV naponu. Ostala prodaja se vrši po cijenama koje nisu regulisane od strane regulatora.

Od ukupnog iznosa prihoda od prodaje električne energije krajnjim kupcima u BiH u 2025. godini (1.071.513.817 KM), iznos od 320.734.016 KM se odnosi na prihod po osnovu mrežarina (2024. godina: prihod od prodaje električne energije krajnjim kupcima u BiH iznosi 938.561.014 KM, mrežarina 309.638.821 KM).

Dana 09.08.2023. godine, u Službenim novinama FBiH broj 60/23 objavljen je novi Zakon o električnoj energiji FBiH. Na osnovu navednog Zakona, dana 06.12.2023. godine u Službenim novinama FBiH broj 94/23 je objavljena *Odluka o proglašenju stanja ugrožene sigurnosti snabdijevanja električnom energijom za 2024. godinu.*

U skladu sa navedenim aktima, dana 13.12.2023. godine, u Službenim novinama FBiH broj 96/23 objavljena je *Odluka o uvođenju posebnih mjera kontrole cijena snabdijevanja električnom energijom za 2024. godinu*, kojom se ograničava povećanje cijena snabdijevanja električnom energijom za krajnje kupce do 20% maksimalno u odnosu na prethodnu godinu, pri čemu se isto odnosi na ugovore koji se zaključuju na period do 31.12.2024. godine. Odlukom je propisano da cijena snabdijevanja za 2024. godinu za postojećeg krajnjeg kupca ne može biti veća od cijene tržišnog snabdijevanja koja bi se utvrdila za 2021. godinu za odgovarajući naponski nivo, uvećane za po 20% za 2022., 2023. i 2024.

godinu, a u skladu sa odlukama o ograničavanju povećanja cijena snabdijevanja električnom energijom za 2022. i 2023. godinu, te odredbom ove odluke.

Na sjednici održanoj 28.06.2024. godine, Regulatorna komisija za energiju FBiH (FERK) dala je saglasnost Društvu za linearno povećanje cijena električne energije za kategorije domaćinstva i ostalu potrošnja. Linearno povećanje cijene električne energije iznosi 10% za domaćinstva i 8,1% za ostalu potrošnju na 0,4 kV, uključujući energiju i mrežarinu. Nove cijene električne energije se primjenjuju od 01.08.2024. godine.

Dana 23.07.2025. godine, FERK je dao saglasnost Društvu na Prijedlog cijena za snabdijevanje krajnjih kupaca, čime je uveden novi cjenovni model obračuna za kategoriju potrošnje domaćinstva, kao i povećanje cijena električne energije za kategorije domaćinstva, ostala potrošnja na 0,4kV i javna rasvjeta. Novi cjenovni model za kategoriju potrošnje domaćinstva podrazumijeva obračun prihoda za električnu energiju, za obračunski period od 30 dana, korištenjem tri tarife:

- Zelena tarifa: 0 – 350 kWh (uključujući 350 kWh),
- Plava tarifa: više od 350 – 1.000 kWh (uključujući 1.000 kWh),
- Crvena tarifa: više od 1.000 kWh.

Nove cijene električne energije se primjenju od 01.09.2025. godine.

## 2. Ostali prihodi i dobiti

	2025.	2024.
<b><i>Finansijski prihodi</i></b>		
Prihodi od kamata - povezana društva	4.327.283	4.434.470
Prihodi od zateznih kamata	2.095.057	1.917.381
Kamate na oročena sredstva	2.645.482	4.549.517
Kursne razlike, neto	1.153.190	26.709
Ostali finansijski prihodi	128.495	222.725
	<b>10.349.507</b>	<b>11.150.802</b>
Naplaćena otpisana potraživanja (2.1)	7.775.271	2.127.611
Prihodi od donacija	5.936.309	6.563.213
Prihodi od zakupnina	1.756.967	1.659.734
Prihodi od prodaje materijala, neto	1.147.908	1.118.569
Naplata šteta od osiguranja	333.741	1.347.214
Prihodi iz ranijih godina (2.2)	321.205	21.220.188
Otpuštanje umanjenja vrijednosti zaliha (2.3)	160.586	5.495.015
Neto dobiti od otuđenja nekretnina, postrojenja i opreme	111.592	252.859
Prihodi od dividend	-	500.000
Aktuarski dobiti po osnovu rezervisanja za otpremnine	-	834.268
Ostali prihodi	1.500.113	1.632.028
	<b>29.393.199</b>	<b>53.901.501</b>

**2.1** Od ukupnog salda naplaćenih otpisanih potraživanja od 7.775.271 KM, 64% odnosno 4.952.683 KM se odnosi na naplatu pozajmica datih ZD rudnicima (po osnovu pretvorbe avansa, obzirom da su te pozajmice, u prethodnim periodima bile 100% ispravljene na teret rashoda), a 27% odnosno 2.109.195 KM se odnosi na naplatu reprogramiranih potraživanja po osnovu isporučene tehnološke vode od RiTE Ugljevik (potraživanja također bila 100% ispravljena).

**2.2** Prihodi iz ranijih godina su u 2024. godini bili značajno veći zbog otpuštanja rezervisanja usljed korekcije vijeka trajanja termoblokova, te izmijenjenih (smanjenih) očekivanih troškova demontaže (16.099.273 KM), kao i oprihodovanja ukalkuliranih troškova licenci (4.896.598 KM).

**2.3** Od ukupnog salda 160.586 KM, najveći dio (152.146 KM) se odnosi na primjenu *Uputstva za umanjenje vrijednosti zaliha* (detaljnije u **Bilješci 20.**). Prihodi prikazani u 2024. godini su bili značajno veći zbog početka primjene novog *Uputstva za umanjenje vrijednosti zaliha*, kojim su se izmijenjili procenti umanjenja vrijednosti zaliha u odnosu na starosnu strukturu istih.

### 3. Nabavna vrijednost prodate robe, troškovi sirovina, materijala i goriva

	2025.	2024.
<b>Troškovi nabavke prodate robe</b>		
Trošak nabavke električne energije (3.1)	506.209.860	267.641.110
Trošak nabavke prodatih namirnica	471.639	396.999
	<b>506.681.499</b>	<b>268.038.109</b>
<b>Troškovi sirovina i materijala</b>		
Utrošeni uglj (3.2)	383.226.093	427.310.556
Prevoz i analiza kvaliteta uglja	39.844.787	44.807.446
Energija i gorivo	13.035.557	11.717.349
Materijal za održavanje	12.509.346	11.034.111
Ostali troškovi proizvodnje električne energije	11.461.842	13.305.950
Utrošeni rezervni dijelovi	7.885.068	5.792.072
Ostali troškovi sirovina i materijala	2.097.727	1.512.065
	<b>470.060.420</b>	<b>515.479.549</b>
	<b>976.741.919</b>	<b>783.517.658</b>

**3.1** Od iznosa 506.209.860 (trošak nabavke električne energije) dio u iznosu od 169.768.468 KM se odnosi na troškove nabavke električne energije po osnovu kupoprodaje (po osnovu čega su ostvareni prihodi od kupoprodaje u iznosu od 209.264.759 KM).

**3.2** Dana 13.12.2023. godine, u Službenim novinama FBiH broj 96/23 je objavljena *Odluka o davanju saglasnosti na cijene uglja za termoelektreane*, kojom je data saglasnost na cijene uglja za termoelektreane i to 7,80 KM/GJ za uglj iz površinske i 7,80 KM/GJ za uglj iz podzemne eksploatacije. Zbog manje proizvodnje električne energije u 2025. godini u odnosu na 2024. godinu, troškovi uglja su manji za 10%.

### 4. Troškovi plaća i ostalih ličnih primanja

	2025.	2024.
Bruto plaće zaposlenih	154.984.087	146.649.137
Naknade plaća	19.923.829	18.837.597
Topli obrok	24.691.439	20.940.044
Prijevoz	3.413.423	3.245.084
Regres	2.977.194	2.547.727
Novčane pomoći radnicima	1.102.672	1.080.849
Troškovi službenih putovanja	310.162	281.050
Naknade članovima Nadzornog odbora i Odbora za reviziju	373.101	335.672

	2025.	2024.
Naknade pripravnici i stipendistima	183.354	200.703
Ugovori o djelu	107.124	312.060
Stručno usavršavanje zaposlenih	210.087	190.623
Ostala primanja zaposlenih	1.870.929	3.423.200
	<b>210.147.401</b>	<b>198.043.746</b>

Obračun i isplata troškova plata i naknada plata, kao i ostalih ličnih primanja regulisani su Pravilnikom o radu, u skladu sa Granskim kolektivnim ugovorom (GKU) elektroprivredne djelatnosti u Federaciji BiH, Zakonom o radu, kao i internim aktima Društva: Metodologija vrednovanja radnih mjesta, Vrednovanje radnih mjesta i Sistematizacija radnih mjesta.

U 2025. godini Društvo je za obračunate i isplaćene troškove plata i naknada plata, kao i ostalih ličnih primanja izvršilo uplatu poreza i doprinosa u skladu sa Zakonom o porezu na dohodak i Zakonom o doprinosima u FBiH. Takođe, u skladu sa Zakonom o doprinosima vršilo je podnošenje obrasca GIP – 1022 kod nadležne Porezne uprave, kao i mjesečnih izvještaja o isplaćenim plaćama, ostvarenim koristima i drugim oporezivim prihodima zaposlenika, obrazac MIP – 1023.

Iz Sektora za kadrovske poslove dostavljeni su podaci o broju zaposlenih na dan 31.12.2025. godine i 31.12.2024. godine i iste dajemo u narednoj tabeli:

Organizacioni dio	Broj zaposlenih na dan 31.12.2025. godine					Broj zaposlenih na dan 31.12.2024. godine				
	Neodređeno	Određeno	Pripravnici	Ostalo*	Ukupno	Neodređeno	Određeno	Pripravnici	Ostalo*	Ukupno
Direkcija	563	-	3	-	566	587	-	-	1	588
HE na Neretvi	324	-	1	1	326	279	-	-	1	280
TE Kakanj	490	-	3	2	495	497	-	-	1	498
TE Tuzla	547	-	2	1	550	550	1	-	-	551
ED Bihać	308	-	8	2	318	291	-	3	2	296
ED Mostar	175	-	-	-	175	164	-	1	-	165
ED Sarajevo	453	-	-	-	453	414	-	6	-	420
ED Tuzla	473	-	-	1	474	429	-	1	2	432
ED Zenica	376	-	11	-	387	349	-	-	-	349
ED Travnik	196	-	7	-	203	173	-	3	-	176
<b>Ukupno:</b>	<b>3.905</b>	<b>-</b>	<b>35</b>	<b>7</b>	<b>3.947</b>	<b>3.733</b>	<b>1</b>	<b>14</b>	<b>7</b>	<b>3.755</b>

\* Zaposlenici koji su na zamjeni i zaposlenici koji se nalaze na mirovanju ili plaćenom odsustvu

## 5. Amortizacija

	2025.	2024.
Amortizacija nekretnina, postrojenja i opreme	135.090.124	140.999.464
Amortizacija nematerijalne imovine	1.913.568	3.250.818
Amortizacija imovine s pravom korištenja	425.926	424.791
	<b>137.429.618</b>	<b>144.675.073</b>

Prema odredbama Pravilnika o RiRP, obračun amortizacije nekretnina, postrojenja i opreme se vrši vremenskom metodom u okviru predviđenog vijeka upotrebe sredstva – linearna metoda, koja podrazumjeva istu stopu amortizacije za svaku godinu korištenja, dok se nematerijalna stalna sredstva otpisuju na osnovu procjenjenog vijeka upotrebe, odnosno na osnovu procjene pritanja ekonomske koristi po osnovu korištenja prava nematerijalnog stalnog sredstva.

Od 2017. godine, Društvo je počelo primjenjivati funkcionalni metod amortizacije u HE na Neretvi za opremu koja je direktno uključena u proces proizvodnje i čije je korištenje uslovljeno obimom

proizvodnje. Od 2023. godine, ovaj metod se počeo primjenjivati i na opremu koja pripada VE Podveležje, dok je u 2025. godini ovaj metod primjenjen i za opremu koja direktno učestvuje u procesu proizvodnje u TE Kakanj i TE Tuzla.

Uprava Društva je na 226. sjednici održanoj 05.02.2026. godine usvojila funkcionalni obračun amortizacije za 2025. godinu u podružnicama HE na Neretvi, TE Kakanj i TE Tuzla (informacija br. 05-3723-1/2026 od 05.02.2026. godine). U informaciji je navedeno kako je proizvodnja električne energije u 2025. godini manja nego prosjek prethodnih 10 godina, kako slijedi:

Podružnica	Ostvarena proizvodnja 2025 (MWh)	Prosječna proizvodnja (MWh)	Ostvarenje u odnosu na prosjek (%)
TE Kakanj	1.360.847	1.919.973	70,9%
TE Tuzla	2.150.040	2.690.812	79,9%
HE na Neretvi	1.121.240	1.388.066	80,8%
VE Podveležje	130.344	132.482	98,4%
mHE	69.268	76.747	90,3%

Za FNE Rešetnicu je u informaciji navedeno da je ostvareno 1.287 MWh od planiranih 1.400 MWh (92%), ali zbog tehničkih ograničenja u SAP-u za 2025. godinu nije bilo moguće proknjižiti funkcionalnu amortizaciju.

Zaključak Uprave, usvojen na 226. sjednici održanoj 05.02.2026. godine, glasi kako slijedi: "*Za obračun amortizacije za 2025. godinu u podružnici HE na Neretvi, TE Kakanj i TE Tuzla, za opremu koja direktno učestvuje u procesu proizvodnje i čije korištenje je uslovljeno obimom proizvodnje, primijeniti funkcionalnu metodu obračuna amortizacije u skladu sa ostvarenom proizvodnjom u 2025. godini.*"

U skladu sa Pravilnikom o izmjenama i dopunama Pravilnika o organizaciji od 31.07.2024. godine (čija je primjena počela 01.08.2025. godine) VE Podveležje i mHE postale su organizacioni dijelovi podružnice HE na Neretvi.

U članu 91., tačka (3) Pravilnika o RiRP Društva je definisano da se obračun amortizacije za novonabavljena sredstva vrši u skladu sa jedinstvenom nomenklaturom. Nomenklatura stopa amortizacije u SAP-u nije u skladu sa usvojenom Nomenklaturom sredstava za amortizaciju od 09.07.2001. godine, tj. nije ažurirana u skladu sa svim izmjenama u navedenom periodu (zakonodavne, statutarne, operativne i dr.). Osim toga, internim aktima Društva nije definisano postupanje prilikom određivanja vijeka trajanja za naknadna ulaganja na imovini.

Početakom 2020. godine Društvo je pokrenulo aktivnosti na formiranju Stručnog tima na nivou Društva čiji je zadatak bio ažuriranje Nomenklature i usklađivanje važećih akata u skladu s tim. Prema informacijama koje smo dobili od Sektora za računovodstvene poslove:

- tokom 2024. godine pripremljen je prijedlog za distributivne podružnice na način da je nomenklatura povezana sa klasama imovine koje se koriste u podružnicama. Određen je minimalan, prosječan i maksimalan vijek prema stanju u SAP-u kao i prijedlozi novih vijekova koji bi se koristili prilikom kolaudacija,
- u oktobru 2025. godine, iz djelatnosti distribucije je dostavljen usaglašen prijedlog jedinstvenih stopa amortizacije za klase imovine distributivnih podružnica.
- u decembru 2025. godine, Sektor za proizvodnju dostavio je prijedloge za TE Kakanj i TE Tuzla.
- Sektor za IKT koji je uradio kopiranje produkcije na testnu bazu zaključno sa 16.03.2026. godine, na osnovu čega su se stekli preduvjeti za testiranje izmjene stopa. Nakon obavljenog testiranja prijedlog izmjene stopa amortizacije bit će upućen na usvajanje nadležnim organima Društva.

Trajanje testiranja zavisit će od načina implementacije procesa testiranja, odnosno od toga da li će Sektor za IKT omogućiti automatizovano testiranje ili će se testiranje provoditi ručno po podružnicama.

Odbor za reviziju je i u ranijim revizijama godišnjeg/polugodišnjeg obračuna ukazivao na ovu problematiku, ali do sačinjavanja ovog Izvještaja, nisu okončane sve aktivnosti na realizaciji date preporuke. Prema potpisanom Planu aktivnosti za provođenje preporuka iz januara 2026. godine (po internoj reviziji polugodišnjeg obračuna za 2025. godinu u JP Elektroprivreda BiH d.d. – Sarajevo, **za realizaciju ove preporuke je određen rok 31.12.2026. godine.**

## 5.1 Nalaz

U skladu sa Pravilnikom o računovodstvu i računovodstvenim politikama Društva obračun amortizacije nekretnina, postrojenja i opreme se vrši po stopama amortizacije iz jedinstvene nomenklature unesene u SAP i vremenskom (linearnom) metodom u okviru predviđenog vijeka upotrebe, izuzev postrojenja i opreme koja su direktno uključena u proces proizvodnje električne energije iz termoelektrana i obnovljivih izvora, za koja se primjenjuje funkcionalni metod. Nomenklatura stopa amortizacije u SAP-u u revidiranom periodu nije u skladu sa usvojenom Nomenklaturom sredstava za amortizaciju od 09.07.2001. godine, tj. nije ažurirana u skladu sa svim izmjenama u navedenom periodu (zakonodavne, statutarne, operativne i dr.). Osim toga, internim aktima Društva nije definisano postupanje prilikom određivanja vijeka trajanja za naknadna ulaganja na imovini.

Prema potpisanom Planu aktivnosti za provođenje preporuka iz januara 2026. godine (po internoj reviziji polugodišnjeg obračuna za 2025. godinu u JP Elektroprivreda BiH d.d. – Sarajevo), **rok za realizaciju ove preporuke je 31.12.2026. godine.**

### 5.1 Preporuka – prioritet A (ponovljena preporuka)

*U skladu sa potpisanim Planom aktivnosti za provođenje preporuka (po internoj reviziji polugodišnjeg obračuna za 2025. godinu u JP Elektroprivreda BiH d.d. – Sarajevo), iz januara 2026. godine, potrebno je najkasnije do 31.12.2026. godine izvršiti ažuriranje jedinstvene nomenklature stopa amortizacije, njeno usvajanje od strane nadležnog organa i vršiti obračun amortizacije u skladu sa usvojenim aktima.*

## 6. Troškovi primljenih usluga

	2025.	2024.
Prijenos električne energije	48.560.751	47.274.298
Održavanje	29.870.622	24.195.458
Troškovi pomoćnih usluga za rad EES BiH	26.425.601	25.588.140
Usluge od trećih lica	5.261.758	4.912.354
Trošak korištenja mreže radi isporuke krajnjim kupcima	5.043.778	5.099.663
Zaštitarske usluge	3.862.756	2.555.100
Ostale usluge	1.433.367	1.027.007
Troškovi komunalnih usluga	1.135.005	1.145.449
Zaštita na radu	798.392	624.080
Usluge na izradi i doradi učinaka	531.664	59.858
Troškovi poribljavanja	375.762	84.528
Zdravstvene usluge	372.742	238.141
Reklame, sponzorstva i troškovi sajмова	247.902	37.964
Zakupnina	242.729	268.676
Troškovi revizije, advokata, vještaka i sl.	223.001	522.398

	2025.	2024.
Usluge istraživanja i razvoja	32.164	6.446
Ostali troškovi primljenih usluga	1.387.263	1.370.310
	<b>125.805.257</b>	<b>115.009.870</b>

Troškovi prenosa električne energije se evidentiraju na osnovu mjesečnih faktura od strane Elektroprijenosa, Izvještaja o veličinama isporučene električne energije i vršnog opterećenja po mjesecima na mreži prenosa od strane NOSBiH-a (Nezavisnog operatorskog sistema u BiH) i tarifa za uslugu prenosa električne energije po osnovu Odluke DERK-a broj 04-28-5-333-47/16 od 03.04.2017. godine.

## 7. Ostali poslovni rashodi i troškovi

	2025.	2024.
Porezi i naknade	19.461.187	24.149.835
Doprinosi za hidroakumulaciju	14.017.738	13.497.857
Poštanske i telekomunikacijske usluge	8.593.538	8.755.534
Naknade regulatoru	7.630.854	7.805.954
Bankarski troškovi	4.616.428	4.489.240
Naknada za zagađenje zraka	3.477.621	3.932.427
Osiguranje imovine i zaposlenih	2.480.172	2.455.829
Ostali poslovni rashodi	631.100	577.833
	<b>60.908.638</b>	<b>65.664.509</b>

## 8. Ostali rashodi i gubici

	2025.	2024.
<b>Finansijski rashodi</b>		
Kamate po kreditima banaka	2.130.842	2.472.442
Troškovi kamata - rezervisanja za otpremnine (28.1)	1.715.239	1.497.542
Troškovi zateznih kamata	16.548	18.531
Ostali finansijski rashodi	104.240	141.371
	<b>3.966.869</b>	<b>4.129.886</b>
<b>Troškovi rezervisanja, neto (8.1)</b>		
Troškovi rezervisanja / (prihodi) od otpuštanja za rezervisanja za sudske sporove	(2.419.801)	3.157.744
Troškovi rezervisanja za primanja zaposlenih (28.1)	3.677.201	2.236.142
Troškovi rezervisanja za demontažu (28.2)	983.599	1.402.163
Aktuarski gubici po osnovu rezervisanja za otpremnine (28.1)	7.583.866	88.000
Troškovi rezervisanja po osnovu neiskorištenih godišnjih odmora	743.886	515.315
Troškovi ostalih rezervisanja	967.590	1.126.972
	<b>11.536.341</b>	<b>8.526.336</b>
Manjkovi i ostala negativna usklađenja zaliha (8.2)	6.102.718	6.037.628
Gubici od umanjenja vrijednosti investicija u toku (8.3)	5.000.000	-
Umanjenje vrijednosti potraživanja od kupaca (8.4)	4.726.536	1.147.953
Umanjenje vrijednosti pozajmica i ostalih potraživanja (8.5)	1.944.928	10.045.298

	<b>2025.</b>	<b>2024.</b>
Rashodi iz ranijih perioda	734.981	501.321
Rashod materijalne i nematerijalne imovine	730.937	808.648
Neto kreditni dobici - MSFI 9 (8.6)	(2.095.981)	599.397
Ostali rashodi	270.541	180.429
	<u><b>32.917.870</b></u>	<u><b>31.976.896</b></u>

**8.1** Rezervisanja su detaljnije obrađena kako slijedi:

- Rezervisanja za sudske sporove u **Bilješci 28.3**
- Rezervisanja za primanja zaposlenih, aktuarski gubici po osnovu rezervisanja za otpremnine – **Bilješka 28.1**
- Rezervisanja za demontažu – **Bilješka 28.2**
- Troškovi rezervisanja po osnovu neiskorištenih godišnjih odmora - **Bilješka 32.2.**
- Troškovi ostalih rezervisanja u iznosu 967.590 KM se odnose na:
  - o Iznos od 107.655 KM se odnosi na troškove sanacije štete na objektima u podružnici HEN nastale usljed prirodne nesreće. Prema odluci Nadzornog odbora (NO-37986/24-50./3.2. od 30.10.2024. godine), Društvo osigurava sredstva za sanaciju štete na objektima i opremi u HE na Neretvi nastale usljed poplava 2024. godine. Sredstva su predviđena planom poslovanja djelatnosti proizvodnje. Iznos od 107.655 KM je evidentiran prema fakturama izvođača radova No limit union, BN Pro, Azekop i Wekas.
  - o ukalkulisane troškove poribljavanja u iznosu od 850.000 KM - **Bilješka 32.2.**
  - o troškovi arbitraže u iznosu od 9.935 KM koji su evidentirani u 2025. godini - **Bilješka 32.2**

**8.2** Od iznosa 6.102.718 KM, iznos od 4.351.704 KM se odnosi na kalo uglja, iznos od 1.542.834 KM se odnosi na umanjenje vrijednosti zaliha po *Uputstvu o umanjenju za umanjenje vrijednosti zaliha*, a ostatak od 208.180 KM se odnosi na otpis neupotrebljivih zaliha, manjkove i ostala usklađivanja zaliha.

**8.3** Umanjenje vrijednosti investicija u toku od 5.000.000 KM je detaljnije objašnjeno u **Bilješci 10.** Iznos od 349.796 KM je evidentiran direktnim umanjenjem investicija u toku, dok je 4.650.204 KM evidentirano preko ispravke vrijednosti investicija u toku.

**8.4** Umanjenje vrijednosti potraživanja od kupaca u iznosu od 4.726.536 KM se odnosi na umanjenje vrijednosti koje se evidentira po osnovu *Uputstva o potraživanjima*. Najveći pojedinačni iznos od 3.541.261 KM se odnosi na ispravku vrijednosti potraživanja od RMU Zenica (detaljnije u **Bilješci 21.**)

**8.5** Iznos od 1.944.928 KM se odnosi na ispravku vrijednosti svih potraživanja za subvencije koja su starija od godinu dana (**Bilješka 24.3**).

**8.6** Neto kreditni dobici po MSFI 9 za godinu koja završava 31.12.2025. iznose 2.095.981 KM. Uprava Društva je dana 06.02.2026. godine razmatrala i usvojila primjenu MSFI 9 – Finansijski instrumenti (br. 05-3853-1/2026). Više detalja u **Bilješci 17.**

## 9. Porez na dobit

	<b>2025.</b>	<b>2024.</b>
Tekući porez na dobit	-	-
Odgodeni porez na dobit (Bilješka 19.)	13.916	(404.226)
	<u><b>13.916</b></u>	<u><b>(404.226)</b></u>

Prema poreznom bilansu za 2025. godinu, Društvo je ostvarilo gubitak prije oporezivanja u iznosu 52.382.441 KM. Nakon usklađivanja poreznih stavki i transfernih cijena, nisu utvrđeni dodatni porezni rashodi.

#### 10. Nekretnine, postrojenja i oprema

	31.12.2025.	31.12.2024.
<b>Zemljište</b>	<b>85.740.387</b>	<b>85.279.363</b>
<b>Građevinski objekti</b>		
Građevinski objekti - nabavna vrijednost	4.396.795.078	4.357.535.020
Građevinski objekti - ispravka vrijednosti	(3.203.452.184)	(3.137.821.103)
	<b>1.193.342.894</b>	<b>1.219.713.917</b>
<b>Oprema</b>		
Oprema - nabavna vrijednost	3.653.971.630	3.629.330.874
Oprema - ispravka vrijednosti	(3.040.706.777)	(2.999.340.593)
	<b>613.264.853</b>	<b>629.990.281</b>
<b>Stambeni objekti</b>		
Stambeni objekti - nabavna vrijednost	296.520	292.748
Stambeni objekti - ispravka vrijednosti	(55.980)	(51.888)
	<b>240.540</b>	<b>240.860</b>
<b>Investicije u toku</b>		
Investicije u toku - nabavna vrijednost	261.979.323	214.635.860
Ispravka vrijednosti investicija u toku	(31.319.688)	(31.752.493)
	<b>230.659.635</b>	<b>182.883.367</b>
<b>Avansi za nekretnine, postrojenja i opremu</b>	<b>15.370.108</b>	<b>11.577.180</b>
	<b>2.138.618.417</b>	<b>2.129.684.968</b>

Odbor za reviziju i Odjel za internu reviziju su u ranijim revizijama ukazivali na činjenicu da postoje nekretnine za koje još uvijek nisu riješeni IPO između Društva i kompanija Elektroprenos – Elektroprijenos BiH a.d. Banja Luka, Elektroprivreda RS i JP Elektroprivreda HZHB. U Društvu se kontinuirano provode aktivnosti na rješavanju IPO između Društva i kompanije Elektroprenos – Elektroprijenos BiH a.d. Banja Luka, na osnovu Odluke o razdvajanju i izdvajanju sredstava za prijenos električne energije koja su u vlasništvu JP Elektroprivreda BiH d.d.-Sarajevo, broj: NO-10-14181-2/04 od 30.09.2004. godine i broj: NO-38-17930-3/05 od 27.12.2005. godine.

Prema informacijama dostavljenim od Sektora za pravne poslove, navedene aktivnosti se provode od 2015. godine i iste se provode putem zaključivanja ugovora ili putem dokazivanja pravnog slijeda (što zavisi od postupanja lokalnih sudova). U 2025. godini riješeni su imovinsko-pravni odnosi za tri trafostanice, a u trenutku sačinjavanja ovog Izvještaja aktivnosti za šest trafostanica su u fazi usaglašavanja. Obzirom da su navedene aktivnosti vezane za zahtjeve i intenzitet investicionih aktivnosti Elektroprenosa – Elektroprijenosa BiH, iste se provode prema dinamici koju oni iniciraju.

S obzirom na navedeno, potrebno je nastaviti sa aktivnostima na razgraničenju zemljišta između Društva i Elektroprenos – Elektroprijenos a.d. Banjaluka.

U vrijeme obavljanja ove revizije, Društvo je došlo do saznanja koja se odnose na nedavna postupanja Odjela za urbanizam i građenje, Službe za katastar Grada Mostar, kojim je izvršena promjena nosioca

prava u katastarskom operatu s Hidroelektrana na Neretvi na JP Elektroprivreda HZ HB d.d. – Mostar, bez provođenja upravnog postupka. Prema informacijama dostavljenim od strane ID za pravne poslove i ljudske resurse, Služba za katastar Grada Mostara je postupala bez da je JP EP BiH bila prije, za vrijeme ili nakon neosnovano donesnih rješenja, predviđena da dobije informaciju o toj promjeni, te samim tim nije bilo moguće da Društvo preventivno pravno djeluje. Društvo je podnijelo zahtjev za inspekcijски nadzor kao i zahtjev za uvid u spis i prema dostavljenim informacijama od strane ID za pravne poslove i ljudske resurse, inspekcijски organi su naložili određene mjere prema donosiocima spornih rješenja.

S obzirom na navedeno, a imajući u vidu nedavno otkrivena postupanja Odjela za urbanizam i građenje, te Službe za katastar Grada Mostara, kojim je izvršena promjena nosioca prava u katastarskom operatu s Hidroelektrana na Neretvi na JP Elektroprivreda HZ HB d.d. – Mostar, što ukazuje na realan rizik od sličnih ili istovjetnih postupanja i na drugim nekretninama, **mišljenja smo da je neophodno da Društvo, hitno i prioritetno, nastavi sa aktivnostima na zaštiti imovine Društva, te pristupi sveobuhvatnoj identifikaciji svih nekretnina za koje nisu riješeni IPO sa kompanijama Elektroprivreda RS i JP Elektroprivreda HZHB, te za svaku od tih nekretnina izvrši provjeru trenutnog stanja upisa u katastarskom operatu i zemljišnoj knjizi (gruntu), kako bi se blagovremeno djelovalo u slučaju eventualnih pokušaja otuđenja ili promjene prava bez pravnog osnova.**

U Društvu postoje nekretnine za koje nisu riješeni imovinsko-pravni odnosi ili su neusklađeni podaci u evidencijama Društva sa podacima iz zemljišnih knjiga, pri čemu se radi uglavnom o imovini koja je nabavljena i/ili izgrađena u ranijim periodima (većina izgrađena prije rata), te je, zbog toga, prema dostavljenim informacijama, u aktivnostima prikupljanja i evidentiranja imovinsko-pravne problematike, je prevashodno potrebno izvršiti uvide u arhivsku građu (Društva ili čak lokalnih zajednica i arhiva), što predstavlja složenu i dugotrajnu aktivnost koju provode podružnice društva putem delegiranih zaposlenika.

*Uputstvom za rješavanje IPO (U-01-14087-1/24-67/8 od 29.04.2024. godine) definisan je način rješavanja imovinsko-pravnih odnosa u procesu pripreme i realizacije investicija i priključenja, izgradnje, rekonstrukcije i održavanja elektroenergetskih objekata u Djelatnosti distribucije. Također, Uputstvom su definisane aktivnosti i za rješavanje imovinsko-pravnih odnosa za ranije izgrađene elektroenergetske objekte, za koje još uvijek nisu isti riješeni.*

Dana 03.03.2022. godine usvojen je Pravilnik o izmjenama i dopunama Pravilnika o organizaciji Društva, kojim je predviđeno formiranje *Odjeljenja za postojeću imovinu* u okviru *Službe za imovinsko-pravne odnose*, u okviru Sektora za investicije, za svaku elektrodistributivnu podružnicu. U *Odjeljenju za postojeću imovinu* se, između ostalog, obavljaju i sljedeće aktivnosti: rješavanje imovinsko-pravnih odnosa za postojeće objekte, saradnja sa Službom za pravne poslove u vezi sa sporovima koji nastaju po osnovu neriješenih imovinsko-pravnih odnosa, unošenje podataka u postojeću aplikaciju o imovinsko-pravnim odnosima te izvještavanje o postojećim objektima.

Odbor za reviziju i Odjel za internu reviziju su u ranijim revizijama dali preporuku da je potrebno da odjeljenja za postojeću imovinu (formirana u elektrodistributivnim podružnicama u okviru Službe za IPO pri Sektoru za investicije) sačine plan rješavanja IPO i da periodično (po potrebi, a najmanje dva puta godišnje) izvještavaju nadležne o stepenu realizacije plana tj. riješenim IPO za postojeću imovinu. Prema potpisanom Planu aktivnosti za provođenje preporuka iz januara 2026. godine (po internoj reviziji polugodišnjeg obračuna za 2025. godinu u JP Elektroprivreda BiH d.d. – Sarajevo, predloženi **rok za realizaciju ove preporuke je bio 01.03.2026. godine.**

Prema informacijama koje smo dobili od Sektora za pravne poslove, Plan rješavanja IPO nije sačinjan, ali su u proteklom periodu ED podružnice intenzivno radile na unosu podataka o transformatorskim stanicama, uz mjesečno praćenje putem aplikacije i kontinuiranu komunikaciju radi otklanjanja problema. Prema dostavljenim informacijama, na dan 01.04.2026. godine većina podružnica je unijela preko 90% podataka (ED Zenica, ED Bihać i ED Mostar 100%, Sarajevo 90%), dok ED Travnik (65%) i ED Tuzla (47%) bilježe kašnjenja zbog određenih organizacionih poteškoća.

U odgovoru na nacrt Izvještaja o internoj reviziji godišnjeg obračuna za 2025. godinu (sačinjenog od strane Odjela za internu reviziju), ID za pravne poslove i ljudske resurse je navela da su ED podružnice, u skladu sa dogovorom sa sastanka održanog 28.04.2026. godine, provele aktivnosti uvida u arhivsku dokumentaciju, te su na osnovu pronađenih dokumenata izvršili unos i ažuriranje podataka, kao i skeniranje raspoložive dokumentacije. Pronalaskom i skeniranjem raspoložive dokumentacije omogućeno je povezivanje baza podataka, čime je osiguran pristup skeniranim dokumentima i iz drugih baza, te je na taj način uspostavljena jedinstvena digitalna arhiva na nivou Društva. Također, navedeno je da će u narednom periodu podružnice Društva dostaviti informacije o neriješenim imovinsko-pravnim odnosima, bazirajući se na unesene podatke i evidentirane probleme, te će se na bazi istih sačiniti informacija za Upravu Društva, sa prijedlogom aktivnosti koje je potrebno poduzimati. Dosadašnji rezultati ukazuju na značajan napredak, uključujući prikupljanje i skeniranje dokumentacije, čime je unaprijeđena evidencija imovinsko-pravnih odnosa.

#### **10.1 Nalaz**

Obzirom da se većina neriješenih IPO odnosi na elektrodistributivne podružnice i to na objekte koji su izgrađeni u ranijim periodima, Pravilnikom o organizaciji su, u svim elektrodistributivnim podružnicama formirana odjeljenja za postojeću imovinu (u okviru Službe za IPO u Sektoru za investicije) čiji je zadatak rješavanje IPO za postojeće objekte za koje nisu riješeni IPO u ranijim periodima.

U proteklom periodu napravljen je značajan pomak u smislu unosa u Aplikaciju IPO podataka za transformatorske stanice (ED Zenica, ED Bihać i ED Mostar - 100% uneseni podaci, ED Sarajevo 90%, ED Travnik 65% i ED Tuzla 47%).

#### **10.1 Preporuka – prioritet B (ponovljena preporuka)**

*Potrebno je da direktori elektrodistributivnih podružnica, najkasnije do 31.01. tekuće godine (za prethodnu godinu) sačine informaciju o postojećoj imovini za koju nisu riješeni IPO koja bi uključivala najmanje sljedeće podatke: pregled imovine za koju su u prethodnoj godini riješeni IPO, pregled imovine za koju nisu riješeni IPO, u kojoj su fazi aktivnosti na rješavanju IPO, planirani rok za rješavanje IPO, zadužene osobe za rješavanje IPO. Po sačinjavanju navedene informacije, istu je potrebno dostaviti Izvršnom direktoru za distribuciju i Izvršnoj direktorici za pravne poslove i ljudske resurse, koji bi objedinjenu informaciju dostavili Upravi Društva na razmatranje i donošenje odgovarajućih zaključaka.*

Uprava Društva je na 257. sjednici održanoj 23.05.2023. godine prihvatila dokument: "*Informacija o aktivnostima na praćenju, izvještavanju i rješavanju imovinsko-pravnih odnosa u Društvu*", broj 06-17942-1/23 od 19.05.2023. godine, sačinjen od strane ID za distribuciju i ID za pravne poslove i ljudske resurse. U *Informaciji* je, između ostalog navedeno sljedeće: "*Generalno, istakli bi da je imovinsko-pravna problematika u JP Elektroprivreda BiH d.d. – Sarajevo, jako obimna, složena i vezana je za niz objektivnih otežavajućih okolnosti za njeno rješavanje, te u većem dijelu postoji neregulisana i neriješena još od predratnog perioda, a za rješavanje iste potreban je duži vremenski period i kontinuiran rad, te saradnja sa nadležnim upravnim organima kao i sudovima.*"

Također, navedeno je i sljedeće: "*Kao važnu činjenicu istakli bi da se svi elektroenergetski objekti nalaze u posjedu JP Elektroprivreda BiH d.d. – Sarajevo, što znači da ne postoje izraženiji zahtjevi trećih lica kojima se osporava pravo JP Elektroprivreda BiH d.d. – Sarajevo na istim (osim povremenih zahtjeva koji se rješavaju u zavisnosti od svakog konkretnog slučaja), a u pogledu zaštite posjeda, ukazali bi da*

*JP Elektroprivreda BiH d.d. – Sarajevo ima osnov da u slučaju eventualne povrede posjeda traži zaštitu pred nadležnim organima.*

*Dakle, generalno JP Elektroprivreda BiH d.d. – Sarajevo ima miran posjed i za one nekretnine za koje kako je utvrđeno ne postoje dokazi o riješenim imovinsko-pravnim odnosima, a što je upravo posljedica specifičnog načina gradnje istog u prethodnim decenijama."*

Navedeno je ponovljeno i u komentarima rukovodstva navedenim u potpisanom Planu aktivnosti za provođenje preporuka (potpisan u januaru 2026. godine, po internoj reviziji polugodišnjeg obračuna za 2025. godinu u JP Elektroprivreda BiH d.d. – Sarajevo): *"Društvo ima miran posjed i nema izražene zahtjeve trećih lica u vezi naših objekata"*.

***Skrećemo pažnju da je neophodno kontinuirano provoditi aktivnosti na rješavanju IPO za cjelokupnu imovinu Društva za koju do sada isti nisu riješeni.***

Dana 28.09.2010. godine Generalni direktor je donio Odluku broj 08-24281/10 o korištenju Aplikacija "Baza podataka o EEO u elektrodistributivnoj djelatnosti" razvijena u Sektoru za IKT u Direkciji. Dokumentom sistema kvaliteta broj UD 75/03 *Uputstvo i vođenje jedinstvene baze podataka o EEO u elektrodistributivnoj djelatnosti* propisana je uspostava i način na koji se vrši ažuriranje Baze podataka o elektroenergetskim objektima u elektrodistributivnoj djelatnosti.

Nakon donošenja Odluke o korištenju aplikacije Baza podataka o EEO (u daljem tekstu Baza EEO), u Društvu su poduzimane aktivnosti na unapređenju navedene aplikacije, kao i povezivanju iste sa drugim aplikacijama kao što su: SOEE, SAP, GIS, Dispečiranje, Imovinsko – pravni odnosi i dr., a sve u cilju izrade jedinstvene Baze podataka o EEO u elektrodistributivnoj djelatnosti.

Na intranet portalu Društva dostupna je Aplikacija DEEO kao jedinstvena Baza EEO. U prethodnim periodima u Društvu su poduzete aktivnosti koje su rezultirale povezivanjem Aplikacije DEEO i Knjige stalnih sredstava – SAP u smislu da se za elektrodistributivne objekte koji su evidentirani u Bazi DEEO mogu dobiti podaci o imovini (zemljište, trafostanice, transformatori) koja je, u Knjizi stalnih sredstava, evidentirana na tim objektima.

U cilju utvrđivanja i analiziranja međusobne neusaglašenosti podataka, te donošenja odluka o načinu međusobnog usaglašavanja podataka koji su evidentirani u Knjizi stalnih sredstava i Aplikaciji DEEO, Društvo koristi BI alate (Business Intelligence). Uz pomoć BI alata Društvo je u mogućnosti da međusobno "upari" podatke o elektroenergetskim objektima koji su evidentirani u Knjizi stalnih sredstava i Aplikaciji DEEO, te da utvrdi neusaglašenosti (u količinama, klasama imovine, lokacijama i sl.).

Prema dostavljenim informacijama, Društvo kontinuirano poduzima aktivnosti na međusobnom "uparivanju" podataka o elektroenergetskim objektima koji su evidentirani u Knjizi stalnih sredstava i Aplikaciji DEEO. Od decembra 2023. godine, ED podružnice imaju obavezu redovnog mjesečnog izvještavanja o rezultatima poređenja podataka evidentiranih u DEEO aplikaciji sa podacima u Glavnoj knjizi, te pripremu obrazloženja i kompletne dokumentacione osnove za uočene razlike. Prema informacijama koje su nam dostavljene iz Sektora za računovodstvene poslove Direkcije, u toku 2025. godine, samo podružnica ED Bihać je redovno dostavljala dopise u vezi usaglašavanja glavne knjige i DEEO. Ova podružnica je također formirala i *Komisiju za provođenje aktivnosti na međusobnom usaglašavanju podataka o distributivnim elektroenergetskim objektima u bazi DEEO i Glavnoj knjizi.*

Predložene korekcije u glavnoj knjizi su se uglavnom odnosile na pogrešno odabrane klase imovine, promjenu broja imovine i slične tehničke korekcije. U toku 2025. godine nije bilo knjiženja prihoda/rashoda po ovom osnovu.

U toku 2025. godine, u Društvu su pokrenute aktivnosti na izradi *Uputstva za međusobno usklađivanje podataka o elektroenergetskim objektima u DEEO bazi i stalnih sredstava u Glavnoj knjizi, odnosno SAP aplikaciji*, kojim će se utvrditi način rada i postupanja, neophodni uslovi za rad, mehanizmi provjere podataka, te se određuju zaduženja, ovlaštenja i odgovornosti, a sve sa ciljem dobijanja jedinstvene i potpune evidencije o elektroenergetskim kapacitetima kojima raspolaže Društvo. Prema informacijama dostavljenim od Sektora za planiranje, razvoj i investicije, u junu 2025. godine je sačinjen nacrt navedenog Uputstva, nakon čega se pristupilo ponovnom usaglašavanju sa podružnicama. U trenutku sačinjavanja ovog Izvještaja, faza usaglašavanja još nije okončana. Prema potpisanom Planu aktivnosti za provođenje preporuka iz januara 2026. godine (po internoj reviziji polugodišnjeg obračuna za 2025. godinu u JP Elektroprivreda BiH d.d. – Sarajevo, **rok za usvajanje navedenog Uputstva 01.06.2026. godine.**

Shodno navedenom, aktivnosti na međusobnom usaglašavanju podataka između navedenih evidencija su nastavljene i u 2025. godini tako da proces usaglašavanja još nije okončan. Ovdje se radi o vrlo složenom i obimnom procesu, zbog obrade velikog broja podataka.

Članom 167. stav 1) Zakona o električnoj energiji FBiH (stupio na snagu 17.08.2023. godine) definisano je sljedeće:

*"Elektroenergetski subjekti dužni su da usklade svoju unutrašnju organizaciju, rad i poslovanje sa odredbama ovog zakona, uključujući i odredbe o razdvajanju operatora distributivnog sistema iz člana 47. ovog zakona, u roku od dvije godine od dana njegovog stupanja na snagu."*

Članom 47. (Razdvajanje operatora distributivnog sistema) navedenog Zakona, stav 1) i 2) definisano je sljedeće:

*"(1) Ako je operator distributivnog sistema dio vertikalno integrisanog subjekta, dužan je da bude nezavisan u odnosu na druge djelatnosti koje nisu povezane sa distribucijom, najmanje u smislu svog pravnog oblika, organizacije i donošenja odluka.*

*(2) Nezavisnost operatora distributivnog sistema iz stava (1) ovog člana ne stvara obavezu da se vlasništvo nad sredstvima za distribuciju električne energije odvoji od vertikalno integrisanog subjekta."*

Obzirom na obavezu razdvajanja ODS-a, te odredbe Zakona o električnoj energiji koje tretiraju pitanje imovine tj. sredstava za distribuciju električne energije (u smislu vlasništva) **mišljenja smo da je**, neovisno od toga da li će ODS biti vlasnik sredstava ili će iste iznajmljivati od vertikalno integrisanog subjekta (JP EP BiH), **neophodno intenzivirati aktivnosti na međusobnom usaglašavanju podataka između Knjige stalnih sredstava Društva i Aplikacije DEEO.**

#### Aktivnosti na izdvajanju i formiranju ODS

Prema odredbama Zakona o električnoj energiji FBiH, rok za izdvajanje ODS-a je bio dvije godine od stupanja na snagu navedenog Zakona tj. do 17.08.2025. godine.

U cilju ispunjenja zakonskih obaveza u dijelu izdvajanja ODS-a, Društvo je prije zaključenja ugovora sa konsultantom o pružanju usluga tehničke asistencije za osnivanje i početak rada ODS EPBiH, provelo niz pripremnih aktivnosti za razdvajanje ODS-a (izvršena analiza opcija pravnog razdvajanja djelatnosti distribucije, imenovan Koordinacioni i Stručni tim za utvrđivanje obima i vrsta servisa koji se koriste u djelatnosti distribucije, imenovan Koordinacioni i Stručni tim za izradu akata JP EP BiH bez djelatnosti distribucije i izradu akata budućeg ODS-a, usvojen Plan aktivnosti za osnivanje i početak rada ODS-a EPBiH, izvršene izmjene i dopune Pravilnika o organizaciji Društva kojima su stvoreni osnovni

preduslovi za formiranje Direkcije budućeg ODS-a tj. identifikovane su potporne funkcije neophodne za funkcionalnu i upravljačku neovisnost ODS-a itd.).

Društvo je dana 11.03.2025. godine sa konsultantom Grupa ponuđača – Konzorcij: PricewaterhouseCoopers Tax and Advisory d.o.o. Sarajevo i PricewaterhouseCoopers Savjetovanje d.o.o. Zagreb, zaključilo Ugovor br. 27-JP-25 o pružanju usluga tehničke asistencije za osnivanje i početak rada ODS EPBiH. Za praćenje realizacije Ugovora u Društvu je formirana Projektna organizacija koja se sastoji od Koordinacionog tima, Upravljačkog tima i nekoliko funkcionalnih timova.

U nastavku ćemo navesti sažetak ovih aktivnosti, u skladu sa *Informacijom o završetku konsultantskog ugovora na odvajanju i formiranju ODS EP BiH i status aktivnosti* (br. 08-1559-1/26 od 16.01.2026. godine), koju je prihvatila Uprava Društva na 221. sjednici održanoj 21.01.2026. godine:

Konsultant je u periodu mart – septembar 2025. godine definisao optimalnu organizaciju: strukturu EPBiH bez distribucije, strukturu novog ODS-a i raspored zajedničkih korporativnih funkcija, te pripremio kompletnu dokumentaciju za provođenje izdvajanja (odluke, statut, elaborat, ugovore, porezno mišljenje i master plan).

Međutim, Uprava Društva je uočila da **proces nije moguće završiti zbog neusklađenosti postojećeg regulatornog okvira u FBiH**, te je o tome obavještavala Nadzorni odbor i nadležno ministarstvo kako bi se problem riješio na nivou zakonodavstva.

Kako bi se izbjeglo dodatno kašnjenje, paralelno s rješavanjem zakonskih prepreka na nivou Vlade FBiH, pokrenute su interne aktivnosti na izradi programskog zadatka za implementaciju odvajanja i formiranja ODS EPBiH i za definisanje nove organizacije EPBiH bez djelatnosti distribucije, te razradu dinamičkog plana i rokovima za realizaciju postepenog izdvajanja i formiranja ODS EPBiH (s pripremnom fazom, testnom fazom i prelaznom fazom), koji će uvažiti dinamiku i nova rješenja koje će predvidjeti posebni Zakon o izdvajanju ODS-a koji je u pripremi. Navedeni programski zadatak je donesen 22.04.2026. godine.

Također, u toku je formiranje posebnog tima koji će raditi po definisanom programskom zadatku, pripremati odluke Uprave po fazama, uz obavezne konsultacije sa Sindikatom i usklađivanje sa budućim zakonskim rješenjima.

## 10.2 Nalaz

Društvo je u prethodnim periodima poduzimalo određene aktivnosti na međusobnom "uparivanju" podataka o elektroenergetskim objektima koji su evidentirani u Knjizi stalnih sredstava i Aplikaciji DEEO, ali iste još uvijek nisu okončane. U 2025. godini je sačinjen nacrt „Uputstva za međusobno usklađivanje podataka o elektroenergetskim objektima u DEEO bazi i stalnih sredstava u Glavnoj knjizi“, ali isto još uvijek nije usvojeno. Prema potpisanom Planu aktivnosti za provođenje preporuka iz januara 2026. godine (po internoj reviziji polugodišnjeg obračuna za 2025. godinu u JP Elektroprivreda BiH d.d. – Sarajevo), **rok za usvajanje navedenog Uputstva je 01.06.2026. godine.**

Prema odredbama Zakona o električnoj energiji FBiH, rok za razdvajanje ODS-a je dvije godine od stupanja na snagu navedenog Zakona tj. do 17.08.2025. godine. U skladu sa opredjeljenjem Uprave Društva, prilikom izdvajanja ODS-a, strateška imovina će ostati u vlasništvu Društva, a nestrategička imovina će biti unijeta kao kapital u ODS.

## 10.2 Preporuka – prioritet B (ponovljena preporuka)

*Potrebno je u skladu sa potpisanim Planom aktivnosti za provođenje preporuka (po internoj reviziji polugodišnjeg obračuna za 2025. godinu u JP Elektroprivreda BiH d.d. – Sarajevo), iz januara 2026. godine, najkasnije do 01.06.2026. godine okončati aktivnosti na usvajanju „Uputstva za međusobno*

usklađivanje podataka o elektroenergetskim objektima u DEEO bazi i stalnih sredstava u Glavnoj knjizi“, te po usvajanju, početi sa primjenom istog.

Neovisno od usvajanja navedenog Uputstva, potrebno je sve izmjene u bazi elektroenergetskih objekata dokumentovati i dokumentaciju blagovremeno dostavljati službi računovodstva na knjiženje.

### Investicije u toku

Od ukupnog bruto iznosa investicija u toku sa stanjem na dan 31.12.2025. godine, 54% se odnosi na kapitalne investicije:

	31.12.2025.	31.12.2024.
Kapitalne investicije	140.856.310	146.741.702
Ostalo*	121.123.013	67.894.158
	<b>261.979.323</b>	<b>214.635.860</b>
Ispravka vrijednosti	(31.319.688)	(31.752.493)
	<b>230.659.635</b>	<b>182.883.367</b>

\* Uključuje sve organizacione dijelove Društva izuzev Kapitalnih investicija

Kapitalne investicije se odnose na ulaganja u nove objekte za čiju izgradnju je potreban duži vremenski period. Prema dostavljenim podacima, dosadašnja ulaganja u vezi izgradnje navedenih objekata se odnose na: kupovinu zemljišta, programe prijateljskog okruženja, izradu investiciono – tehničke dokumentacije, rješavanje imovinsko – pravnih odnosa itd. Ulaganja po osnovu kapitalnih investicija sa stanjem na dan 31.12.2025. godine, korigovana za ispravku vrijednosti, se odnose na sljedeće:

	31.12.2025.			31.12.2024.
	Bruto	Ispravka vrijednosti	Neto	Neto
Blok 7 - TE Tuzla	100.902.204	(7.033.668)	93.868.536	96.909.169
HE Janjčići	5.877.630		5.877.630	5.567.893
HE Vranduk	19.639.983	(17.266.052)	2.373.931	2.793.121
HE Ustikolina	2.015.104	-	2.015.104	2.012.732
HE Kovanići	1.537.438	-	1.537.438	1.537.438
FNE Gračanica 1 i 2	1.185.033	-	1.185.033	747.964
Vrelod TE Kakanj - Sarajevo	795.000	-	795.000	813.145
Transport i odlaganje čvrstih produkata od TET do PK Šikulje	770.605	-	770.605	254.664
HE Una Kostela	644.150	-	644.150	644.180
Izgradnja 6 FNE	365.280	-	365.280	228.044
VE Vlašić	41.845	-	41.845	35.867
FNE Višća	25.092	-	25.092	25.062
FNE Podveležje 3	26.508	-	26.508	22.508
VE Bitovnja	6.000	-	6.000	0
FNE Banovići selo	4.470	-	4.470	4.170
FNE Rešetnica	-	-	-	2.244.648
Blok 8 - TE Kakanj	7.019.968	(7.019.968)	-	797.345
MHE Kakanj	-	-	-	331.622
	<b>140.856.310</b>	<b>(31.319.688)</b>	<b>109.536.622</b>	<b>114.969.572</b>
Ukalkulisana kamata	-	-	-	19.637
	<b>140.856.310</b>	<b>(31.319.688)</b>	<b>109.536.622</b>	<b>114.989.209</b>

Društvo je u 2025. godini vršilo dodatnu ispravku vrijednosti investicija u toku te isknjiženje istih, kako slijedi:

Iznos od 349.796 KM, evidentiran kao umanjene investicija u toku na teret rashoda (direktan otpis bez korištenja konta ispravke vrijednosti), se odnosi na:

- Vrelvod TE Kakanj – Sarajevo, rashod 18.145 KM: zbog nepostojanja podrške kantonalnih vlasti, trasa vrelvoda nije predviđena u važećim prostornim planovima (FBiH, ZDK, Kakanj, Visoko).
- MHE Kakanj, rashod 331.622 KM: FMERI je utvrdilo da nije moguće izdati energetska dozvolu. Razlog je nepostojanje zaključenog ugovora o koncesiji sa nadležnim kantonalnim ministarstvom, te primjena novog Zakona o električnoj energiji FBiH.
- HE Una Kostela, rashod 29 KM – objašnjeno u nastavku

Iznos od 4.650.204 KM, evidentiran na teret rashoda preko konta ispravke vrijednosti, se odnosi na :

- HE Vranduk, u iznosu od 419.190 KM,
- Blok 8 TE Kakanj, u iznosu od 797.344 KM,
- Blok 7 TE Tuzla, u iznosu od 3.433.670 KM.

Osim gore navedenih rashoda po osnovu umanjene investicija u toku, Društvo je u finansijskim izvještajima za 2025. godinu evidentiralo i isknjiženje investicija u toku (investicije koje su ispravljene na teret rashoda u prethodnom periodu) u ukupnom iznosu od 5.083.008 KM i isto se odnosi na:

- HE Janjići: isknjiženo 1.607.041 KM zbog raskida ugovora o kreditu koji je bio predviđen za finansiranje projekta (servisiranje kredita),
- MHE na Neretvici: isknjiženo 2.221.279 KM zbog nemogućnosti izdavanja energetske dozvole i neposjedovanje zaključenog ugovora o koncesiji sa nadležnim kantonalnim ministarstvom,
- HE Una Kostela: isknjiženo 1.254.688 KM zbog odbijanja Federalnog ministarstva prostornog uređenja da izda urbanističku saglasnost. Odbijeni zahtjev bio je predmet dva sudska postupka koji su potvrdili stajalište FMPU.

Sve prethodno navedeno je izvršeno na osnovu *Elaborata o izvršenom popisu sredstava, potraživanja i obaveza na dan 31.12.2025. godine*, usvojenom od Nadzornog odbora dana 24.02.2026. godine na 93. sjednici.

U nastavku je prikazano kretanje ispravke vrijednosti investicija u toku:

	31.12.2025.	31.12.2024.
Početno stanje	31.752.493	31.752.493
Dodatna ispravka ( <b>Bilješka 8.</b> )	4.650.203	-
Isknjiženje	<u>(5.083.008)</u>	<u>-</u>
	<b><u>31.319.688</u></b>	<b><u>31.752.493</u></b>

Društvo je u toku 2025. godine izvršilo kolaudaciju FNE Rešetnica (zapisnik br. 07-3-17433-1/2025 od 14.05.2025. godine). Vijek upotrebe je 25 godina.

Prema dostavljenim podacima od strane Društva, starosna struktura investicija u toku na dan 31.12.2025. godine je kako slijedi:

JP ELEKTROPRIVREDA BIH D.D. – SARAJEVO  
REVIZIJA GODIŠNJEG OBRAČUNA ZA 2025. GODINU

Organizacioni dio	Ulaganja u 2019. godini i ranije	Ulaganja u 2020. godini	Ulaganja u 2021. godini	Ulaganja u 2022. godini	Ulaganja u 2023. godini	Ulaganja u 2024. godini	Ulaganja u 2025. godini	Saldo na dan 31.12.2025.
Direkcija (bez kapitalnih inv.)	578.365	73.707	-	-	54.380	185.200	441.956	1.333.608
ED Sarajevo	77.669	15.570	50.935	301.059	700.697	2.352.579	8.868.357	12.366.864
ED Bihać	1.144.100	178.058	231.825	164.509	519.788	710.843	7.733.732	10.682.855
ED Mostar	292.495	103.763	170.199	52.055	100.058	479.595	3.202.749	4.400.914
ED Travnik	-	-	-	22.114	8.138	1.091.619	4.482.794	5.604.665
ED Zenica	124.699	72.225	109.028	166.946	183.199	1.615.231	5.795.817	8.067.145
ED Tuzla	318.910	69.386	186.495	165.525	183.727	1.315.507	8.641.760	10.881.310
HE na Neretvi	-	-	-	-	-	108.253	1.021.309	1.129.562
TE Kakanj*	-	-	152	80	-	8.424.475	30.502.518	38.927.225
TE Tuzla	648.585	457.591	87.834	297.962	-	3.788.031	22.448.862	27.728.865
<b>Org. dijelovi bez kapitalnih investicija</b>	<b>3.184.823</b>	<b>970.299</b>	<b>836.468</b>	<b>1.170.250</b>	<b>1.749.987</b>	<b>20.071.333</b>	<b>93.139.854</b>	<b>121.123.013</b>
Kapitalne investicije	98.213.119	22.412.151	7.871.551	4.261.355	4.901.245	4.003.087	(806.199)	140.856.310
<b>Ukupno Društvo</b>	<b>101.397.941</b>	<b>23.382.450</b>	<b>8.708.019</b>	<b>5.431.605</b>	<b>6.651.232</b>	<b>24.074.420</b>	<b>92.333.655</b>	<b>261.979.323</b>

\* U saldo investicija u toku podružnice TE Kakanj je uključen i investicioni materijal, koji na dan 31.12.2025. godine iznosi 214.123 KM.

Odbor za reviziju i Odjel za internu reviziju su u ranijim revizijama (revizija kolaudacije investicija u 2019. godini, revizije iz oblasti investicija koja se odnosi na postupke kolaudacije i evidentiranje stavljanja u upotrebu realizovanih investicionih ulaganja u 2023. i 2024. godini) ukazivali na problem neblagovremene kolaudacije realizovanih investicionih ulaganja. Posljedica toga je nepravovremen početak obračuna amortizacije, te posljedično podcijenjeni rashodi po osnovu amortizacije te pogrešno iskazan finansijski rezultat (podcijenjen ako je iskazan gubitak, precijenjen ako je iskazana dobit).

Na osnovu izvještaja (tabela) o starosnoj strukturi investicija u toku na dan 31.12.2025. godine sačinili smo preglede investicionih ulaganja po podružnicama, prema stepenu završenosti i isti dajemo u nastavku:

Organizacioni dio	0-50%	51-80%	81-99%	100%	Ukupno
Direkcija (bez kapitalnih inv.)	835.939	-	497.669	-	<b>1.333.608</b>
ED Bihać	3.566.102	-	5.545.898	1.570.855	<b>10.682.855</b>
ED Mostar	1.740.632	-	2.656.134	4.148	<b>4.400.914</b>
ED Sarajevo	3.179.379	-	7.400.906	1.786.579	<b>12.366.864</b>
ED Travnik	1.051.229	28.173	4.255.274	269.990	<b>5.604.665</b>
ED Tuzla	3.400.220	-	7.399.099	81.992	<b>10.881.310</b>
ED Zenica	2.281.979	-	5.520.562	264.605	<b>8.067.145</b>
HE na Neretvi	753.488	-	376.074	-	<b>1.129.562</b>
TE Kakanj	15.659.217	21.254.042	1.799.843	-	<b>38.713.102</b>
TE Tuzla	1.797.326	1.005.808	24.275.729	650.000	<b>27.728.863</b>
Investicioni materijal					<b>214.123</b>
	<b>34.265.510</b>	<b>22.288.023</b>	<b>59.727.189</b>	<b>4.628.168</b>	<b>121.123.013</b>

Uvidom u izvještaje (tabele) starosne strukture investicija u toku na dan 31.12.2025. godine popunjene od strane organizacionih dijelova Društva uočili smo da postoje investicije u toku, u ukupnom iznosu od

4.628.168 KM (2024. godina: 14.553.968 KM), za koje je navedeno da su završene (stepen završenosti 100%), ali da još uvijek nisu kolaudirane.

U cilju sačinjavanja *Izveštaja o praćenju napretka u realizaciji preporuka interne revizije na dan 31.03.2026. godine*, odabrali smo uzorak koji je poslat svim organizacionim jedinicama, kako bi se provjerila blagovremenost dostavljanja i kompletnost dokumentacije koja je osnov za evidentiranje aktiviranja stalnih sredstava u poslovnim knjigama, te priznavanje stalnih sredstava u skladu sa odredbama MRS 16 *Nekretnine, postrojenja i oprema*. Na osnovu testiranog uzorka, uočili smo da su **i dalje prisutna kašnjenja u kolaudaciji, što za posljedicu ima retroaktivan obračun amortizacije** tj. troškove amortizacije koji su teretili 2025. godinu, umjesto da su isti teretili ranije periode u kojem je počela upotreba sredstava.

S obzirom da je, prema podacima iz starosne strukture investicija u toku sa stanjem na dan 31.12.2025. godine, saldo investicija koje su završene 100% ali nisu kolaudirane (4.628.168 KM) značajno manji u odnosu na saldo sa stanjem na dan 31.12.2024. godine (14.553.968 KM), te da je Društvo u finansijskim izvještajima za 2025. godinu evidentiralo dodatno umanjenje vrijednosti kapitalnih investicija u toku, kao i isknjižavanje jednog dijela istih, navedeno se može smatrati **aktivnostima koje su poduzete u cilju realizacije ranije date preporuke**. Zbog značajnosti date preporuke, istu ćemo ponoviti, ali će umjesto prioriteta A, sada imati prioritet B.

### 10.3 Nalaz

Revizorskim procedurama utvrdili smo da se u Društvu ne postupa u potpunosti u skladu sa MRS 16 *Nekretnine, postrojenja i oprema* i internim aktima (Pravilnikom o računovodstvu i računovodstvenim politikama i procedurama sistema kvaliteta), jer troškovi amortizacije u poslovnim knjigama nisu pravilno iskazani zbog kašnjenja u kolaudaciji završenih investicionih ulaganja (procent završenosti 100%). Posljedično, troškovi amortizacije tekuće godine su precijenjeni jer je izvršen retroaktivan obračun amortizacije za ranije periode u kojima su sredstva već bila spremna za upotrebu, što je teretilo finansijski rezultat tekuće godine.

Zbog navedenog postoji rizik da u finansijskim izvještajima rashodi budu podcijenjeni (zbog neobračunatih troškova amortizacije), a rezultat podcijenjen (u slučaju gubitka), odnosno precijenjen (u slučaju dobiti). U slučaju da dobit bude precijenjena, tim će i obaveza za porez na dobit biti veća.

### 10.3 Preporuka - prioritet B (ponovljena preporuka)

*U skladu sa MRS 16 Nekretnine, postrojenja i oprema, poreznim propisima i internim aktima Društva, a u cilju realnog iskazivanja troškova amortizacije, ukupnih rashoda, rezultata perioda, poreza na dobit, kao i imovine Društva potrebno je da se isti priznaju u poslovnim knjigama od datuma početka korištenja/spremnosti za upotrebu/puštanja u rad investicionog ulaganja.*

*Osim toga, potrebno je najmanje jednom godišnje (a obavezno na datum sačinjavanja finansijskih izvještaja) vršiti analizu i preispitivanje vrijednosti iskazanih nekolaudiranih investicija u toku (analiza u smislu eventualnog odustajanja od pojedinih ulaganja, kao i procjene o eventualnom umanjenju vrijednosti izvršenih ulaganja u skladu sa MRS 36 Umanjenje vrijednosti imovine).*

*Potrebno je da direktori podružnica i rukovodioci samostalnih organizacionih jedinica uz Upravu u Direkciji sačinjavaju izvještaje o analizi i preispitivanju vrijednosti iskazanih nekolaudiranih investicija u toku na osnovu čega će nadležni izvršni direktori i rukovodioci samostalnih organizacionih jedinica uz Upravu izvještavati Upravu Društva, radi razmatranja i donošenja odgovarajućih odluka.*

### **Avansi za nekretnine, postrojenja i opremu**

Najveći iznos od 11.051.769 KM odnosi se na dio neopravdanog avansa uplaćenog dobavljaču Dongfang Electric International Corporation. Ovaj dobavljač je 10.02.2025. godine ispostavio avansnu fakturu br. DECI-KAKANJ-H-A-001 u iznosu od 9.300.000 EUR (18.189.219 KM), po osnovu ugovora 145-TEK-24 (izgradnja postrojenja za odsumporavanje dimnih plinova u TE Kakanj). U toku 2025. godine, dobavljač je opravdao 7.137.450 KM, što znači da je neopravdani dio avansa iznosi 11.051.769 KM.

Ostatak salda avansa za nekretnine, postrojenja i opremu na dan 31.12.2025. godine iznosi 4.318.339 KM i odnosi se na razne druge dobavljače.

### **11. Imovina s pravom korištenja**

	<b>31.12.2025.</b>	<b>31.12.2024.</b>
Imovina s pravom korištenja - nabavna vrijednost	1.676.207	1.676.207
Imovina s pravom korištenja - ispravka vrijednosti	<u>(1.045.631)</u>	<u>(619.705)</u>
	<b><u>630.576</u></b>	<b><u>1.056.502</u></b>

Imovina s pravom korištenja se odnosi na automobile kupljene putem operativnog najma. Više detalja u **Bilješci 27**.

### **12. Nematerijalna sredstva**

	<b>31.12.2025.</b>	<b>31.12.2024.</b>
<b>Licence</b>		
Licence - nabavna vrijednost	22.312.062	22.898.522
Licence - ispravka vrijednosti	(22.218.590)	(22.691.523)
	<b>93.472</b>	<b>206.999</b>
<b>Koncesije</b>		
Koncesije - nabavna vrijednost	5.296.837	5.296.837
Koncesije - ispravka vrijednosti	(1.886.194)	(1.715.133)
	<b>3.410.643</b>	<b>3.581.704</b>
<b>Računarski program</b>		
Softver - nabavna vrijednost	19.056.294	18.860.903
Softver - ispravka vrijednosti	(14.018.856)	(12.632.290)
	<b>5.037.438</b>	<b>6.228.613</b>
<b>Ostala nematerijalna ulaganja</b>		
Ostala nematerijalna ulaganja - nabavna vrijednost	1.352.358	1.252.855
Ostala nematerijalna ulaganja - ispravka vrijednosti	(872.617)	(781.994)
	<b>479.741</b>	<b>470.861</b>
	<b><u>9.021.294</u></b>	<b><u>10.488.177</u></b>

#### **Koncesije**

Društvo na dan 31.12.2025. godine ima četiri koncesije i to: koncesiju za izgradnju i korištenje HE Vranduk, koncesiju za izgradnju i korištenje Hidroelektrane Janjići, koncesiju za VE Podveležje i koncesiju za mHE Osenica 1.

#### **Licence**

Društvo je u 2025. godini izvršilo isknjiženje licenci u ukupnom iznosu od 434.045 KM, koje su bile u potpunosti amortizovane. Prema Elaboratu o popisu sredstava, potraživanja i obaveza Društva na dan 31.12.2024. godine, navedene licence trebale su biti isknjižene u 2024. godini, međutim navedeni

propust je naknadno korigovan u 2025. godini. S obzirom na to da se radi o sredstvima koja su bila 100% ispravljena, ovo isknjiženje nije imalo efekat na finansijski rezultat Društva.

### 13. Biološka imovina

	31.12.2025.	31.12.2024.
Šume i višegodišnji zasadi	49.504	49.504
	<b>49.504</b>	<b>49.504</b>

Biološka imovina se odnosi na šumski i vjetrozaštitni pojas - deponija uglja u TE Kakanj.

### 14. Ulaganja u zavisna društva

Zavisno društvo	% učešća Društva	31.12.2025.	31.12.2024.
<b>Rudnici</b>			
Rudnici Kreka	100%	158.029.054	148.542.420
RMU Kakanj	100%	104.799.121	104.799.121
RMU Zenica	100%	68.154.168	68.154.168
RMU Breza	100%	54.906.814	54.684.534
RMU Đurđevik	100%	39.950.515	39.950.515
RMU Abid Lolić	100%	11.731.031	11.731.031
RU Gračanica	100%	11.301.467	11.301.467
		<b>448.872.170</b>	<b>439.163.256</b>
Ispravka vrijednosti		(172.223.452)	(172.223.452)
		<b>276.648.718</b>	<b>266.939.804</b>
<b>Ostala društva</b>			
MiOD d.o.o. Tuzla	100%	20.668.409	20.668.409
TTU energetik d.o.o. Tuzla	80%	6.648.000	6.648.000
GEOLP d.o.o. Kakanj	100%	4.107.352	4.107.352
Iskraemeco d.o.o.	57,50%	3.192.691	3.192.691
Hotel ELBiH d.d. Makarska	100%	2.047.741	2.047.741
Eldis Tehnika d.o.o.	100%	1.324.236	1.324.236
		<b>37.988.429</b>	<b>37.988.429</b>
		<b>314.637.147</b>	<b>304.928.233</b>

Društvo ima zaključene ugovore o vođenju poslova kao i anekse na iste sa svim ZD u kojima je Društvo 100% vlasnik. Ugovorima o vođenju poslova se regulišu: prava i obaveze ugovornih strana koje se odnose na upravljanje ZD od strane VD, poslovi koje VD vodi u ime ZD, raspodjela dobiti i način pokrivanja gubitka ZD, obaveze ZD, obaveze VD, snošenje rizika i odgovornosti za štetu u ZD, izmjene, otkaz i raskid ugovora, te druga pitanja u ostvarivanju poslovnog povezivanja.

Na osnovu analitičke kartice konta 06010000 *Ulaganja u zavisna društva* sačinili smo pregled početnog priznavanja ulaganja, kao i naknadnih ulaganja u ZD, te isti dajemo u nastavku:

JP ELEKTROPRIVREDA BIH D.D. – SARAJEVO  
REVIZIJA GODIŠNJEG OBRAČUNA ZA 2025. GODINU

Zavisno društvo	Stanje na 31.12.2009.	Ulaganja 2010. - 2025.	Stanje na 31.12.2025. - bruto	Umanjenje vrijednosti	Stanje na 31.12.2025. - neto
<b>Rudnici</b>					
RU Kreka	37.144.754	120.884.300	158.029.054	(102.894.612)	55.134.442
RMU Kakanj	19.719.853	85.079.268	104.799.121	-	104.799.121
RMU Zenica	1.514.087	66.640.081	68.154.168	(68.154.168)	-
RMU Breza	12.490.360	42.416.454	54.906.814	-	54.906.814
RMU Đurđevik	5.107.789	34.842.726	39.950.515	-	39.950.515
RMU Abid Lolić	762.313	10.968.718	11.731.031	-	11.731.031
RU Gračanica	5.065.082	6.236.385	11.301.467	(1.174.672)	10.126.795
	<b>81.804.238</b>	<b>367.067.932</b>	<b>448.872.170</b>	<b>(172.223.452)</b>	<b>276.648.718</b>
<b>Ostala društva</b>					
MiOD	-	20.668.409	20.668.409	-	20.668.409
TTU Energetik	-	6.648.000	6.648.000	-	6.648.000
GEOLP	-	4.107.352	4.107.352	-	4.107.352
Iskraemeco	3.285.536	(92.845)	3.192.691	-	3.192.691
Hotel ELBiH	1.291.303	756.438	2.047.741	-	2.047.741
Eldis Tehnika	1.429.009	(104.773)	1.324.236	-	1.324.236
	<b>6.005.848</b>	<b>31.982.581</b>	<b>37.988.429</b>	<b>-</b>	<b>37.988.429</b>
	<b>87.810.086</b>	<b>399.050.513</b>	<b>486.860.599</b>	<b>(172.223.452)</b>	<b>314.637.147</b>

Prema podacima iz analitičke kartice konta 06010000 *Ulaganja u zavisna društva* Društvo je, nakon početnih priznavanja ulaganja u iznosu od 81.804.238 KM (procjenjena vrijednost rudnika na dan 30.09.2009. godine), u periodu 01.01.2010. – 31.12.2025. godine u rudnike uložilo  **dodatnih 367.067.932 KM** (na osnovu odluka o dokapitalizaciji).

Na osnovu godišnjih finansijskih izvještaja, koja su ZD predala u FIA, sačinili smo pregled rezultata poslovanja (finansijskog rezultata) za period 31.12.2009. – 31.12.2025. godine i isti dajemo u nastavku:

Dobit / (gubitak) za godinu	RU Kreka	RMU Zenica	RMU Kakanj	RMU Breza	RMU Đurđevik	RMU Abid Lolić	RU Gračanica	Ukupno
2009. - 2023.	(420.548.043)	(284.664.776)	(148.614.669)	(144.647.888)	(79.054.018)	(24.758.102)	24.851.183	<b>(1.077.436.313)</b>
2024.	(31.419.518)	(26.434.042)	(28.716.189)	(22.387.024)	1.716.199	(5.814.102)	116.491	<b>(112.938.185)</b>
2025.	(8.161.102)	(21.566.893)	(23.782.186)	(31.043.592)	5.505.016	80.423	71.395	<b>(78.896.939)</b>
<b>Ukupno</b>	<b>(460.128.663)</b>	<b>(311.098.818)</b>	<b>(177.330.858)</b>	<b>(167.034.912)</b>	<b>(77.337.819)</b>	<b>(30.572.204)</b>	<b>24.967.674</b>	<b>(1.269.271.437)</b>

Negativni rezultati poslovanja, koje su ZD rudnici ostvarivali u kontinuitetu u proteklom periodu (uz izuzetke), su kao posljedicu imali eroziju kapitala, a u svim rudnicima osim RU Gračanica i iskazivanje gubitka iznad visine kapitala koji na dan 31.12.2025. godine iznosi kako slijedi:

- RU Kreka 145.908.688 KM (31.12.2024. godine: 146.299.527 KM)
- RMU Breza 116.497.491 KM (31.12.2024. godine: 85.710.279 KM),
- RMU Abid Lolić 14.572.696 KM (31.12.2024. godine: 14.645.076 KM),
- RMU Zenica 73.227.631 KM (31.12.2024. godine: 51.657.697 KM),
- RMU Đurđevik 8.908.853 KM (31.12.2024. godine: 14.493.869 KM),
- RMU Kakanj 58.101.519 KM (31.12.2024. godine: 34.319.333 KM).

Društvo je u finansijskim izvještajima za godinu koja završava 31.12.2023. godine, na osnovu Izvještaja

neovisnog procjenitelja, prikazalo umanjene vrijednosti ulaganja u rudnike u ukupnom iznosu od 172.223.452 KM.

Na dan 31.12.2025. godine nije evidentirana dodatna ispravka vrijednosti. Uprava Društva je dana 06.02.2026. godine usvojila *Informaciju o primjeni MRS/MSFI* (broj 05-3853-1/2026), u kojoj je navedeno da su pojedini rudnici pokazali određeno poboljšanje u poslovanju, međutim, nema argumentacije za korekciju vrijednosti ulaganja na dan 31.12.2025. godine. Shodno tome, Uprava Društva nije predložila korekciju ispravke vrijednosti ulaganja u rudnike na dan 31.12.2025. godine.

#### 15. Ulaganja u pridružena društva

Pridruženo pravno lice	% učešća Društva	31.12.2025.	31.12.2024.
ETI d.o.o. Sarajevo	49%	1.950.186	1.950.186
		<b>1.950.186</b>	<b>1.950.186</b>

#### 16. Dugoročni depoziti

	31.12.2025.	31.12.2024.
Dugoročni depoziti	-	-
	<b>-</b>	<b>-</b>

#### 17. Dugoročne pozajmice i zajmovi

	31.12.2025.	31.12.2024.
<b><i>Pozajmice ZD rudnicima – pretvorba avansa (17.1)</i></b>		
Dugoročne pozajmice po osnovu pretvorbe avansa	177.972.920	187.878.285
Tekuće dospjeće pozajmica po osnovu pretvorbe avansa	10.628.420	6.139.233
Ispravka vrijednosti - dugoročno	(177.838.645)	(192.696.693)
Ispravka vrijednosti - kratkoročno	(10.628.420)	(723.055)
Ispravka vrijednosti - MSFI 9	(134.275)	(145.580)
	<b>-</b>	<b>452.190</b>
<b><i>Pozajmice ZD rudnicima – podsticajne mjere (17.2)</i></b>		
Dugoročne pozajmice po osnovu podsticajnih mjera	186.374.978	196.251.353
Tekuće dospjeće pozajmica po osnovu podsticajnih mjera	9.876.375	1.858.790
Ispravka vrijednosti - dugoročno	(21.341.010)	(23.903.481)
Ispravka vrijednosti - MSFI 9	(73.434.890)	(73.434.890)
	<b>101.475.453</b>	<b>100.771.772</b>
<b><i>Zajmovi dati zaposlenim (17.3)</i></b>		
Dugoročni zajmovi dati zaposlenim	324	21.883
Tekuće dospjeće dugoročnih zajmova datih zaposlenim	18.495	32.149
Ispravka vrijednosti - MSFI 9	(315)	(1.849)
	<b>18.504</b>	<b>52.183</b>
<b><i>Reprogramirana potraživanja - povezana društva (17.4)</i></b>		
Reprogramirana potraživanja - povezana društva	2.895.690	6.558.502
Tekuće dospjeće reprogramiranih potraživanja - povezana društva	3.961.481	4.846.258
Ispravka vrijednosti - MSFI 9	(333.914)	(766.444)

	31.12.2025.	31.12.2024.
	<b>6.523.257</b>	<b>10.638.316</b>
<b>Reprogramirana potraživanja – treća lica (17.4)</b>		
Reprogramirana potraživanja – treća lica	3.463.984	4.625.777
Tekuće dospjeće reprogramiranih potraživanja (treća lica)	3.540.815	2.653.964
Ispravka vrijednosti	(5.034.074)	(6.021.666)
Ispravka vrijednosti - MSFI 9	(130.760)	(82.491)
	<b>1.839.965</b>	<b>1.175.584</b>
<b>Ostalo</b>		
Utruženi kratkoročni plasmani	739.771	739.771
Ispravka vrijednosti kratkoročnih plasmana	(739.771)	(739.771)
	-	-
	<b>109.857.179</b>	<b>113.090.045</b>

Dospjeće potraživanja po datim dugoročnim zajmovima i pozajmicama može se prikazati kako slijedi:

	31.12.2025.	31.12.2024.
Do jedne godine	14.330.922	11.899.222
Preko jedne godine	95.526.257	101.190.823
	<b>109.857.179</b>	<b>113.090.045</b>

#### **Primjena MSFI 9 Finansijski instrumenti na dan 31.12.2025. godine**

U vezi sa primjenom MSFI 9 *Finansijski instrumenti*, Društvo je u finansijskim izvještajima za godinu koja završava 31.12.2025. godine izvršilo umanjeње vrijednosti potraživanja po osnovu: električne energije i ostalih dobara i usluga, pozajmica datih ZD rudnicima, zajmova datih zaposlenima i reprograma, te priznalo očekivane kreditne gubitke za 12 mjeseci ili očekivane kreditne gubitke u cijelom vijeku trajanja imovine, u ovisnosti da li je došlo do značajnog povećanja u kreditnom riziku nakon početnog priznavanja.

Društvo je u Bilješkama uz finansijske izvještaje za godinu koja završava 31.12.2025. godine navelo primjenu MSFI 9 *Finansijski instrumenti*. U nastavku je pregled evidentiranih očekivanih kreditnih gubitaka po osnovu svih kategorija potraživanja:

Osnova za izračun očekivanih kreditnih gubitaka	31.12.2025.	31.12.2024.	Razlika – rashod / (prihod)
Pozajmice ZD rudnicima ( <b>Bilješka 17.2</b> )	21.475.285	24.049.062	(2.573.777)
Zajmovi dati zaposlenim ( <b>Bilješka 17.3</b> )	315	1.849	(1.534)
Reprogrami (treća lica) ( <b>Bilješka 17.5</b> )	130.760	82.491	48.269
Reprogrami (ZD rudnici) ( <b>Bilješka 17.4</b> )	333.914	766.444	(432.530)
Potraživanja za isporučenu el.energiju i ostala dobra i usluge ( <b>Bilješka 21.</b> )	575.818	725.275	(149.457)
Potraživanja za date avanse ( <b>Bilješka 24.5</b> )	1.845.037	831.989	1.013.048
	<b>24.361.129</b>	<b>26.457.110</b>	<b>(2.095.981)</b>

Iznos od **2.095.981 KM** koji predstavlja neto prihode po osnovu primjene MSFI 9 na dan 31.12.2025. godine je prikazan u okviru **Bilješke 8.6.**

Za potrebe izračuna sa stanjem na dan 31.12.2025. godine, Društvo je primjenilo diskontnu stopu od 2,5% za pozajmice svim ZD rudnicima (2024: RMU Abid Lolić i RMU Kakanj 3%, ostali ZD rudnici 2,5%). Metodologija (diskontna stopa, način izračuna) za ostale kategorije potraživanja se nije mijenjala.

### 17.1 Pozajmice ZD rudnicima – pretvorba avansa

Skupština Društva je na 69. sjednici održanoj dana 25.05.2021. godine donijela *Odluku o pretvorbi uplaćenih a neopravdanih avansa zavisnim društvima – rudnicima uglja u dugoročne pozajmice* kojom se odobrava pretvorba uplaćenih a neopravdanih avansa za isporuku uglja ZD rudnicima uglja u dugoročne pozajmice u iznosu od 195.442.407 KM (bez PDV) odnosno 228.312.754 (sa PDV). PDV iznosi 32.870.348 KM.

Dana 31.05.2021. i 01.06.2021. godine potpisani su sporazumi sa ZD rudnicima (osim sa RU Gračanica, od kojeg nije bilo potraživanja po osnovu datih avansa). U skladu sa potpisanim sporazumima, povrat pozajmica bez PDV u iznosu od 195.442.407 KM će se vršiti u periodu od maksimalno 20 godina (RU Kreka 20 godina, RMU Abid Lolić 7 godina, ostali rudnici 10 godina) plus 2 godine grace perioda, odnosno maksimalno 264 mjeseca perioda. Kamatna stopa na ugovoreni iznos pozajmice je 1,5% godišnje. Posebnom odlukom je za svaki rudnik uglja utvrđen povrat PDV-a, u ukupnom iznosu od 32.870.348 KM, te je sa svakim ZD rudnikom zaključen poseban sporazum o načinu povrata PDV-a.

Na 77. sjednici Skupštine održanoj 17.10.2023. godine, donesena je *Odluka o izmjeni Odluke o pretvorbi uplaćenih a neopravdanih avansa zavisnim društvima – rudnicima uglja u dugoročne pozajmice*. Ovom odlukom se rok za povrat pozajmica produžava, i isti će biti maksimalno 20 godina + 4 godine grace perioda, odnosno maksimalno 288 mjeseca perioda.

U skladu sa navedenom Odlukom, dana 26.10.2023. zaključeni su Aneksi na ugovore o pretvorbi uplaćenih a neopravdanih avansa u dugoročne pozajmice sa svim ZD rudnicima. Obzirom da su u toku 2023. godine ZD rudnici vršili uplate po postojećim pozajmicama, ukupan iznos glavnice na koji su zaključeni aneksi je **190.756.160 KM**. Grace period za sve ZD rudnike iznosi 48 mjeseci, odnosno otplata počinje 01.07.2025. godine. Nakon isteka grace perioda, rok otplate je 72 mjeseca za RMU Abid Lolić, 240 mjeseci za RU Kreka, te 120 mjeseci za ostale rudnike.

U toku 2025. godine, ZD rudnici su otplatili 4.952.683 KM glavnice, te 463.495 KM po osnovu PDV-a (koji se odnosi na RU Kreka). Obzirom da su ove pozajmice, u ranijim periodima bile 100% ispravljene na teret, naplata u iznosu od 4.952.683 KM je evidentirana kao prihod od naplaćenih otpisanih potraživanja (**Bilješka 2.1**).

Prikaz iznosa i stanja pozajmica po osnovu pretvorbe avansa na dan 31.12.2025. godine je kako slijedi:

	RU Kreka	RMU Zenica	RMU Breza	RMU Abid Lolić	RMU Đurđevik	RMU Kakanj	Ukupno
Odobreni iznos pozajmice bez PDV - prema aneksu	121.307.262	37.496.284	11.063.515	9.671.111	7.443.333	3.774.655	190.756.160
Odobreni iznos pozajmice - PDV	20.971.764	6.240.131	1.945.653	1.740.800	1.309.000	663.000	32.870.348
<b>Ukupno odobreno</b>	<b>142.279.026</b>	<b>43.736.415</b>	<b>13.009.168</b>	<b>11.411.911</b>	<b>8.752.333</b>	<b>4.437.655</b>	<b>223.626.508</b>
Stanje pozajmice bez PDV na dan 31.12.2025.	118.274.582	37.496.285	10.510.338	8.865.186	7.071.167	3.585.922	185.803.480
Stanje pozajmice - PDV na dan 31.12.2025.	-	2.797.860	-	-	-	-	2.797.860
<b>Ukupno bruto stanje na dan 31.12.2025.</b>	<b>118.274.582</b>	<b>40.294.144</b>	<b>10.510.338</b>	<b>8.865.186</b>	<b>7.071.167</b>	<b>3.585.922</b>	<b>188.601.340</b>
Ispravka vrijednosti - pozajmice bez PDV	(118.274.582)	(37.496.285)	(10.510.338)	(8.865.186)	(7.071.167)	(3.585.922)	(185.803.480)
Ispravka vrijednosti – PDV	-	(2.797.860)	-	-	-	-	(2.797.860)
<b>Pozajmice (sa PDV) - neto stanje na dan 31.12.2025.</b>	<b>-</b>	<b>-</b>	<b>-</b>	<b>-</b>	<b>-</b>	<b>-</b>	<b>-</b>

Uvidom u obostrano ovjerene IOS-e sa ZD rudnicima na dan 31.12.2025. godine, konstatovali smo da su potraživanja po osnovu datih pozajmica po osnovu pretvorbe avansa usaglašena sa svim ZD rudnicima, osim sa RMU Zenica, koji je osporio iznos od 191.109 KM. Isti iznos je osporen i na IOS-u za potraživanja za date avanse i obaveze (**Bilješka 30.**)

### **17.2 Pozajmice ZD rudnicima – podsticajne mjere**

Skupština Društva je na 69. sjednici održanoj dana 25.05.2021. godine donijela *Odluku o odobravanju sredstava za davanje pozajmica zavisnim društvima – rudnicima uglja*. Ovom odlukom se odobravaju sredstva za davanje pozajmica ZD rudnicima uglja u ukupnom iznosu od 125.000.000 KM radi finansiranja podsticajnih mjera sporazumnog prestanka ugovora o radu, finansiranje zaostalih obaveza doprinosa za PIO/MIO i doprinosa za nezaposlene, finansiranje troškova za prekvalifikacije/dokvalifikaciju radnika i finansiranje izmirenja ostalih troškova poslovanja iz prethodnog perioda. U skladu sa potpisanim ugovorima pozajmica se daje na period od maksimalno 120 mjeseci, s tim da se odobrava grace period od 24 mjeseca. Kamatna stopa će iznositi 1,5% godišnje. Povrat pozajmice će se realizirati kompenzacijom iznosa mjesečne rate te obaveze Društva prema rudnicima uglja po osnovu isporuka uglja. Rok za davanje ovih pozajmica je najkasnije 31.12.2022. godine. Do 31.12.2022. godine, Društvo je zaključilo ugovore vrijednosti 123.859.585 KM po ovom osnovu.

Na 77. sjednici Skupštine održanoj 17.10.2023. godine, donesena je *Odluka o izmjenama Odluke o odobravanju sredstava za davanje pozajmica zavisnim društvima - rudnicima uglja*. Ovom odlukom se odobrena sredstva za davanje pozajmica povećavaju na 200 miliona KM (sa dosadašnjih 125 miliona KM), rok za povrat će biti maksimalno 120 mjeseci s uključenim grace periodom od 48 mjeseci, te rok za davanje pozajmica je najkasnije do 31.12.2024. godine.

Krajem 2023. godine zaključeni su aneksi na postojeće ugovore o pozajmicama. Obzirom da su rudnici u toku 2023. godine vršili uplate (uplaćeno je 1.694.656 KM), iznos odobrenih pozajmica po zaključenim aneksima je 121.969.728 KM. Također, u toku 2023. godine odobrene su nove pozajmice u iznosu 55.218.705 KM, dok su u toku 2024. odobrene pozajmice u iznosu 20.921.710 KM.

U toku 2025. godine ZD rudnici su otplatili 1.858.789 KM po osnovu pozajmica za podsticajne mjere. U nastavku je dat prikaz datih pozajmica po rudnicima:

	<b>Stanje na dan 31.12.2025. godine - bruto</b>	<b>Ispravka vrijednosti</b>	<b>Ispravka vrijednosti - MSFI 9</b>	<b>Neto stanje na dan 31.12.2025. godine</b>
RU Kreka	60.312.096	-	(6.210.636)	54.101.460
RMU Zenica	84.562.159	(73.434.890)	(11.127.269)	-
RMU Breza	18.420.339	-	(1.439.026)	16.981.313
RMU Abid Lolić	10.217.311	-	(766.376)	9.450.935
RMU Đurđevik	4.693.186	-	(277.427)	4.415.759
RMU Kakanj	18.046.262	-	(1.520.276)	16.525.986
	<b>196.251.353</b>	<b>(73.434.890)</b>	<b>(21.341.010)</b>	<b>101.475.453</b>

Uvidom u obostrano ovjerene IOS-e sa ZD rudnicima na dan 31.12.2025. godine, konstatovali smo da su potraživanja po osnovu datih pozajmica po osnovu podsticajnih mjera usaglašena sa svim ZD rudnicima.

### **Obustava proizvodnje u RMU Zenica**

Dana 02.04.2024. godine, na 27. sjednici, Nadzorni odbor Društva je donio Odluku o davanju prethodne saglasnosti na prijedlog Odluke o privremenoj obustavi rudarskih radova, a koja se odnosi na pogon "Raspotočje" RMU Zenica. Odluka se donosi na osnovu dokumenta "Elaborat o tehno-ekonomskoj opravdanosti dalje eksploatacije uglja u RMU Zenica", u kojem je utvrđeno da RMU Zenica u narednom periodu ne može poslovati samoodrživo i da će poslovati negativno, uz uvažavanje blokade žiro računa i nelikvidnosti društva koja onemogućava servisiranje kratkoročnih i dugoročnih obaveza". Ovlašćuje

se punomoćnik Društva da na Skupštini RMU Zenica glasa u smislu navedene odluke. Skupština RMU Zenica je donijela Odluku o privremenoj obustavi rudarskih radova u proizvodnom pogonu jama "Raspotočje", broj SD-110/2-4408/24 od 03.04.2024. godine.

Dana 14.03.2025. godine, na osnovu prijedloga Direktora RMU Zenica, Skupština RMU Zenica je donijela odluku o stavljanju van snage Odluke o privremenoj obustavi radova, te donijela **Odluku o potpunoj i trajnoj obustavi rudarskih radova RMU „Zenica“** broj: SD-113/3-1537/25 od 14.03.2025. godine. Nadzorni odbor Društva je dana 11.03.2025. godine, na 62. sjednici, donio Odluku o davanju prethodne saglasnosti na navedenu odluku.

RMU Zenica se nalazi u postupku finansijske konsolidacije i to počev od 02.04.2024. godine kada je Vlada Federacije BiH donijela Odluku o finansijskoj konsolidaciji privrednog društva RMU Zenica. Postupak finansijske konsolidacije obuhvata izmirenje dugovanja RMU Zenica, nastalih zaključno sa 31.12.2021. godine, u ukupnom iznosu od 124.792.242 KM.

Društvo nema pravnog osnova za finansiranje isplate plata u RMU Zenica, a RMU Zenica je iscrpio skoro sve mogućnosti u pogledu prodaje imovine s ciljem obezbjeđenja sredstava za isplate plata radnicima i održavanje procesa rada.

S obzirom na navedeno, postoji značajna neizvjesnost u naplati potraživanja od RMU Zenica, na šta smo skrenuli pažnju Društvu u **Bilješci 24.5**.

### **17.3 Zajmovi dati zaposlenim**

Zajmovi dati zaposlenicima za rješavanje stambenih pitanja su odobreni u skladu sa Odlukom Upravnog odbora broj UO-6-13510-3/99 od 18.11.1999. godine i izmjenom Odluke broj UO-12-14580-7/00 od 12.10.2000. godine, sa kamatnom stopom od 4,25% do 5,75% godišnje i rokom otplate od 15 do 20 godina.

### **17.4 Reprogramirana potraživanja – povezana društva i treća lica**

Društvo sa pojedinim ZD rudnicima ima zaključene ugovore o reprogramu električne energije.

Također, Društvo ima zaključene ugovore o reprogramu sa kupcima trećim licima po osnovu isporučene toplotne energije, isporučene električne energije, te isporučene tehnološke vode. U narednoj tabeli su navedeni najveći kupci.

	31.12.2025.	31.12.2024.
<b>Reprogramirana potraživanja – zavisna društva</b>		
RU Kreka	6.606.786	10.032.414
RMU Đurđevik	131.587	447.547
RMU Breza	118.798	263.995
RMU Kakanj	-	660.804
	<b>6.857.171</b>	<b>11.404.760</b>
Ispravka vrijednosti reprogramiranih potraživanja - MSFI 9	(333.914)	(766.444)
	<b>6.523.257</b>	<b>10.638.316</b>
<b>Reprogramirana potraživanja – treća lica</b>		
RiTE Ugljevik a.d.Ugljevik (2 ugovora)	3.086.445	4.548.445
JP Vodovod d.o.o. Mostar (2 ugovora)	1.947.630	1.386.000
JP Rad d.o.o. Lukavac (2 ugovora)	1.356.019	556.068
Željezara Ilijaš	600.439	-
Radio – televizija Bosne i Hercegovine	-	633.123

	<b>31.12.2025.</b>	<b>31.12.2024.</b>
Ostali	14.266	156.105
	<b>7.004.799</b>	<b>7.279.741</b>
Ispravka vrijednosti reprogramiranih potraživanja - MSFI 9	(130.760)	(82.491)
Ispravka vrijednosti	(5.034.074)	(6.021.666)
	<b>1.839.965</b>	<b>1.175.584</b>
	<b>8.363.222</b>	<b>11.813.900</b>

Uvidom u obostrano ovjerene IOS-e sa najvećim kupcima (ZD rudnici, RiTE Ugljevik, JP Vodovod Mostar, JP Rad Lukavac) na dan 31.12.2025. godine, konstatovali smo da su potraživanja po osnovu reprogramiranih potraživanja usaglašena.

RiTE Ugljevik a.d.Ugljevik na dan 31.12.2025. godine je kasni sa uplatom 3 rate. U komentarima na nacrt Izvještaja o internoj reviziji godišnjeg obračuna za 2025. godinu (sačinjenog od strane Odjela za internu reviziju), ID za proizvodnju je naveo da je Društvo pokrenulo postupak aktiviranja mjenica. Na osnovu dostavljene dokumentacije konstatovali smo da je, nakon aktiviranja mjenica, Društvo dana 27.04.2026. godine naplatilo dio potraživanja u ukupnom iznosu od 1.007.368 KM. Za obezbjeđenje preostalog dijela duga, RiTE Ugljevik je dostavio nove mjenice.

Društvo je u toku 2025. godine zaključilo sljedeće nove ugovora o reprogramu:

- dodatni ugovor sa JP Rad d.o.o. Lukavac (ugovor o izmirenju dospjelog duga za isporučenu toplotnu energiju. Iznos reprograma je 1.105.296 KM, a posljednja rata dospjeva 01.11.2029. godine.
- Željezara Ilijaš (ugovor o izmirenju dospjelog duga za isporučenu električnu energiju. Iznos reprograma je 1.108.502 KM, posljednja rata dospjeva 25.01.2027. godine),
- dodatni JP Vodovod Mostar (ugovor o izmirenju dospjelog duga za isporučenu električnu energiju. Iznos reprograma je 717.071 KM, posljednja rata dospjeva 26.10.2037. godine),
- Hayat d.o.o. Sarajevo (posljednja rata dospjeva 25.06.2025. godine, otplaćen u toku 2025. godine)

Dana 05.08.2025. godine raskinut je ugovor o reprogramu sa RTV BiH zbog neizmirenja obaveza.

## 18. Ostala dugoročna potraživanja i imovina

	<b>31.12.2025.</b>	<b>31.12.2024.</b>
Unaprijed plaćeni troškovi (preko 12 mjeseci)	992.601	992.601
Ostala finansijska imovina po amortizovanom trošku	195.584	176.027
Finansijska imovina po fer vrijednosti kroz ostalu sveobuhvatnu dobit	5.058	5.058
	<b>1.193.243</b>	<b>1.173.686</b>

Unaprijed plaćeni troškovi (preko 12 mjeseci) u ukupnom iznosu od 992.601 KM se najvećim dijelom (773.314 KM) odnose na plaćanje troškova eksproprijacije zemljišta za potrebe izgradnje malih hidroelektrana na slivu rijeke Neretvice, u skladu sa ugovorom broj 01-3900/09 od 23.02.2009. godine zaključenim između Društva (Koncesionar) i Općine Konjic (Koncesor).

Realizacija projekata izgradnje malih hidroelektrana je u zastoju, te je Društvo dana 25.03.2023. godine uputilo Tužbu Općinskom sudu u Mostaru protiv Grada Konjica, radi povrata uloženi sredstava i naknade štete usljed nerealizacije ovih ugovora. Grad Konjic je protiv Društva pokrenuo protivtužbu u maju 2023. godine. Prema informacijama dostavljenim od Sektora za pravne poslove, dana 19.11.2024.

godine, Općinski sud u Mostaru je donio presudu kojom je djelomično uvažen tužbeni zahtjev Društva, te u potpunosti odbijen protivtužbeni zahtjev Grada Konjic. Donesenom presudom Grad Konjic se obavezuje da Društvu na ime štete isplati ukupni iznos od 2.192.601 KM, od čega iznos od 1.200.000 KM na ime realizacije Ugovora o prijateljskom okruženju, te iznos od 992.601 KM na ime cjelokupnog postupka rješavanja imovinsko-pravnih odnosa, sve sa zakonskom zateznom kamatom. Obje strane su izjavile žalbu na navedenu prvostepenu presudu, nakon čega je 10.07.2024. godine Kantonalni sud u Mostaru odbio žalbe i potvrdio prvostepenu presudu.

U toku su pregovori sa Gradom Konjic o eventualnoj mogućnosti dobrovoljnog izvršenja i zaključenja sporazuma o načinu izvršenja presude (posljednji dopis poslan prema Gradu Konjicu u januaru 2026. godine).

Ostala finansijska imovina po amortizovanom trošku predstavlja depozit/kolateral u iznosu od 195.584 KM (100.000 EUR), koji je uplaćen zbog učešća na berzi električne energije SEEPEX.

## 19. Odgođena porezna imovina

	<b>31.12.2025.</b>	<b>31.12.2024.</b>
Odgođena porezna imovina	<u>5.962.986</u>	<u>5.976.900</u>
	<b><u>5.962.986</u></b>	<b><u>5.976.900</u></b>

Odgođena porezna imovina se priznaje u visini u kojoj je vjerovatno da će se ostvariti buduća oporeziva dobit dovoljna za korištenje imovine. Smanjenje odgođene porezne imovine u iznosu od 13.914 KM odnosi se na rezervisanja za sudske sporove, te razliku između amortizacije obračunate po računovodstvenim i porezno priznatim stopama amortizacije dugotrajne imovine.

## 20. Zalihe

	<b>31.12.2025.</b>	<b>31.12.2024.</b>
<b><i>Sirovine i materijal</i></b>		
Ugalj	36.460.216	20.359.362
Elektro, građevinski, mašinski i IKT materijal	73.842.227	72.211.162
Ostale sirovine i materijali	8.847.110	8.525.258
Ispravka vrijednosti sirovina i materijala	<u>(17.187.942)</u>	<u>(15.900.074)</u>
	<b><u>101.961.611</u></b>	<b><u>85.195.708</u></b>
<b><i>Rezervni dijelovi</i></b>		
Rezervni dijelovi	26.262.572	25.343.372
Ispravka vrijednosti rezervnih dijelova	<u>(5.577.109)</u>	<u>(5.474.216)</u>
	<b><u>20.685.463</u></b>	<b><u>19.869.156</u></b>
<b><i>Autogume, ambalaža, sitan inventar i HTZ oprema</i></b>		
Autogume, ambalaža, sitan inventar i HTZ oprema	13.017.778	12.129.541
Ispravka vrijednosti autoguma, ambalaže, sitnog inventara i HTZ opreme	<u>(11.623.442)</u>	<u>(10.696.801)</u>
	<b><u>1.394.336</u></b>	<b><u>1.432.740</u></b>
<b><i>Roba</i></b>	<b><u>26.951</u></b>	<b><u>18.980</u></b>
	<b><u>124.068.361</u></b>	<b><u>106.516.584</u></b>

### Zalihe uglja

Zalihe uglja na dan 31.12.2025. godine su povećane za 16.100.854 KM u odnosu na stanje na dan 31.12.2024. godine. Prema dostavljenim informacijama od strane Društva, na povećanje vrijednosti

zaliha uglja, osim povećane količine na depoima, uticala je i povećana nabavka iz rudnika van Koncerna EPBiH, s obzirom na veće troškove prevoza uglja izvan Koncerna (zbog veće udaljenosti rudnika od TE). U Izvještaju o poslovanju za 2025. godine navedeno je da je jedna od okolnosti, koja je negativno uticala na poslovanje u 2025. godini, bila i izostanak planirane proizvodnje usljed nerealizacije isporuka planiranih/ugovoreni količina i kvaliteta uglja rudnika iz Koncerna EP BiH, uz značajan broj kvarova na termo blokovima uzrokovanih lošijim kvalitetom uglja.

U skladu sa *Uputstvom za ugalj* broj U-01-38132/15-23./6. od 22.12.2015. godine, geodetsko mjerenje i hemijska analiza depoa uglja se vrši kvartalno. U toku 2025. godine u TE Kakanj i TE Tuzla su vršena kvartalna geodetska mjerenja i hemijska analiza depoa uglja.

Uvidom u izvještaje o popisu uglja na dan 31.12.2025. godine u TE Kakanj i TE Tuzla zapazili smo da u istim nisu iskazane razlike po popisu zaliha uglja.

Odjel za internu reviziju je u toku 2025. godine izvršio reviziju zaliha, te, između ostalog, data i sljedeća preporuka: "*Izvršiti detaljnu analizu zaliha (osim zaliha uglja i zaliha investicionog materijala) u skladištima Društva, utvrditi uzroke povećanja istih, te o navedenom sačiniti izvještaj na nivou Društva i podnijeti Upravi Društva na razmatranje i donošenje odgovarajućih odluka.*"

U potpisanom Planu aktivnosti za provođenje preporuka, za prethodno navedenu preporuku je navedeno sljedeće: "*Proizvodne i distributivne podružnice će u narednom periodu izvršiti detaljnu analizu stanja zaliha i utvrđivanja uzroka povećanja istih, te o svemu sačiniti izvještaj i isti dostaviti nadležnim izvršnim direktorima*". U cilju realizacije navedenog, u Društvu su *Rješenjem o imenovanju Stručnih timova za analizu zaliha u JP EP BiH* (broj 01-05-955-1/2026 od 13.01.2026. godine) imenovana su dva stručna tima:

- Stručni tim za analizu kompletnog sistema funkcionisanja zaliha i analizu postojeće politike upravljanja zalihama u proizvodnim podružnicama, i
- Stručni tim za analizu kompletnog sistema funkcionisanja zaliha i analizu postojeće politike upravljanja zalihama u distributivnim podružnicama.

Prema rješenju, rok za završetak zadataka je 31.03.2026. godine. Prema informacijama koje smo dobili od predsjednika stručnog tima (za proizvodne i distributivne podružnice), Izrada izvještaja je u završnoj fazi.

U toku 2025. godine, u djelatnosti Distribucije implementirana je nova aplikacija za upravljanje zalihama materijala, integrisana sa SAP sistemom, koja na osnovu podataka o potrošnji, trenutnim zalihama i ugovorenim isporukama omogućava **efikasnije planiranje nabavki**. Aplikacija automatski procjenjuje rokove dostizanja sigurnosnih i signalnih zaliha, te predlaže optimalan trenutak za pokretanje novih nabavki i potrebne količine materijala, uz uvažavanje rokova isporuke po ugovorima. Također, aplikacija omogućava pravovremeno prepoznavanje mogućnosti preraspodjele materijala između distributivnih podružnica, čime se može izbjeći nepotrebno pokretanje novih nabavki. Nakon uspješnog testiranja, aplikacija je stavljena u primjenu za centralizirane nabavke koje obuhvataju oko 90% ukupnih zaliha materijala, a očekuje se da će njenom primjenom doći do postepenog smanjenja nivoa zaliha sa sadašnjeg jednogodišnjeg nivoa na približno šestomjesečne zalihe u narednom periodu. Planirano je i proširenje primjene aplikacije na distributivne podružnice i decentralizirane nabavke materijala.

### **Umanjenje vrijednosti zaliha**

Dana 04.02.2025. godine, Uprava Društva je donijela *Uputstvo za procjenu neto ostvarive vrijednosti zaliha*, koje je primijenjeno na datum 31.12.2024. godine. Navedenim uputstvom su definisani procenti umanjenja vrijednosti zaliha u odnosu na starosnu strukturu istih:

JP ELEKTROPRIVREDA BIH D.D. – SARAJEVO  
REVIZIJA GODIŠNJEG OBRAČUNA ZA 2025. GODINU

	od 1 do 2 godine	od 2 do 3 godine	od 3 do 5 godina	preko 5 godina
Zalihe (osim rezervnih dijelova)	10%	25%	45%	85%
Rezervni dijelovi	0%	0%	25%	40%

Efekat primjene Uputstva za 2025. godinu iznosi neto rashod u iznosu od 1.390.688 KM (2024.: prihod u iznosu od 4.466.794 KM). Efekat za 2025. godinu je prikazan u *Bilješkama 2.3 i 8.2* (prihod 152.146 KM i rashod 1.542.834 KM).

Na osnovu starosne strukture zaliha na dan 31.12.2025. godine, sačinjene od strane Društva, u nastavku dajemo pregled zaliha starijih od godinu dana po podružnicama (bruto):

	Vrijednost zaliha preko godine dana	Od 1 do 2 godine	Od 2 do 3 godine	Od 3 do 5 godina	Preko 5 godina
	1 $\Sigma$ 2 do 5	2	3	4	5
TE Tuzla	16.910.116	2.578.752	1.586.950	2.657.714	10.086.700
TE Kakanj	16.435.735	1.625.923	2.519.931	1.489.666	10.800.215
ED Tuzla	6.399.965	3.171.147	1.109.238	936.028	1.183.552
ED Sarajevo	7.694.195	5.027.111	573.046	694.441	1.399.598
ED Bihać	4.265.199	2.742.569	503.768	196.768	822.094
ED Zenica	4.901.416	3.042.923	852.320	528.046	478.127
ED Travnik	2.831.397	1.769.775	391.856	669.767	0
HE na Neretvi	1.348.151	102.784	27.036	48.312	1.170.019
ED Mostar	2.015.999	1.116.862	322.731	237.747	338.660
	<b>62.802.174</b>	<b>21.177.845</b>	<b>7.886.876</b>	<b>7.458.489</b>	<b>26.278.963</b>

Društvo ne vrši analitička knjiženja umanjena vrijednosti zaliha po svakoj šifri materijala, nego se umanjena vrijednosti zaliha knjiže, na predviđenim kontima, u sintetičkim iznosima po organizacionim dijelovima Društva.

## 21. Potraživanja od kupaca

	31.12.2025.				31.12.2024.			
	Redovna	Sumnjiva	Utuzena	Ukupno	Redovna	Sumnjiva	Utuzena	Ukupno
<b>Potraživanja od prodaje električne energije:</b>								
- povezana lica								
<i>Bruto</i>	6.699.204	164.656	6.097.541	12.961.401	5.027.228	-	3.836.548	8.863.776
<i>Ispravka vrijednosti</i>	-	-	(6.097.541)	(6.097.541)	-	-	(2.556.280)	(2.556.280)
<i>Neto</i>	6.699.204	164.656	-	6.863.860	5.027.228	-	1.280.268	6.307.496
- kupci u zemlji								
<i>Bruto</i>	145.385.678	1.778.073	29.144.372	176.308.123	132.199.216	904.242	28.898.501	162.001.959
<i>Ispravka vrijednosti</i>	-	(212.768)	(28.235.599)	(28.448.367)	-	(213.880)	(28.710.132)	(28.924.012)
<i>Neto</i>	145.385.678	1.565.305	908.773	147.859.756	132.199.216	690.362	188.369	133.077.947
- ino kupci	548.439	-	-	548.439	1.593.635	-	-	1.593.635
<b>Ukupno</b>	<b>152.633.321</b>	<b>1.729.961</b>	<b>908.773</b>	<b>155.272.055</b>	<b>138.820.079</b>	<b>690.362</b>	<b>1.468.637</b>	<b>140.979.078</b>
<b>Potraživanja od prodaje ostalih proizvoda</b>								
<i>Bruto</i>	5.263.222	1.702.203	3.719.285	10.684.710	4.736.805	429.608	3.822.900	8.989.313
<i>Ispravka vrijednosti</i>	-	-	(3.676.607)	(3.676.607)	-	(757)	(3.700.168)	(3.700.925)
<i>Neto</i>	5.263.222	1.702.203	42.678	7.008.103	4.736.805	428.851	122.732	5.288.388
<b>Potraživanja od prodaje usluga</b>								
<i>Bruto</i>	8.914.338	3.437	923.963	9.841.738	11.874.665	2.129	943.599	12.820.393
<i>Ispravka vrijednosti</i>	-	(7.200)	(696.742)	(703.942)	-	(7.200)	(709.503)	(716.703)
<i>Neto</i>	8.914.338	(3.763)	227.221	9.137.796	11.874.665	(5.071)	234.096	12.103.690

JP ELEKTROPRIVREDA BIH D.D. – SARAJEVO  
REVIZIJA GODIŠNJEG OBRAČUNA ZA 2025. GODINU

	31.12.2025.				31.12.2024.			
	Redovna	Sumnjiva	Utuzena	Ukupno	Redovna	Sumnjiva	Utuzena	Ukupno
<b>Bruto potraživanja od kupaca</b>	<b>166.810.881</b>	<b>3.648.369</b>	<b>39.885.161</b>	<b>210.344.411</b>	<b>155.431.549</b>	<b>1.335.979</b>	<b>37.501.548</b>	<b>194.269.076</b>
Ispravka vrijednosti (osim MSFI 9)	-	(219.968)	(38.706.489)	(38.926.457)	-	(221.837)	(35.676.083)	(35.897.920)
<b>Neto potraživanja od kupaca (prije MSFI 9)</b>	<b>166.810.881</b>	<b>3.428.401</b>	<b>1.178.672</b>	<b>171.417.954</b>	<b>155.431.549</b>	<b>1.114.142</b>	<b>1.825.465</b>	<b>158.371.156</b>
Ispravka vrijednosti po MSFI 9				(575.820)				(725.275)
<b>Neto potraživanja od kupaca (nakon MSFI 9)</b>				<b>170.842.134</b>				<b>157.645.881</b>

Od ukupnih bruto potraživanja od kupaca, 90% čine potraživanja od prodaje električne energije. Potraživanja od kupaca se analitički evidentiraju u sljedećim aplikacijama:

- u aplikacijama SOEE i SONN: kupci 35 kV, 10 kV i 0,4 kV (uključujući potraživanja za električnu energiju od povezanih društava), te kupci troškova mrežarine (kupci koji koriste usluge drugog snabdjevača a Društvo im obračunava samo troškove mrežarine)
- u aplikaciji SAP: ostali kupci električne energiju (110 kV, kupci u inostranstvu itd), kupci za ostale proizvode i usluge (energetske saglasnosti, sporedne proizvode, itd).

Društvo je dostavilo starosne strukture potraživanja na dan 31.12.2025. godine od kupaca čija se analitika vodi u aplikacijama SOEE i SONN (kupci na 35 kV, 10 kV i 0,4 kV, uključujući i potraživanja za električnu energiju od povezanih društava). U nastavku je pregled starosne strukture potraživanja od kupaca sa stanjem na dan 31.12.2025. godine:

	0 - 90 dana, uključujući i nedospjela	91 - 180 dana	181 - 364 dana	Starije od 365 dana	Ukupno
Potraživanja od prodaje električne energije:					
Povezani kupci	7.144.078	625.164	1.128.062	4.064.097	12.961.401
Kupci u BiH	143.595.319	3.657.573	1.047.470	28.007.761	176.308.123
Kupci u inostranstvu	548.470	-	-	(31)	548.439
	<b>151.287.867</b>	<b>4.282.737</b>	<b>2.175.532</b>	<b>32.071.827</b>	<b>189.817.963</b>
Potraživanja od prodaje usluga	8.650.302	182.682	87.823	920.931	9.841.738
Potraživanja od prodaje ostalih proizvoda	5.264.919	575.996	1.054.935	3.788.860	10.684.710
	<b>165.203.088</b>	<b>5.041.415</b>	<b>3.318.290</b>	<b>36.781.618</b>	<b>210.344.411</b>
Ispravka vrijednosti (uključujući MSFI 9)	(1.020.613)	(548.954)	(1.246.262)	(36.686.448)	(39.502.277)
	<b>164.182.475</b>	<b>4.492.461</b>	<b>2.072.028</b>	<b>95.170</b>	<b>170.842.134</b>

Prema starosnoj strukturi potraživanja, na dan 31.12.2025. godine, Društvo nema značajnijih potraživanja starijih od godinu dana za koja nije izvršena ispravka vrijednosti. Od iznosa neispravljenih potraživanja starijih od godinu dana (95.170 KM):

- 50.012 KM se odnosi na potraživanja od RU Kreka, i ista su ispravljena na teret rashoda dana 31.01.2026. godine.
- 40.823 KM se odnosi na potraživanja za razne usluge, od kupaca fizičkih lica, unutar podružnice ED Bihać. Najveći pojedinačni iznos je 11.735 KM. Prema informacijama dobijenim iz ED Bihać,

ova potraživanja će u narednom periodu biti predložena za otpis.

U Društvu se potraživanja evidentiraju i prate prema *Uputstvu o potraživanjima*. U skladu sa ovim Uputstvom, Društvo sumnjiva i sporna potraživanja evidentira nakon 90 dana (potraživanja starosti do 90 dana se smatraju redovnim potraživanjima), a utužena potraživanja se evidentiraju nakon 6 mjeseci za domaćinstva odnosno 9 mjeseci za ostale kategorije kupaca (ukoliko potraživanja nisu naplaćena ni nakon svih poduzetih radnji, vrši se utuženje pri čemu je potrebno izvršiti i knjigovodstveno evidentiranje utuženih potraživanja). U skladu sa *Uputstvom o potraživanjima*, sva potraživanja koja su starija od 365 dana i koja su u pravilu u evidenciji utuženih potraživanja, se prenose na rashode tj. vrši se umanjene (ispravka) vrijednosti istih u 100% iznosu. Prema podacima iz starosne strukture potraživanja na dan 31.12.2025. godine (pripremljenoj od strane Društva), na kontima utuženih potraživanja je evidentiran iznos od 36.540.412 KM.

Tokom 2025. godine Društvo je izvršilo umanjena/otpise vrijednosti potraživanja od kupaca u ukupnom neto iznosu od 4.577.079 KM i to:

- povećanje ispravke vrijednosti potraživanja u iznosu 4.726.536 KM (2024. godine: 1.147.953 KM) koje se odnosi na ispravku po osnovu *Uputstva o potraživanjima (Bilješka 8.4)*. Navedena umanjena potraživanja od kupaca su izvršena na osnovu pisane saglasnosti Nadzornog odbora Društva u skladu sa članom 140. *Statuta* Društva. Najveći pojedinačni ispravljeni iznos se odnosi na RMU Zenica, u iznosu 3.541.261 KM.
- smanjenje ispravke vrijednosti po MSFI 9 u iznosu od 149.457 KM (2024. godina: povećanje ispravke u iznosu 45.418 KM) koje se odnosi na smanjenje ispravke vrijednosti po osnovu redovnih potraživanja za električnu energiju, ostala dobra i usluge, sumnjivih i spornih potraživanja za električnu energiju, ostalih dobara i usluga i ostalih potraživanja. Ovi prihodi prikazani u okviru ukupnih neto kreditnih dobitaka po MSFI 9 u iznosu od 2.095.981 KM (**Bilješka 8.6**).

U okviru salda kupaca u zemlji, sa stanjem na dan 31.12.2025. godine, evidentirana su i potraživanja od kupca Nova Željezara Zenica d.o.o. Zenica u iznosu od 11.859.931 KM, koja su se odnosila na fakture za novembar i decembar 2025. godine. Navedena potraživanja kupac je izmirio tokom januara i februara 2026. godine. Međutim, kupac nakon toga nije izmirivao obaveze po fakturama za januar, februar i mart 2026. godine. Nakon upućenih opomena i održanih sastanaka sa predstavnicima kupca, zaključen je sporazum kojim je definisano avansno sedmično plaćanje obaveza za isporučenu električnu energiju u iznosu od 2.000.000 KM uvećano za PDV, za period od 06.04. do 30.04.2026. godine. Po navedenom sporazumu kupac je izvršio dvije avansne uplate u ukupnom iznosu od 4.680.000 KM. Dana 06.04.2026. godine raskinut je ugovor s ovim kupcem, zaključno sa 30.04.2026. godine. Prema informacijama dostavljenim od Sektora za javno snabdijevanje, sva neneplaćena potraživanja od ovog kupca nakon 11.02.2026. godine će ući u stečajnu masu. U trenutku sačinjavanja ovog Izvještaja, Nova željezara Zenica je obustavila proizvodnju čelika.

Društvo je u skladu sa članom 23. Zakona o RiR i Pravilnikom o RiRP poslalo IOS-e na dan 31.12.2025. godine za sva potraživanja od pravnih lica radi usaglašavanja stanja. Metodom uzorka (20% salda potraživanja od kupaca u zemlji) utvrdili smo da su ista usaglašena.

**Potraživanja za električnu energiju od povezanih društava**

	<b>31.12.2025.</b>	<b>31.12.2024.</b>
RMU Zenica	6.251.558	4.296.527
RU Kreka	4.238.325	2.507.503
RMU Breza	912.693	549.532
RMU Đurđevik	634.571	924.707
RMU Kakanj	557.012	378.445
RMU Abid Lolić	197.259	81.815
RU Gračanica	41.290	78.011
<b>Rudnici</b>	<b>12.832.708</b>	<b>8.816.540</b>
TTU energetik	104.037	36.958
Iskraemeco	15.121	4.314
Eldis Tehnika	3.534	2.638
GEOLP	3.530	1.079
ETI	2.471	2.247
<b>Ostali</b>	<b>128.693</b>	<b>47.236</b>
<b>Ukupno - bruto</b>	<b>12.961.401</b>	<b>8.863.776</b>

Uvidom u IOS-e na dan 31.12.2025. godine po osnovu potraživanja za električnu energiju, zapazili smo da su potraživanja od svih povezanih društava usaglašena, osim za:

- RU Kreka – na IOS-u je navedeno da su potraživanja i obaveze neusaglašene za 125.048 KM, od čega se 124.848 KM odnosi na zatezne kamate i 200 KM na razliku iz ranijeg perioda;
- RMU Breza – razlika od 307 KM, što se odnosi na potraživanja za nusproizvode;
- RMU Kakanj – navedeno je da je određene fakture RMU Kakanj evidentirao u 2026. godini. Također je navedeno da IOS Društva ne sadrži zatezne kamate;
- RMU Abid Lolić – navedena je razlika od 4.130 KM koja se odnosi na zatezne kamate. Pored toga, IOS je neusaglašen za 4.053 KM (RMU Abid Lolić na IOS-u naveo veći iznos potraživanja nego što je u Društvu);
- TTU Energetik – navedena je razlika od 1.718 KM koja se odnosi na zatezne kamate.

Zavisna društva su u svojim poslovnim knjigama evidentirali obaveze po zateznim kamatama, dok se u Društvu one evidentiraju u vanbilansnoj evidenciji do momenta naplate.

Ukupna bruto potraživanja od RMU Zenica na dan 31.12.2025. godine iznose 6.251.558 KM, koja su najvećim dijelom utužena, i sastoje se iz:

- 2.556.280 KM - iznos prve tužbe, potraživanja su starija od godinu dana i 100% su ispravljena,
- 1.210.268 KM - iznos druge tužbe, potraživanja su starija od godinu dana i 100% su ispravljena,
- 1.588.477 KM - iznos treće tužbe, dio potraživanja je stariji od godinu dana (saldo obuhvata račune od oktobra 2024. do juna 2025. godine) i 100% su ispravljena,
- 742.546 KM - iznos četvrte tužbe, obuhvata potraživanja od jula do novembra 2025. godine i 100% su ispravljena i
- 154.017 KM - redovna potraživanja koja nisu utužena i nisu ispravljena (faktura za decembar 2025. godine).

U toku 2025. godine, po osnovu ispravke vrijednosti potraživanja od RMU Zenica, evidentirano je 3.541.261 KM na teret rashoda (**Bilješka 8.4**).

## 22. **Kratkoročni depoziti**

Na osnovu podataka dostavljenih od strane Sektora za upravljanje finansijama, kao i knjigovodstvenih evidencija, sačinili smo pregled kratkoročnih depozita sa stanjem na dan 31.12.2025. godine.

	<b>31.12.2025.</b>	<b>31.12.2024.</b>
<b>Sparkasse bank d.d. BiH</b>		
5 miliona EUR, dospijeće 30.05.2026. godine, kamatna stopa 2,91%	9.779.150	-
5 miliona EUR, dospijeće 30.05.2026. godine, kamatna stopa 2,91%	9.779.150	-
5 miliona EUR, dospijeće 23.03.2025. godine, kamatna stopa 2,97%	-	9.779.150
5 miliona EUR, dospijeće 23.03.2025. godine, kamatna stopa 2,97%	-	9.779.150
2,5 miliona EUR, dospijeće 23.03.2025. godine, kamatna stopa 2,96%	-	4.889.575
2,5 miliona EUR, dospijeće 23.03.2025. godine, kamatna stopa 2,96%	-	4.889.575
	<b>19.558.300</b>	<b>29.337.450</b>
<b>ProCredit bank d.d. Sarajevo</b>		
5 miliona EUR, dospijeće 30.05.2026. godine, kamatna stopa 2,60%	9.779.150	-
2,5 miliona EUR, dospijeće 27.03.2025. godine, kamatna stopa 2,41%	-	4.889.575
	<b>9.779.150</b>	<b>4.889.575</b>
<b>ASA banka d.d. Sarajevo</b>		
20 miliona KM, dospijeće 31.12.2025. godine, kamatna stopa 1,35%	-	20.000.000
5 miliona EUR, dospijeće 23.03.2025. godine, kamatna stopa 3,01%	-	9.779.150
5 miliona EUR, dospijeće 23.03.2025. godine, kamatna stopa 3,01%	-	9.779.150
2,5 miliona EUR, dospijeće 23.03.2025. godine, kamatna stopa 2,96%	-	4.889.575
2,5 miliona EUR, dospijeće 07.07.2025. godine, kamatna stopa 2,77%	-	4.889.575
	-	<b>49.337.450</b>
<b>Bosna bank International</b>		
2,5 miliona EUR, dospijeće 23.03.2025. godine, kamatna stopa 2,55%	-	4.889.575
2,5 miliona EUR, dospijeće 07.07.2025. godine, kamatna stopa 2,87%	-	4.889.575
5 miliona EUR, dospijeće 07.07.2025. godine, kamatna stopa 2,97%	-	9.779.150
	-	<b>19.558.300</b>
<b>Addiko bank d.d. Sarajevo</b>		
5 miliona EUR, dospijeće 27.03.2025. godine, kamatna stopa 2,87%	-	9.779.150
5 miliona EUR, dospijeće 27.03.2025. godine, kamatna stopa 2,87%	-	9.779.150
	-	<b>19.558.300</b>
<b>Ziraat bank d.d. Sarajevo</b>		
5 miliona EUR, dospijeće 26.03.2025. godine, kamatna stopa 2,80%	-	9.779.150
2,5 miliona EUR, dospijeće 26.03.2025. godine, kamatna stopa 2,80%	-	4.889.575
2,5 miliona EUR, dospijeće 27.07.2025. godine, kamatna stopa 2,85%	-	4.889.575
	-	<b>19.558.300</b>
<b>NLB banka d.d. Sarajevo</b>		
2,5 miliona EUR, dospijeće 26.03.2025. godine, kamatna stopa 2,81%	-	4.889.575
5 miliona EUR, dospijeće 28.07.2025. godine, kamatna stopa 2,91%	-	9.779.150
2,5 miliona EUR, dospijeće 26.08.2025. godine, kamatna stopa 2,91%	-	4.889.575
	-	<b>19.558.300</b>
<b>Union banka d.d. Sarajevo</b>		
5 miliona EUR, dospijeće 23.03.2025. godine, kamatna stopa 3,03%	-	9.779.150
5 miliona EUR, dospijeće 23.03.2025. godine, kamatna stopa 3,03%	-	9.779.150
	-	<b>19.558.300</b>

	31.12.2025.	31.12.2024.
<b>Intesa SanPaolo Banka d.d. BiH</b>		
5 miliona EUR, dospijeće 27.03.2025. godine, kamatna stopa 2,65%	-	9.779.150
2,5 miliona EUR, dospijeće 07.07.2025. godine, kamatna stopa 2,83%	-	4.889.575
	-	<b>14.668.725</b>
<b>Privredna banka Sarajevo d.d. Sarajevo</b>		
2,5 miliona EUR, dospijeće 23.03.2025. godine, kamatna stopa 2,85%	-	4.889.575
	-	<b>4.889.575</b>
Depoziti za berze	316.478	-
Najmjenski depoziti za ino plaćanja	489	-
Potraživanja za kamate na depozite	4	143.913
	<b>29.654.421</b>	<b>201.058.188</b>

### 23. Novac i novčani ekvivalenti

	31.12.2025.	31.12.2024.
Novac na računima kod banaka u KM	34.643.305	26.369.559
Novac na računima kod banaka u EUR	3.217.968	5.702.535
Blagajna	1.135.640	1.323.491
	<b>38.996.913</b>	<b>33.395.585</b>

Uvidom u bruto bilans na dan 31.12.2025. godine i 31.12.2024. godine konstatovali smo da se novčana sredstva Društva nalaze u sljedećim bankama:

	31.12.2025.	31.12.2024.
<b>Novčana sredstva u KM</b>		
Bosnia bank international d.d. Sarajevo	15.611.572	6.186.555
Sparkasse bank d.d. BiH	9.608.054	9.036.152
Intesa Sanpaolo bank d.d. BiH	2.860.879	2.468.452
ASA banka d.d. Sarajevo	2.524.599	948.833
UniCredit bank d.d. Mostar	2.350.302	3.866.461
Raiffeisen bank d.d. BiH	959.056	945.421
NLB Tuzlanska banka d.d. Tuzla	242.298	1.143.254
Union banka d.d. Sarajevo	175.700	1.407.490
Ziraat Bank BH d.d. Sarajevo	114.548	124.981
ProCredit bank d.d. Sarajevo	71.003	25.558
Privredna banka Sarajevo d.d. Sarajevo	61.885	64.926
Nova banka a.d. Banja Luka	44.370	27.769
Addiko bank d.d. Sarajevo	19.039	123.707
	<b>34.643.305</b>	<b>26.369.559</b>
<b>Novčana sredstva u stranoj valuti</b>		
Privredna banka Sarajevo d.d. Sarajevo	847.766	883.361
OTP banka Srbija a.d. Novi Sad	696.922	-
Sparkasse bank d.d. BiH	407.606	240.365
Bosnia bank international d.d. Sarajevo	285.461	667.938
UniCredit bank d.d. Mostar	241.267	1.740.743
ProCredit bank d.d. Sarajevo	174.713	208.998
NLB Tuzlanska banka d.d. Tuzla	121.973	280.461
Addiko bank d.d. Sarajevo	103.310	434.101
Union banka d.d. Sarajevo	91.917	740.717
Raiffeisen bank d.d. BiH	86.846	85.548

	31.12.2025.	31.12.2024.
ASA banka d.d. Sarajevo	79.087	41.147
Intesa Sanpaolo bank d.d. BiH	55.742	58.375
Nova banka a.d. Banja Luka	18.776	18.776
Ziraat Bank BH d.d. Sarajevo	6.582	302.005
	<b>3.217.968</b>	<b>5.702.535</b>
	<b>37.861.273</b>	<b>32.072.094</b>

## 24. Ostala kratkoročna potraživanja i imovina

	31.12.2025.	31.12.2024.
<b>Ostala kratkoročna potraživanja</b>		
Potraživanja za ulazni PDV (privremeno neodbitan) (24.1)	17.655.545	20.484.625
Potraživanja za plaćenu akontaciju poreza na dobit (24.2)	8.000.000	13.248.874
Potraživanja po osnovu subvencija (24.3)	10.572.118	8.568.834
Potraživanja po osnovu izdvajanja Elektroprijenosa (24.4)	1.044.543	2.104.597
Potraživanja od institucija	736.217	820.887
Sumnjiva i sporna ostala potraživanja	3.985	3.985
Utružena ostala potraživanja	146.086	147.545
Ispravka vrijednosti ostalih potraživanja (24.3)	(9.086.504)	(7.143.035)
Ostala potraživanja	1.310.986	606.683
	<b>30.382.976</b>	<b>38.842.995</b>
<b>Ostala imovina</b>		
Potraživanja za date avanse (24.5)	76.423.979	30.725.865
Ispravka vrijednosti potraživanja za date avanse – RMU Zenica (24.5)	(475.503)	(475.503)
Ispravka vrijednosti potraživanja za date avanse – MSFI 9 (24.5)	(1.845.037)	(831.989)
Ukalkulisani prihodi (24.6)	8.774.415	7.711.588
Unaprijed plaćeni troškovi i razgraničenja	2.982	1.191
	<b>82.880.836</b>	<b>37.131.152</b>
	<b>113.263.812</b>	<b>75.974.147</b>

**24.1** Potraživanja za ulazni PDV (privremeno neodbitan) se odnose na: PDV kod faktura koje se evidentiraju na razgraničenjima (npr.faktura dostavljena u jednom mjesecu, a odnosi se na isporuku roba, usluga i/ili radova koje su izvršene u prethodnom mjesecu), plaćanja PDV-a po carinskim deklaracijama za uvoz robe, PDV na avansna plaćanja dobavljačima (dok se Društvu ne dostavi avansna faktura) i sl.

**24.2** Saldo na dan 31.12.2024. godine u iznosu od 13.248.874 KM predstavlja sve uplate po osnovu akontacija za porez na dobit, izvršene u toku 2023. i januaru 2024. godine, za šta je Porezna uprava FBiH dostavila Rješenje o utvrđivanju više uplaćenih javnih prihoda (br. 13-9/3-12-6-15619/24) u iznosu 13.248.874 KM. Zbog dodatno utvrđenih poreznih obaveza u iznosu 2.234.506 KM (objašnjeno u dijelu III.8 Vanjska revizija i inspekcijски organi), Društvo je predložilo da se ova dva iznosa prebiju, nakon čega je FMF dana 12.05.2025. godine dostavilo dopis br. 07-11-4-5-506/25 A.Ć. u kojem se navodi da se Društvu utvrđuje pravo na povrat više uplaćenih novčanih sredstava u iznosu od 11.014.369 KM.

Dana 12.05.2025. godine Društvo je potpisalo Sporazum o izmirenju duga 07-11-4-5-506/25, po čemu će se dug izmiriti u dvije rate 5.248.875 KM i 5.765.494 KM. Dana 25.06.2025. godine, Društvo je naplatilo prvu ratu u iznosu od 5.248.875 KM. Stoga saldo potraživanja na dan 31.12.2025. godine iznosi 8.000.000 KM. Napominjemo da je, nakon sačinjavanja finansijskih izvještaja za 2025. godinu,

dana 27.02.2026. godine naplaćena i druga rata. Kako je navedeno u dijelu III.8, obzirom da još uvijek traje spor pred Kantonalnim sudom u vezi dodatno utvrđenih obaveza u iznosu 2.234.506 KM, taj iznos će ostati nerasknjižen na poziciji *Potraživanja za plaćenu akontaciju poreza na dobit*, dok se spor ne okonča.

**24.3** Vlada FBiH je 2011. godine donijela Odluku o provedbi mjera za smanjenje troškova električne energije kućanstvima i stimulaciju energetske efikasnosti – u daljem tekstu Odluka o subvencijama (Sl.novine FBiH 44/11, 8/12, 96/12, 100/13, 75/14, 101/15, 52/16, 01/17, 55/17, 99/17, 54/18, 104/18, 55/19, 99/19, 51/20, 96/20, 55/21, 106/21, 61/22, 55/23, 61/24, 95/25) kojom je određeno da se za kupce električne energije iz kategorije domaćinstava, koji ostvaruju pravo na najniži nivo penzije koju je u tekućem mjesecu isplatio Federalni zavod MIO/PIO, primjenjuje oblik smanjenja troškova za električnu energiju na način da se potrošnja ispod 268 kWh subvencionira u skladu sa navedenom Odlukom. Članom 5. Odluke o subvencijama određeno je da će se razlika sredstava po novom obračunu obezbjediti iz ostvarene dobiti Društva i to iz dijela koji pripada Vladi FBiH.

U skladu sa posljednjom Odlukom o izmjeni Odluke o subvencijama (Sl.novine FBiH 95/25), subvencije će se iskazivati na računima koji će se izdavati do 30.06.2026. godine.

U 2024. i 2025. godini, Društvo je na teret rashoda ispravilo sve subvencije starije od godinu dana. Za 2025. godinu, po tom osnovu rashode je teretilo 1.944.928 KM (2024. godina: 2.196.975 KM), što je prikazano u **Bilješci 8.5**). Od ukupnog iznosa ispravke vrijednosti od 9.086.504 KM, iznos od 8.568.835 KM se odnosi na subvencije, dok se 517.671 KM odnosi na ostala potraživanja. Subvencije za koje je izvršena ispravka vrijednosti datiraju iz 2022., 2023. i 2024. godine.

Društvo se u više navrata obraćalo prema FMERI, FMF, Federalnom ministarstvu rada i socijalne politike te Vladi FBiH, sa molbom da se izmijeni i produži Odluka o subvencijama, te da se izvrši isplata po osnovu potraživanja za subvencije. U decembru 2025. godine u Službenim novinama FBiH broj 95/25 objavljena je izmjena *Odluke o subvencijama*, u kojoj je, između ostalog, definisano sljedeće:

*"Ukupan iznos subvencija iz tačke IV. obezbijediće se iz Budžeta Federacije Bosne i Hercegovine za godinu koja slijedi nakon godine u kojoj su subvencije realizovane.*

***Sva neisplaćena potraživanja, po osnovu odobrenih subvencija krajnjim kupcima električne energije, koja JP Elektroprivreda BiH d.d. - Sarajevo i JP Elektroprivreda HZ HB d.d. Mostar imaju od Vlade Federacije Bosne i Hercegovine u periodu od 01.01.2022. do 31.12.2024. godine, će biti isplaćena iz Budžeta Federacije Bosne i Hercegovine za 2026. godinu."***

Društvo se dana 04.02.2026. godine obratilo Vladi FBiH, FMERI i FMF sa zahtjevom za isplatu subvencija u skladu sa izmjenjenom *Odlukom o subvencijama*. U odgovoru FMERI (dopis br. 05-11-1-224/26 od 09.03.2026. godine) navedeno je da je ovo ministarstvo u augustu 2026. godine dostavilo prijedlog budžeta za 2026. godinu, u kojem **nisu planirana sredstva za provođenje predmetne Odluke**. Također je navedeno da je FMERI provelo konsultacije sa FMF u vezi provedbe navedene Odluke, te da će se u narednom periodu intenzivirati aktivnosti kako bi se osigurala finansijska sredstva za provođenje Odluke putem nadležnog ministarstva.

U toku izrade ovog izvještaja, dana 07.04.2026. godine, Društvo je uputilo dopis br. 01-04-10563-1/2 prema Vladi FBiH, FMERI i Federalnom ministarstvu rada i socijalne politike. U dopisu se navodi da iznos subvencija u iznosu 10.572.118 KM u značajnoj mjeri opterećuje poslovanje Društva, te poziva Vladu FBiH da u saradnji sa nadležnim ministarstvima izvrši isplatu odobrenih subvencija iz perioda 2022. – 2025. godina. Također se navodi da, **ukoliko najkasnije do 30.06.2026. period primjene Odluke o subvencijama ne bude produžen, Društvo će, počev od 01.07.2026. godine, biti prinuđeno da obustavi odobravanje subvencija korisnicima koji su u skladu sa Odlukom koristili to pravo.**

**24.4** Nakon izdvajanja Elektroprijenosa iz Društva početkom 2006. godine, sve obaveze po kreditima (koje su nastale do datuma izdvajanja) koje su se odnosile na Elektroprijenos, Društvo je nastavilo da otplaćuje. Za iznose izmirenih anuiteta (za dio kredita koji se odnose na Elektroprijenos) Društvo priznaje potraživanja od Elektroprijenosa (za koje ispostavlja knjižne obavijesti) i ista se izmiruju putem kompenzacija (obaveze Društva prema Elektroprijenosu po fakturama za usluge prijenosa električne energije se kompenziraju sa potraživanjima Društva po osnovu otplaćenih anuiteta).

Osim potraživanja po osnovu otplaćenih anuiteta, Društvo ispostavlja knjižne obavijesti prema Elektroprijenosu i za troškove vode, odvoza smeća i telefona (zbog zajedničkog korištenja poslovnih prostorija u PTZ u ulici Vilsonovo šetalište 15. Sarajevo).

**24.5** Potraživanja za date avanse se najvećim dijelom odnose na avanse date ZD rudnicima:

	<b>31.12.2025</b>	<b>31.12.2024</b>
RMU Breza	24.930.486	5.696.542
Rudnici Kreka	23.794.626	9.357.446
RMU Kakanj	22.847.300	10.541.269
RMU Abid Lolić	2.507.444	2.393.873
RMU Đurđevik	1.072.285	7.280
RMU Zenica*	969.866	725.828
<b>Rudnici</b>	<b>76.122.007</b>	<b>28.722.238</b>
Eldis Tehnika	-	1.120.000
Ostali	2.665.840	4.747.541
<b>Ukupno avansi sa PDV</b>	<b>78.787.847</b>	<b>34.589.779</b>
<i>PDV</i>	<i>(2.363.868)</i>	<i>(3.863.914)</i>
<b>Ukupno avansi bez PDV</b>	<b>76.423.979</b>	<b>30.725.865</b>
Ispravka vrijednosti – RMU Zenica	(475.503)	(475.503)
Ispravka vrijednosti - MSFI 9	(1.845.037)	(831.989)
<b>Potraživanja za date avanse - neto</b>	<b>74.103.439</b>	<b>29.418.373</b>

\* *Saldo bruto potraživanja od RMU Zenica na dan 31.12.2025. iznosi 969.866 KM. Uzimajući u obzir ispravku vrijednosti urađenu po korekciji finansijskih izvještaja za 2023. godinu (475.503 KM), te ispravku vrijednosti po MSFI 9 za 2025. godinu (12.058 KM), neto vrijednost potraživanja za date avanse od RMU Zenica iznose 482.305 KM na dan 31.12.2025. godine.*

Zbog odluke o trajnoj obustavi rudarskih radova, **skrećemo pažnju Društvu da je u skladu sa MSFI 9 Finansijski instrumenti potrebno izvršiti umanjjenje potraživanja od RMU Zenica za koja postoji značajna neizvjesnost u pogledu naplate.**

Od ukupnih bruto potraživanja od ZD rudnika od 76.122.007 KM, 98% odnosno 74.367.007 KM su potraživanja starosti do godinu dana, dok je 2% odnosno 1.755.000 KM starije od godinu dana. Potraživanja starija od godinu dana se odnose na RU Kreka.

Društvo je na potraživanja za date avanse obračunalo ispravku vrijednosti po MSFI 9, u iznosu 1.845.037KM, koristeći diskontnu stopa od 2,5%. Više detalja o primjeni MSFI 9 u **Bilješci 17.**

**24.6** Ukalkulisani prihodi po osnovu nefakturisane el.energije (Cut Off) - Očitavanje brojila kod domaćinstava se vrši kontinuirano tokom cijelog mjeseca, po unaprijed pripremljenim planovima očitavanja (očitački hodovi). Očitavanja su planirana takvom dinamikom da se kupcima struja očitava uvijek isti dan, te je tako i period obračuna uvijek isti. Obzirom na veliki broj kupaca – na dan 31.12.2025. godine bilo je 750.307 kupaca (31.12.2024. godine – 741.434 kupac), ne postoji mogućnost očitavanja brojila za jedan dan uz postojeće ljudske resurse. Shodno tome, u Društvu se vrši procjena prihoda po osnovu isporučene električne energije koji su nastali u decembru, ali za koje se fakture izdaju u januaru

naredne godine.

Društvo je na dan 31.12.2025. godine izvršilo procjenu prihoda u ukupnom iznosu od 8.774.415 KM i iste evidentiralo na kontu 28100000 *Obračunata potraživanja koja nisu mogla biti fakturisana*.

## 25. Kapital

	31.12.2025.	31.12.2024.
<b>Dionički kapital</b>	<b>2.236.964.411</b>	<b>2.236.964.411</b>
<b>Rezerve</b>	<b>370.340.874</b>	<b>431.294.539</b>
<b>(Akumulirani gubitak) / Neraspoređena dobit</b>	<b>(50.476.632)</b>	<b>(60.953.664)</b>
Akumulirana, neraspoređena dobit ranijih godina	-	-
(Gubitak) / dobit tekućeg perioda	(50.476.632)	(60.953.664)
	<b>2.556.828.653</b>	<b>2.607.305.286</b>

Prema posljednjem Izvodu iz sudskog registra koji nam je dostavljen (broj 065-0-RegZ-25-014834 od 28.11.2025. godine) vrijednost upisanog kapitala iznosi 2.236.964.411 KM, što odgovara iznosu evidentiranom u finansijskim izvještajima za godinu koja završava 31.12.2025. godine.

Prema Odluci o pokriću gubitka za 2024. godinu, usvojenoj od strane Skupštine Društva na 88. sjednici održanoj 26.06.2025. godine, gubitak u iznosu od 60.953.664 KM se pokriva na teret fonda rezervi. Prema Zakonu o privrednim društvima, član 180., stav 3., fond rezervi dioničkog društva iznosi najmanje 25% osnovnog kapitala dioničkog društva. Na dan 31.12.2025. godine, rezerve čine 17% dioničkog kapitala (31.12.2024. godine: 19%), **što je niže od zakonski propisanog minimuma**.

Na dan 31.12.2025. godine, efekti promjene aktuarskih pretpostavki (**Bilješka 28.1**) u iznosu 1.919.725 KM su evidentirani na kontima 34000030 i 35000010, u okviru klase 3 *Kapital*.

## 26. Obaveze po dugoročnim kreditima

	31.12.2025.	31.12.2024.
<b>Obaveze za dugoročne kredite u zemlji</b>		
Obaveze za dugoročne kredite u zemlji	-	-
Tekuće dospjeće obaveza za dugoročne kredite iz zemlje	-	14.127.900
Ukalkulisane kamate	-	19.638
	-	<b>14.147.538</b>
<b>Obaveze za dugoročne ino kredite</b>		
Obaveze za dugoročne ino kredite	88.961.716	108.942.400
Tekuće dospjeće obaveza za dugoročne ino kredite	18.995.226	20.225.660
Ukalkulisane kamate	558.060	625.988
	<b>108.515.002</b>	<b>129.794.048</b>
<b>Obaveze po osnovu stambenih kredita</b>		
Obaveze po osnovu stambenih kredita	-	3.894
Tekuće dospjeće obaveza po osnovu stambenih kredita	3.840	8.563
	<b>3.840</b>	<b>12.457</b>
	<b>108.518.842</b>	<b>143.954.043</b>

Dospjeće obaveza po dugoročnim kreditima može se prikazati kako slijedi:

JP ELEKTROPRIVREDA BIH D.D. – SARAJEVO  
REVIZIJA GODIŠNJEG OBRAČUNA ZA 2025. GODINU

	<b>31.12.2025.</b>	<b>31.12.2024.</b>
Do jedne godine (uključujući ukalkulisanu kamatu)	19.557.126	35.007.749
Preko jedne godine	88.961.716	108.946.294
<b>Ukupno</b>	<b>108.518.842</b>	<b>143.954.043</b>

Detaljni prikaz obaveza za dugoročne kredite iz inostranstva je dat u nastavku:

Kreditor i oznaka kredita	Valuta	Kamatna stopa	31.12.2025.		31.12.2024.	
			KM	Valuta	KM	Valuta
<b>Konzorcij banaka: ASA banka, Intesa SanPaolo banka i NLB banka</b>						
Avans za izradnju Bloka 7	BAM	2,80%+ 6M EURIBOR	-	-	14.127.900	14.127.900
			-	-	<b>14.127.900</b>	<b>14.127.900</b>
<b>International Development Agency</b>						
IDA 3071	SDR	0,75%	3.306.072	1.452.905	5.603.278	2.283.124
IDA 3534	SDR	0,75%	288.610	126.834	400.215	163.072
IDA 41970	SDR	6M EUR Libor + 1%	848.069	372.697	2.743.991	1.118.073
			<b>4.442.751</b>		<b>8.747.484</b>	
<b>European Investment bank, BBI banka, UniCredit bank</b>						
EIB 23871*	EUR	3,345% - 4,529%	36.447.159	18.635.135	39.758.415	20.328.154
			<b>36.447.159</b>		<b>39.758.415</b>	
<b>Ostali kreditori</b>						
Japan Bank for International Cooperation KfW, BMZ 2012 67 103; Vjetropark Podveležje	JPY	0,75%	5.238.070	491.392.764	6.056.247	509.592.496
KfW SCADA/EMS/OMS	EUR	1,85 % - 4% cca. 4-5%	58.745.270	30.035.979	70.494.324	36.043.175
			3.083.692	1.576.667	4.111.589	2.102.222
			<b>67.067.032</b>		<b>80.662.160</b>	
<b>Ukalkulisana kamata</b>			558.060		645.626	
			<b>108.515.002</b>		<b>143.941.585</b>	

\* Kredit se sastoji od 7 tranši, od kojih svaka ima različitu kamatnu stopu

Dana 29.12.2025. godine potpisan je Ugovor o otkupu potraživanja između Vlade FBiH, Društva i UniCredit bank, čime je UniCredit banka otkupila nedospjela potraživanja po osnovu kredita 23.871 BA od Vlade FBiH, i to tranše D, E, F i G. Potpisani ugovor ne utiče na ukupan iznos obaveze koju Društva ima po ovom kreditu.

Dana 27.11.2025. godine potpisan je Ugovor o otkupu potraživanja između Vlade FBiH, Društva i Bosnia bank international, čime je BBI banka otkupila nedospjela potraživanja po osnovu kredita 23.871 BA od Vlade FBiH, i to tranšu B. Potpisani ugovor ne utiče na ukupan iznos obaveze koju Društva ima po ovom kreditu.

Izvršili smo uvid u ovjerene IOS-e sa FMF (preko kojeg se vode krediti iz inostranstva, osim onih koji su otkupljeni), UniCredit bank i BBI bankom, na dan 31.12.2025. godine, i isti su usaglašeni.

Prema podacima dostavljenim od strane Jedinice za implementaciju projekata – PIU i Sektora za upravljanje finansijama, Društvo na dan 31.12.2025. godine ima odobrene, a nepovučene sljedeće kredite:

Kreditor i oznaka kredita	Val.	Iznos kredita u valuti	Iznos povučen do 31.12.2025. (KM)	Ukupan iznos nepovučenih kredita na dan 31.12.2025. (KM)	Krajnji datum do kojeg se sredstva mogu povući
1. EIB, kredit br. 82.304 (BA), Pametna mjerila za distribucije/rekonstrukcija i izgradnja el.en.objekata	EUR	15.000.000	-	29.337.450	31.12.2027.
2. EBRD, kredit br: 53.198, FNE Gračanica 1&2	EUR	25.100.000	-	49.091.333	31.12.2026.
3. UniCredit Bank d.d. Mostar, kredit br: 19000105-DK-1/24, FNE Gračanica1&2	KM	29.337.450	-	29.337.450	31.12.2026.
4. EIB, kredit br. 91812 (BA), Projekat izgradnje VE Vlašić	EUR	36.000.000	-	70.409.880	17.04.2028.
5. EBRD, kredit br: 54.685 - Tranša 1 (3 FNE)	EUR	15.000.000	-	29.337.450	25.02.2028.
6. Raiffeisen bank BiH, broj elektronskog ugovora o kreditu: 09297/2025 - Tranša 1 (3 FNE)	KM	16.350.739	-	16.350.739	31.12.2027.
7. EBRD, kredit br: 54.685 - Tranša 2 (5 FNE)	EUR	35.000.000	-	68.454.050	25.02.2029.
8. Raiffeisen bank BiH, broj elektronskog ugovora o kreditu: 09297/2025 - Tranša 2 (5 FNE)	KM	27.800.168	-	27.800.168	31.12.2027.
				<b>320.118.519</b>	

Prema podacima iz PIU

1. Rok raspoloživosti sredstava kredita je Amandmanom br. 3 na Ugovor o kreditu (kojim je izvršena prenamjena sredstava kredita) produžen do 31.12.2027.godine. Parlamentarna skupština je 17.12.2025. godine dala saglasnost za ratifikaciju Amandmana br. 3, a Odluka o ratifikaciji je u proceduri donošenja od strane Predsjedništva BiH.

2. Pokrenute su aktivnosti sa FMF u vezi sa definisanjem novog datuma raspoloživosti kredita (ističe 17.04.2028. godine.), te je predloženo produženje za dvije godine.

5., 6., 7. i 8. Ugovori o kreditu potpisani 30.12.2025. godine. Sredstva Tranše 2 kredita će biti raspoloživa nakon što banke dostave obavještenje o raspoloživosti sredstava.

Društvo je po nepovučenim kreditima EBRD br. 53.198 i UniCredit Bank d.d. Mostar br: 19000105-DK-1/24, u toku 2025. godine, platilo **395.370 KM** kreditorima po osnovu **naknade za nepovučena sredstva**. Krediti EBRD br: 54.685 (tranša 1 i 2), te Raiffeisen bank BiH broj 09297/2025 (tranša 1 i 2) su zaključeni u decembru 2025. godine. **Ukoliko Društvo ne izvrši povlačenje sredstava tokom 2026. godine, iznos ove naknade za nepovučena sredstva će biti dodatno povećana**, s obzirom da će se obračun vršiti i na kredite zaključene u decembru 2025. godine.

## 27. Obaveze po najmovima

	31.12.2025.	31.12.2024.
Dugoročne obaveze po najmovima	225.538	664.309
Tekuće dospjeće obaveza za najmove	432.085	418.753
	<b>657.623</b>	<b>1.083.062</b>

Obaveze po najmovima se odnose na 27 ugovora o operativnom najmu za 37 vozila. Ugovori su zaključeni sa Porsche leasing d.o.o. Sarajevo, Una Auto d.o.o. Bihać, Guma-m d.o.o. Mostar, Guma X

d.o.o. Mostar, Sparkasse Leassing d.o.o. Sarajevo i Porsche Inter Auto BH d.o.o. Sarajevo, na period od 3 i 4 godine.

## 28. Dugoročna rezervisanja

	31.12.2025.	31.12.2024.
Rezervisanja za primanja zaposlenih u skladu sa MRS 19 (28.1)	49.366.233	42.880.984
Rezervisanja za demontažu (28.2)	17.453.892	16.470.293
Rezervisanja za sudske sporove (28.3)	45.844.912	49.181.149
	<b>112.665.037</b>	<b>108.532.426</b>

### 28.1 Primanja zaposlenih u skladu sa MRS 19

Društvo je na osnovu *Obračuna rezervacija za dugoročne obaveze za JP Elektroprivreda BiH d.d. Sarajevo*, sačinjenog od strane ovlaštenog aktuara, izvršilo rezervisanja za primanja zaposlenih u ukupnom iznosu od 49.366.233 KM. Aktuar je prilikom obračuna koristio diskontnu stopu od 4% (obračun 2024. godine: 4%).

U nastavku dajemo pregled kretanja rezervisanja za primanja zaposlenih:

<b>Početno stanje (31.12.2024. godine)</b>	<b>42.880.984</b>
<b>Povećanje rezervisanja</b>	<b>11.056.581</b>
<i>Troškovi kamata (Bilješka 8.)</i>	1.715.239
<i>Troškovi tekućeg rada (Bilješka 8.)</i>	3.677.201
<i>Aktuarski gubici - prilagođavanje iskustva (Bilješka 8.)</i>	7.583.866
<i>Aktuarski dobici - prilagođavanje iskustva (Bilješka 2.)</i>	-
<i>Aktuarski dobici - promjena pretpostavki (Bilješka 25.)</i>	(1.919.725)
<b>Otpuštanje rezervisanja</b>	-
<b>Smanjenje - isplata</b>	<b>(4.571.332)</b>
<b>Krajnje stanje (31.12.2025. godine)</b>	<b>49.366.233</b>

### 28.2 Demontaža objekata

U skladu sa odredbama MRS 16 *Nekretnine, postrojenja i oprema*, jedan od elemenata nabavne vrijednosti nekretnina, postrojenja i oprema je i procijenjeni trošak za demontažu i uklanjanje sredstva i uređenje lokacije.

Društvo je u toku 2010. godine prvi put procijenilo troškove demontaže termoenergetskih postrojenja u TE Tuzla i TE Kakanj. Kao što je navedeno u **Bilješci 5.**, Društvo je u 2024. godini izvršilo izmjenu vijekova korištenja stalnih sredstava u termoelektranama, te je izvršena i ponovna procjena troškova demontaže. U 2025. godini nije vršena nova procjena.

	TE Tuzla	TE Kakanj	Ukupno
<b>Početno stanje (31.12.2024. godine)</b>	<b>13.624.290</b>	<b>2.846.003</b>	<b>16.470.293</b>
Povećanje rezervisanja ( <i>Bilješka 8.</i> )	681.219	302.380	983.599
<b>Krajnje stanje (31.12.2025. godine)</b>	<b>14.305.509</b>	<b>3.148.383</b>	<b>17.453.892</b>

Revizorskim procedurama utvrđeno je da je u podružnici TE Kakanj evidentiran veći iznos troškova rezervisanja za demontažu u odnosu na iznos koji je utvrđen obračunom izvršenim od strane Društva. Razlika iznosi 160.080 KM, zbog čega su rashodi i finansijski rezultat za godinu koja završava

31.12.2025. godine precijenjeni za navedeni iznos. Društvo je izvršilo korekciju evidentirane razlike u poslovnim knjigama za 2026. godinu.

**Skrećemo pažnju Društvu da knjiženje rezervisanja za demontažu vrši u skladu sa obračunom koji se sačinjava prilikom izrade finansijskih izvještaja.**

### 28.3 Sudski sporovi

U skladu sa MRS 37 Rezervisanja, potencijalne obaveze i potencijalna imovina te Odlukom o primjeni MRS 37 procjena rezervisanja za sudske sporove se vrši na kraju svakog izvještajnog perioda.

Izvršna direktorica za ekonomske poslove i Izvršna direktorica za pravne poslove i ljudske resurse su Upravi Društva dostavile *Informaciju za rezervisanje po sudskim sporovima*, broj 06-1-1851-1/2026 od 20.01.2026. godine (sastavni dio Informacije su Tabela 1. *Pregled pravnih sporova u kojima je Društvo tužena strana* i Tabela 2. *Pregledna tabela rezervisanja* na dan 31.12.2025. godine). U *Informaciji* je navedeno da se Upravi Društva predlaže da se za tekuću godinu izvrši rezervisanje sredstava u iznosu od 8.437.931 KM. Uprava Društva je usvojila navedenu Informaciju na 221. sjednici, održanoj 21.01.2026. godine.

U Tabeli 1. *Pregled pravnih sporova u kojima je Društvo tužena strana* navedeno je da je protiv Društva pokrenuto ukupno 330 sporova u ukupnom iznosu od 200.040.521 KM.

Na osnovu podataka iz Tabele 2. *Pregledna tabela rezervisanja* na dan 31.12.2025. godine, kao i podataka iz Bruto bilansa na dan 31.12.2025. godine sačinili smo tabelu kretanja rezervisanja za sudske sporove i istu dajemo u nastavku:

<b>Početno stanje (31.12.2024. godine)</b>	<b>49.181.148</b>
Povećanje rezervisanja	8.437.931
Otpuštanje kroz prihod	(10.857.732)
Smanjenje – isplata	(916.435)
<b>Krajnje stanje (31.12.2025. godine)</b>	<b>45.844.912</b>

Povećanje rezervisanja i otpuštanje kroz prihod su u finansijskim izvještajima prikazani u neto iznosu od 2.419.801 KM, u okviru **Bilješke 8.1**.

Uvidom u pregled sudskih sporova pokrenutih protiv Društva sa stanjem na dan 31.12.2025. godine, dostavljenom od strane Sektora za pravne poslove, konstatovali smo da se najveći spor odnosi na tužitelja Jadran Kapital d.d. Split i drugi (vrijednost spora 125.000.000 KM). Dana 10.02.2023. godine Općinski sud u Sarajevu je donio presudu kojom se odbija tužbeni zahtjev tužitelja. Jadran kapital je podnio žalbu protiv presude Općinskog suda u Sarajevu, ali je Kantonalni sud u Sarajevu dana 18.02.2026. godine odbio žalbu kao neosnovanu, te potvrdio prvostepenu presudu.

Drugi po redu najveći spor odnosi se na arbitražni spor koje protiv Društva vodi tužitelj Konzorcij Strabag AG Austrija i Končar d.d. Zagreb. Vrijednost arbitražnog spora je 20.076.946 EUR odnosno 39.267.093 KM. Društvo je u vezi ovog spora u ranijem periodu naplatilo avansnu garanciju u iznosu od 5.740.229 EUR odnosno 11.226.911 KM (**Bilješka 33.**). Odluka arbitražnog vijeća je donesena krajem decembra 2021. godine i ista je donesena u korist tužitelja. U periodu od 2022. – 2025. godine, **Društvo je rezervisalo ukupno 35.327.381 KM** na teret rashoda po ovom sporu.

Nakon donošenja arbitražne odluke, Društvo je pred sudom u Briselu pokrenulo postupak za njeno poništenje, ali su zahtjevi odbijeni i u prvostepenom i u vanrednom postupku. Društvo je sačinilo podnesak Evropskom sudu za ljudska prava 10.06.2025. godine, koji je odbijen 10.10.2025. godine.

**Time su iscrpljena sva pravna sredstva u Belgiji i pred Evropskim sudom za ljudska prava**, te je prestala potreba za ranije angažovanim advokatskim uredom Monard Law.

Radi izvršenja arbitražne odluke u BiH, JV Strabag/Končar je u decembru 2024. godine pokrenuo postupak priznanja i izvršenja pred nadležnim sudom u Sarajevu. Kako bi osporio izvršenje arbitražne odluke, Društvo je sačinilo podnesak kojim osporava pravo na priznanje arbitražne odluke, navodeći grubo kršenje temeljnih pravnih načela. **Kantonalni sud u Sarajevu je Rješenjem od 15.12.2025. godine priznao konačnu arbitražnu odluku ICC-a od 27.12.2021. godine**, uz obrazloženje da nije došlo do povrede javnog poretka BiH.

Protiv navedenog Rješenja moguće je izjaviti žalbu Vrhovnom sudu Federacije BiH, koja odlaže izvršenje arbitražne odluke. Advokatski ured je pripremio i blagovremeno podnio žalbu, a postupak pred Vrhovnim sudom je u toku. **Ukoliko Vrhovni sud Federacije BiH ne uvaži žalbu Društva, postoji visok rizik po likvidnost Društva, imajući u vidu da bi Društvo bilo obavezno izmiriti obaveze po predmetnom sudskom sporu u iznosu od 39.267.093 KM, uvećanom za pripadajuću zakonsku zateznu kamatu (po stopi od 10% ili 12% godišnje)**. Na dan 31.12.2025. godine Društvo ima evidentiran iznos 35.327.381 KM na rezervisanjima za sudske sporove. Pored toga, na poziciji odgođenog prihoda je evidentirano 11.226.911 KM (naplata avansne garancije po predmetnom sporu).

## 29. Odgođeni prihod

	31.12.2025.	31.12.2024.
Odgođeni prihod za donirana sredstva	46.137.445	50.522.684
Ostali odgođeni prihod	698.791	713.041
	<b>46.836.236</b>	<b>51.235.725</b>

U praksi se dešavaju situacije u kojima treća lica izgrade elektroenergetske objekte (EEO), nakon čega takvi objekti budu donirani Društvu, od strane trećih lica, pri čemu Društvo preuzima obavezu njihovog održavanja. Društvo može preuzeti sredstva po osnovu potpisanih sporazuma o preuzimanju EEO ili sporazuma o zajedničkom ulaganju. U Društvu se, tako preuzeti EEO, knjigovodstveno evidentiraju u okviru nekretnina, postrojenja i opreme (**Bilješka 10.**) i odgođenog prihoda. Prilikom evidentiranja preuzetih EEO, posebno se evidentiraju: građevine, oprema, te materijal. Prihod u bilansu uspjeha (**Bilješka 2.**) se priznaje ravnomjerno shodno vijeku trajanja preuzetog EEO.

## 30. Obaveze prema dobavljačima

	31.12.2025.	31.12.2024.
Obaveze prema dobavljačima u zemlji	45.910.496	38.530.108
Obaveze prema dobavljačima - povezana društva	10.318.314	6.771.695
Obaveze prema dobavljačima u inostranstvu	2.607.203	1.067.315
	<b>58.836.013</b>	<b>46.369.118</b>

U skladu sa članom 23. Zakona o RiR, Društvo nije slalo IOS-e dobavljačima, ali je vršilo usaglašavanja stanja sa dobavljačima od kojih je IOS primljen. Metodom uzorka (18% salda) utvrdili smo da je testirani iznos obaveza prema dobavljačima u zemlji usaglašen.

### **Obaveze prema dobavljačima - povezana društva**

Iskazani saldo na dan 31.12.2025. godine u iznosu od 10.318.314 KM se odnosi na obaveze prema sljedećim povezanim licima:

	<b>31.12.2025.</b>	<b>31.12.2024.</b>
RU Kreka	1.573.604	1.921.457
RU Gračanica	769.415	275.245
RMU Abid Lolić	450.994	14.525
RMU Đurđevik	290.272	863.947
RMU Kakanj	72.971	1.041.041
RMU Zenica	-	25.004
RMU Breza	-	-
<b>Rudnici</b>	<b>3.157.256</b>	<b>4.141.219</b>
Iskraemeco	6.323.730	777.336
Eldis Tehika	695.637	1.853.140
TTU energetik	141.691	-
GEOLP	-	-
<b>Ostali</b>	<b>7.161.058</b>	<b>2.630.476</b>
	<b>10.318.314</b>	<b>6.771.695</b>

Društvo je dostavilo izvode otvorenih stavki (IOS-i) zavisnim društvima sa stanjem na dan 31.12.2025. godine po osnovu potraživanja za date avanse i po osnovu obaveza, u neto iznosu (obaveze prema dobavljačima umanjene za potraživanja za avanse).

Uvidom u IOS-e dostavljene ZD zapazili smo da su sa svim zavisnim društvima na dan 31.12.2025. godine usaglašene obaveze prema dobavljačima i potraživanja za date avanse, osim za:

- RMU Zenica – na IOS-u je navedeno da prebijeni iznos potraživanja za date avanse i obaveza treba biti veći za 191.109 KM (ista razlika navedena u IOS-u za porezni kredit, **Bilješka 17.1**, ista razlika je konstatovana i na dan 31.12.2024. godine). U komentarima na nacrt Izvještaja o internoj reviziji godišnjeg obračuna za 2025. godinu (sačinjenog od strane Odjela za internu reviziju), ID za ekonomske poslove nas je informisala da se razlika odnosi na KO broj 02-01/24 od 31.01.2024. godine koja je nastala zbog toga što je faktura RMU Zenica za januar 2024. godine bila manja od uplaćenih predračuna, te nije bilo mogućnosti da se ista dodatno umanjuje za iznos KO i time zatvori dio potraživanja po osnovu Sporazuma za PDV),
- RU Kreka – na IOS-u je navedeno da su potraživanja za date avanse i obaveze prema dobavljačima neusaglašeni za 200 KM, ista razlika je konstatovana na dan 31.12.2024. godine),
- TTU Energetik – razlika u iznosu od 43.875 KM se odnosi na dvije fakture koje Društvo nije prihvatilo,
- Iskraemeco – obaveze neusaglašene za 111.653 KM, što se odnosi na šest faktura (broj 36 od 26.12.2025. godine, broj 35 od 25.12.2025. godine, broj 30 od 06.11.2025. godine, broj 28 od 23.10.2025. godine, broj 23 od 08.09.2025. godine i broj 10 od 23.04.2025. godine) koje u Društvu nisu evidentirane do 31.12.2025. godine. U komentarima na nacrt Izvještaja o internoj reviziji godišnjeg obračuna za 2025. godinu (sačinjenog od strane Odjela za internu reviziju), ID za ekonomske poslove nas je informisala da je faktura broj 36 Društvu dostavljena 13.02.2026. godine. Za ostale navedene fakture nismo dobili odgovarajuća obrazloženja za neevidentiranje istih.
- Eldis Tehnika – obaveze neusaglašene za 34.915 KM, što se odnosi na deset faktura koje Društvo (ED Sarajevo) nije evidentiralo do 31.12.2025. godine (fakture se odnose na decembar 2025. godine). Nismo dobili odgovarajuća obrazloženja za neevidentiranje faktura u navedenom iznosu.
- RMU Abid Lolić – obaveze neusaglašene za 24.993 KM.

Iz gore navedenog proizilazi da su prilikom usaglašavanja potraživanja i obaveza putem IOS-a sa stanjem na dan 31.12.2025. godine utvrđena određena neslaganja između evidencija Društva i povezanih lica. Dio neslaganja (u dijelu obaveza) proizilazi iz činjenice da Društvo nije prihvatilo određene fakture, te samim tim iste nisu ni trebale biti evidentirane kao obaveza, dok nam za veći dio neslaganja nisu dostavljena odgovarajuća obrazloženja za neevidentiranje faktura.

Za neslaganja stanja potraživanja i obaveza prema povezanim licima (RU Kreka i RMU Abid Lolić), nismo mogli utvrditi uzroke neslaganja.

**Skrećemo pažnju Društvu da je, u cilju pravilnog iskazivanja pozicija u bilansu stanja i bilansu uspjeha, kao i ispravnog vršenja popisa imovine i obaveza sa stanjem na dan 31.12., potrebno da blagovremeno evidentira sve fakture dobavljača po osnovu isporučenih roba/radova/usluga. Zbog činjenice da se određena neslaganja između Društva i povezanih lica ponavljaju (RMU Zenica i RU Kreka), te da sa 31.12.2025. godine postoje neslaganja i sa RMU Abid Lolić, potrebno je najkasnije do 30.06.2026. godine izvršiti identifikaciju uzroka neslaganja, te u skladu sa istim izvršiti odgovarajuća knjigovodstvena evidentiranja.**

### 31. Ostale kratkoročne obaveze

	31.12.2025.	31.12.2024.
Obaveze za primljene avanse	44.897.177	38.218.352
Obaveze za obnovljive izvore energije	9.399.740	8.172.454
Obaveze za PDV	7.876.096	4.224.112
Obaveze za hidroakumulaciju	1.746.875	1.220.116
Obaveze za dividendu	730.982	736.126
Obaveze za naknade (vodoprivredne, šume, zagađenje)	207.567	180.306
Obaveze prema vanjskim članovima (NO, Odbor za reviziju)	23.302	28.209
Ostale obaveze	24.192	277.265
	<b>64.905.931</b>	<b>53.056.940</b>

### 32. Obračunati troškovi

	31.12.2025.	31.12.2024.
Obračunati troškovi poslovanja (32.1)	82.792.045	105.711.909
Ostali obračunati troškovi (32.2)	13.028.116	12.062.400
	<b>95.820.161</b>	<b>117.774.309</b>

#### 32.1 Obračunati troškovi poslovanja

Obračunati troškovi poslovanja odnose se na razne troškove poslovanja (npr. naknade Nezavisnom operator sistemu, troškovi nabavke električne energije, troškovi mrežarine) koji su nastali u decembru 2025. godine, a za koje Društvo nije primilo fakturu dobavljača do 31.12.2025. godine. Također, ovdje su uključene zalihe materijala te oprema koja je isporučena Društvu do 31.12.2025. godine (i za koju je evidentiran ulaz u skladište), a faktura je zaprimljena nakon toga.

U skladu sa članom 23. Zakona o RiR, Društvo nije slalo IOS-e dobavljačima, ali je vršilo usaglašavanja stanja sa dobavljačima od kojih je IOS primljen, između ostalog i sa dobavljačima koji su evidentirani na poziciji "Obračunati troškovi poslovanja". Metodom uzorka (26% salda) utvrdili smo da je testirani iznos obračunatih troškova poslovanja usaglašen.

### 32.2 Ostali obračunati troškovi

	31.12.2025.	31.12.2024.
Rezervisanja za neiskorišteni godišnji odmor	7.394.276	6.718.510
Naknade za zagađenje zraka	3.477.621	3.932.428
Poribljavanje	1.827.171	977.171
Koncesija VE Podveležje	190.010	156.947
Arbitraža	138.440	140.442
Sponzorstvo	-	120.000
Ostalo	598	16.902
	<b>13.028.116</b>	<b>12.062.400</b>

Rezervisanja za neiskorištene godišnje odmore su evidentirana preko povećanja rashoda u iznosu od 743.886 KM (**Bilješka 8.1**), te ostalih prihoda u iznosu od 68.120 KM, što u neto iznosu predstavlja povećanje od 675.766 KM u odnosu na 31.12.2024. godine.

Centralna popisna komisija je u Elaboratu o izvršenom popisu sredstava, potraživanja i obaveza na dan 31.12.2025. godine konstatovala da saldo obračunatih troškova iznosi 13.028.116 KM i dato je pojašnjenje svake stavke. Kao što je navedeno u poglavlju IV.1, Nadzorni odbor je dana 24.02.2026. godine usvojio Elaborat.

### 33. Pasivna vremenska razgraničenja

	31.12.2025.	31.12.2024.
Odloženi prihodi budućeg perioda	13.677.677	13.677.677
	<b>13.677.677</b>	<b>13.677.677</b>

Odloženi prihodi budućeg perioda se najvećim dijelom (82%) odnose na naplaćenu avansnu garanciju u iznosu od 5.740.229 EUR (11.226.911 KM). Naplata garancije je izvršena nakon okončanja sudskog spora koji je Društvo pokrenulo protiv Konzorcija Strabag AG i Končar d.d., a u vezi sa nerealizacijom ugovora za izgradnju HE Vranduk.

Ostatak salda se odnosi na naplatu od društva Junuzović Kopex d.o.o. Lukavac, po presudi Općinskog suda u Tuzli.

### 34. Vanbilansna evidencija

	31.12.2025.	31.12.2024.
Primljena sredstva osiguranja plaćanja	648.187.495	644.448.766
Izdata sredstva osiguranja plaćanja	438.106.384	653.805.385
Odobreni, nepovučeni krediti	320.118.519	107.766.233
Date hipoteke	214.689.000	214.689.000
Sudski sporovi - EP tužena strana	200.040.521	211.019.108
RTV taksa	188.799.856	164.562.939
Nedospjele kamate po reprogramu	35.133.557	39.188.975
Sredstva van upotrebe	31.783.536	19.278.905
Potraživanja za obračunate zatezne kamate	3.901.221	4.301.508

	31.12.2025.	31.12.2024.
Isknjiženo zemljište	1.845.652	1.845.652
Neprodani stanovi	1.458.428	1.483.990
Primljene hipoteke	1.142.948	1.240.003
Brojila u vlasništvu kupca	676.250	718.459
Ostala vanbilansna evidencija	28.156.728	27.272.901
	<b>2.114.040.095</b>	<b>2.091.621.824</b>

## VI RIZICI KOJI UTIČU ILI BI MOGLI UTICATI NA USPJEŠNOST POSLOVANJA DRUŠTVA

U skladu sa članom 104. *Statuta* Društva, pored poslova utvrđenih zakonom i Statutom, Odbor za reviziju, između ostalog, ukazuje na rizike koji bi eventualno mogli uticati na uspješnost poslovanja Društva.

**Odbor za reviziju je identifikovao značajan rizik za novčani tok Društva**, koji proizlazi iz izgubljenog arbitražnog spora sa konzorcijem Strabag-Končar. S obzirom na to da je Kantonalni sud u Sarajevu priznao konačnu arbitražnu odluku u korist tužitelja, sasvim je izvjesno da Društvo u narednom periodu očekuje isplata obaveze od približno 20 miliona EUR, uvećana za pripadajuće zatezne kamate. Prema Planu poslovanja za period 2026–2028. godine, u Predračunu gotovinskih tokova (na poziciji "Ostali odlivi"), za 2026. godinu već je planiran iznos od 40 miliona KM po osnovu ovog spora.

Imajući u vidu da će ovaj odliv, uz dodatak zateznih kamata, čiji tačan iznos na dan izrade ovog Izvještaja nije precizno utvrđen, značajno opteretiti likvidnost Društva, **Odbor za reviziju skreće pažnju Upravi i Nadzornom odboru na neophodnost blagovremenog osiguranja adekvatnih izvora finansiranja za potpuno izmirenje ove obaveze.**

Osim prethodno navedenog rizika, Odbor za reviziju je **posebno identifikovao određene rizike** koji bi, **ukoliko se ne poduzmu odgovarajuće aktivnosti od strane većinskog vlasnika kapitala**, u narednom periodu mogli imati negativan uticaj na likvidnost i poslovanje Društva. Navedeni rizici se odnose na sljedeće:

1. Rizik naplate potraživanja po osnovu subvencija za električnu energiju u skladu sa *Odlukom o provedbi mjera za smanjenje troškova električne energije kućanstvima i stimulaciju energetske efikasnosti u ukupnom iznosu od 10.572.118 KM* (stanje na dan 31.12.2025. godine);
2. Rizik naplate tj. povrata sredstava uplaćenih po osnovu izdavanja garancije po osnovu kreditnog zaduženja Društva kod EXIM banke (za izgradnju Bloka 7 u TE Tuzla) **u ukupnom iznosu od 47.661.298,50 KM**;
3. Naknada štete nastale zbog primjene odluka Vlade FBiH: *Odluka o proglašenju stanja ugrožene sigurnosti snabdijevanja električnom energijom za 2024. godinu* (Sl.novine FBiH broj 94/23) i *Odluka o uvođenju posebnih mjera kontrole cijena snabdijevanja električnom energijom za 2024. godinu* (Sl.novine FBiH broj 96/23);
4. Rizik umanjenja kapitala zbog negativnog poslovanja; te
5. Rizik gubitka imovine zbog aktivnosti koje se provode od strane Odjela za urbanizam i građenje, Službe za katastar Grada Mostar, a kojim je izvršena promjena nosioca prava u katastarskom operatu s Hidroelektrana na Neretvi na JP Elektroprivreda HZ HB d.d. – Mostar.

1. Rizik naplate potraživanja po osnovu subvencija za električnu energiju

Vlada FBiH je 2011. godine donijela Odluku o provedbi mjera za smanjenje troškova električne energije kućanstvima i stimulaciju energetske efikasnosti – u daljem tekstu Odluka o subvencijama (Sl.novine FBiH 44/11, 8/12, 96/12, 100/13, 75/14, 101/15, 52/16, 01/17, 55/17, 99/17, 54/18, 104/18, 55/19, 99/19, 51/20, 96/20, 55/21, 106/21, 61/22, 55/23, 61/24, 95/25) kojom je određeno da se za kupce električne energije iz kategorije domaćinstava, koji ostvaruju pravo na najniži nivo penzije koju je u tekućem mjesecu isplatio Federalni zavod MIO/PIO, primjenjuje oblik smanjenja troškova za električnu energiju na način da se potrošnja ispod 268 kWh subvencionira u skladu sa navedenom Odlukom.

Posljednjom Odlukom o izmjeni Odluke o provedbi mjera za smanjenje troškova električne energije kućanstvima i stimulaciju energetske efikasnosti (Sl.novine FBiH 95/25) definisano je, između ostalog, sljedeće: "Ukupan iznos subvencija iz tačke IV. obezbijediće se iz Budžeta Federacije Bosne i Hercegovine za godinu koja slijedi nakon godine u kojoj su subvencije realizovane." Također, navedeno je da će **sva neisplaćena potraživanja, po osnovu odobrenih subvencija krajnjim kupcima električne energije, koja ima JP Elektroprivreda BiH d.d. - Sarajevo od Vlade Federacije Bosne i Hercegovine u periodu od 01.01.2022. do 31.12.2024. godine, biti isplaćena iz Budžeta Federacije Bosne i Hercegovine za 2026. godinu.** Iako se Društvo u više navrata obraćalo Vladi FBiH, FMERI i FMF sa zahtjevom za isplatu subvencija u skladu sa izmjenjenom Odlukom, te naglašavalo da iznos subvencija u iznosu **10.572.118 KM** u značajnoj mjeri opterećuje poslovanje Društva, do sačinjavanja ovog Izvještaja Društvo nije naplatilo navedena potraživanja.

Prema knjigovodstvenim evidencijama, Društvo ima potraživanja za subvencije od Vlade FBiH kako slijedi:

	<u>31.12.2025.</u>	<u>31.12.2024.</u>
Potraživanja za subvencije	<u>10.572.118</u>	<u>8.568.834</u>

Saldo nenaplaćenih potraživanja za subvencije na dan 31.12.2025. godine se odnosi na sljedeće periode:

2022. godina	4.404.739
2023. godina	2.219.166
2024. godina	1.944.928
2025. godina	2.003.285
	<b>10.572.118</b>

Društvo je posljednji put naplatilo potraživanja za subvencije dana 23.12.2022. godine u iznosu 2.083.759 KM, i ovaj iznos se odnosio na subvencije za 2021. godinu.

U prethodnim godinama **Društvo je na teret rashoda, izvršilo ispravku vrijednosti potraživanja za subvencije u ukupnom iznosu od 8.568.835 KM (stanje na dan 31.12.2025. godine.** U ovaj iznos su uključena potraživanja za subvencije iz 2022, 2023. i 2024. godine. Neispravljena potraživanja na dan 30.04.2026. godine iznose 2.592.373 KM i ista se odnose na potraživanja za subvencije iz 2025. godine (u iznosu od 2.003.285 KM), te za period I – IV 2026. godine (u iznosu od 589.088 KM).

**Ukoliko se ne izvrši isplata iz Budžeta FBiH po osnovu dospjelih, a neisplaćenih potraživanja u skladu sa Odlukom o subvencijama, mišljenja smo da će navedeno imati negativne posljedice po Društvo,** kako na novčani tok, tako i na rashode zbog ispravke vrijednosti nenaplaćenih potraživanja.

**Skrećemo pažnju Upravi Društva da je potrebno utvrditi zastarni rok za potraživanja po osnovu subvencija, te putem IOS-a redovno i blagovremeno vršiti njihovo usaglašavanje. Ukoliko isplata iz Budžeta FBiH ne bude izvršena u razumnom roku, a najkasnije do kraja 2026. godine, Odbor za reviziju preporučuje Upravi da bez odlaganja poduzme odgovarajuće pravne radnje u cilju zaštite interesa Društva, te da se u računovodstvenom tretmanu ovih potraživanja adekvatno primjenjuju odredbe MSFI 9 Finansijski instrumenti.**

**2. Rizik naplate tj. povrata sredstava uplaćenih po osnovu izdavanja garancije**

Društvo se u više navrata obraćalo nadležnim u vezi povrata uplaćene premije i provizije po osnovu Garancije za Blok 7, izdate od strane Federacije BiH u korist EXIM banke Kine. Tako je Društvo u dva navrata **upućivalo zahtjeve prema FMF** (dopis broj 05-11690-1/2024 od 05.04.2024. godine i 05-42746-1/2025 od 03.12.2025. godine) **za povrat uplaćene premije i provizije po osnovu Garancije za Blok 7.** Također, Društvo se sa istim zahtjevom **obraćalo i Premijeru Federacije BiH** (dopis broj 01-07-39767-1/2024 od 06.11.2024. godine).

U dopisima je, između ostalog, navedeno sljedeće:

- da su Vlada FBiH i JP Elektroprivreda BiH d.d. Sarajevo dana 15.10.2019. godine zaključile Ugovor o izdavanju garancije broj 01-05-27461/19 od 23.09.2019. godine na osnovu kojeg je Federacija BiH u korist EXIM banke Kine, izdala Garanciju u svrhu pokrića obaveza JP Elektroprivreda po osnovu Sporazuma o kreditnoj liniji sa Izvozno-uvoznom bankom Kine (EXIM), br. 1530002052017210002 od 27.11.2017. godine za finansiranje Projekta Blok 7 - Termoelektrana Tuzla. Ugovorom o izdavanju garancije je predviđeno da Federacija BiH garantuje za ukupne obaveze JP EP BiH prema Sporazumu o kreditnoj liniji prema EXIM banci Kine;
- da je u skladu sa *Odlukom o izdavanju garancije FBiH u korist EXIM banke Kine za kreditno zaduženje JP EP BiH* od 17.08.2018. (Sl.novine FBiH br. 65/18), JP EP BiH bila u obavezi da izvrši uplatu u korist budžeta Federacije BiH ukupan iznos od 47.661.298,50 KM (premija u iznosu od 39.628.382,00 KM i provizija u iznosu od 8.032.916,50 KM), te da je uplata navedenog iznosa izvršena dana 29.10.2019. godine;
- da je, s obzirom na činjenicu da je usljed neizvršenja obaveza od strane EPC izvođača, dana 18.12.2023. godine došlo do raskida EPC Ugovora, a za čije je finansiranje bio zaključen Sporazum o kreditnoj liniji između JP EP BiH i EXIM banke Kine i da je JP EP BiH u cijelosti otkazala Sporazum o kreditnoj liniji;
- da je EXIM banka Kine dana **07.02.2024. godine** izdala Obavijest o izmirenim svim obavezama od strane JP EP BiH po predmetnom Sporazumu o kreditnoj liniji, te potvrdila da je Sporazum o kreditnoj liniji u potpunosti otkazan i da su **sve obaveze JP EP BiH i Federacije BiH po osnovu Garancije Federacije BiH prestale**, odnosno da se smatra da je Garancija Federacije BiH prestala važiti;
- da nikada nije došlo do povlačenja kreditnih sredstava od strane JP EP BiH po Sporazumu o kreditnoj liniji, da time nije ni nastala bilo kakva obaveza Federacije BiH po osnovu Ugovora o garanciji između Federacije i EXIM banke Kine, te da posljedično tome ne postoji bilo kakav budući rizik po Federaciju BiH prema Ugovoru o garanciji; te
- da JP EP BiH smatra da ima pravo tražiti povrat ukupno uplaćenih sredstava po osnovu uplaćene provizije i premije.

Do sačinjavanja ovog Izvještaja, Društvo nije uspjelo izvršiti povrat uplaćenih sredstava u ukupnom iznosu od 47.661.298,50 KM.

**S obzirom da su sve obaveze po osnovu izdate garancije Federacije BiH u korist EXIM banke Kine za kreditno zaduženje JP EP BiH prestale sa danom 07.02.2024. godine, da se Društvo u više navrata obraćalo nadležnim sa zahtjevom za povrat uplaćenih sredstava, ali da je Društvo i dalje onemogućeno raspolaganje tim sredstvima i ostvarivanje potencijalnog prihoda u vidu kamata na oročenje, Odbor za reviziju preporučuje Upravi Društva da bez odlaganja nastavi s aktivnostima na povratku uplaćenih sredstava, uključujući i razmatranje odgovarajućih pravnih mehanizama.**

3. Naknada štete nastale zbog primjene odluka Vlade FBiH usljed ugroženog snabdijevanja električnom energijom za 2024. godinu

Članom 137. Zakona o električnoj energiji u FBiH (Sl.novine FBiH broj 60/23), definisano je sljedeće:

*"(1) Vlada Federacije može proglasiti stanje ugrožene sigurnosti snabdijevanja usljed poremećaja u isporuci uključujući ekstremni porast cijene i nedovoljnu ponudu električne energije ili nastupanja drugih vanrednih okolnosti koje ugrožavaju sigurnost snabdijevanja.*

*(2) U stanju ugrožene sigurnosti snabdijevanja Vlada Federacije može:*

- a) uvesti mjere ograničenja isporuke, štednje i racionalne potrošnje električne energije,*
- b) propisati posebne uslove proizvodnje, uvoza ili izvoza električne energije,*
- c) propisati način i uslove za formiranje i kontrolu cijena,*
- d) uvesti obavezu isporuke samo određenim korisnicima, ili*
- e) propisati posebne uslove obavljanja elektroenergetskih djelatnosti.*

*(3) Vlada Federacije uvodi i propisuje mjere iz stava (2) ovog člana na način koji izaziva najmanji mogući poremećaj na tržištu električne energije i poslovanje elektroenergetskih subjekata, srazmjerno stepenu ugroženosti snabdijevanja.*

*(4) Vlada Federacije određuje način obezbjeđivanja, odnosno izvore sredstava za naknadu štete koja može nastati za elektroenergetske subjekte koji sprovode mjere iz stava (2) ovog člana, kao i uslove i način raspodjele sredstava po osnovu naknade štete."*

Vlada FBiH je u decembru 2023. godine donijela Odluku o proglašenju stanja ugrožene sigurnosti snabdijevanja električnom energijom za 2024. godinu (Sl.novine FBiH broj 94/23), a nakon toga i Odluku o uvođenju posebnih mjera kontrole cijena snabdijevanja električnom energijom za 2024. godinu (Sl.novine FBiH broj 96/23). Odlukom o uvođenju posebnih mjera kontrole cijena Vlada FBiH je tokom 2024. godine ograničila povećanje cijena snabdijevanja električnom energijom za krajnje kupce do 20% maksimalno u odnosu na prethodnu godinu, pri čemu se isto odnosi na ugovore koji se zaključuju na period do 31.12.2024. godine

U skladu sa tačkom VIII prethodno navedene Odluke, svi snabdjevači su bili dužni kvartalno izvještavati Vladu FBiH o efektima primjene Odluke.

Društvo je u toku 2024. godine i 2025. godine Vladi FBiH i FMERI dostavljalo kvartalne izvještaje tj. analize primjene Odluke o uvođenju posebnih mjera kontrole cijena snabdijevanja električnom energijom za 2024. godinu. U kvartalnim izvještajima, Društvo je navelo da je, zbog primjene navedene Odluke, za I kvartal 2024. godine (dopis broj 01-04-20487-1/24 od 12.06.2024. godine) ostvarilo prihod manji za oko 10,35 miliona KM, za II kvartal 2024. godine (dopis broj 01-04-35725-1/24 od 09.10.2024.

godine) ostvarilo prihod manji za oko 9,33 miliona KM, za III kvartal 2024. godine (dopis broj 01-04-47883-1/24 od 30.12.2024. godine) ostvarilo prihod manji za oko 13,38 miliona KM i za IV kvartal 2024. godine (dopis broj 01-04-11880-1/2025 od 01.04.2025. godine) ostvarilo prihod manji za oko 23,31 miliona KM.

**Do sačinjavanja ovog Izvještaja, Vlada FBiH nije, u skladu sa članom 137. stav (4) Zakona o električnoj energiji odredila način obezbjeđenja, odnosno izvore sredstava za naknadu štete. Imajući u vidu informacije iz kvartalnih izvještaja o efektima primjene Odluke o uvođenju posebnih mjera kontrole cijena snabdijevanja električnom energijom za 2024. godinu, iz kojih proizilazi da je Društvo, u toku 2024. godine, pretrpjelo štetu zbog primjene navedene Odluke (u vidu smanjenih prihoda), Odbor za reviziju preporučuje Upravi Društva da bez odlaganja utvrdi zastarni rok za podnošenje zahtjeva za naknadu štete, te ukoliko Vlada FBiH u međuvremenu ne odredi izvore i način naknade u skladu s čl. 137. st. (4) Zakona, pokrene odgovarajući postupak radi zaštite interesa Društva.**

#### 4. Rizik umanjenja kapitala zbog negativnog poslovanja

Zbog ostvarenih gubitaka u poslovanju za 2023. i 2024. godinu, Skupština Društva je donijela:

- Odluku o pokriću gubitka za 2023. godinu kojom se gubitak od 331.793.812 KM pokriva na teret akumulirane dobiti (u iznosu od 173.931.837 KM) i na teret fonda rezervi (u iznosu od 157.861.975 KM) i
- Odluku o pokriću gubitka za 2024. godinu kojom se gubitak od 60.953.664 KM u cjelosti pokriva na teret rezervi.

Članom 180. Zakona o privrednim društvima definisano je da fond rezervi iznos najmanje 25% osnovnog kapitala dioničkog društva. U slučaju JP EP BiH, **fond rezervi, treba da iznosi minimalno 559.241.103 KM.**

Zbog ostvarenih gubitaka i obaveze pokrivanja istih, **Društvo na pozicijama kapitala nema više iskazanu akumuliranu dobit, a fond rezervi je smanjen na iznos od 370.340.874 KM tj. 16,5 % osnovnog kapitala (stanje na dan 31.12.2025. godine) što je iznos ispod zakonskog minimuma.** S obzirom da je Društvo ostvarilo gubitak i za 2025. godinu u iznosu od 50.476.632 KM, navedeno znači da će, u slučaju usvajanja, od strane Skupštine, odluke o pokriću gubitka na teret rezervi, **fond rezervi iznositi 319.864.242 KM (14% osnovnog kapitala).**

Članom 182. Zakona o privrednim društvima, definisano je da u slučaju smanjivanja vrijednosti fonda rezervi ispod 25% iznosa osnovnog kapitala, dioničko društvo je dužno vršiti izdvajanje u iznosu od 20% godišnjeg iznosa neto dobiti sve dok fond rezervi ne dostigne iznos od 25% osnovnog kapitala.

**Uzimajući u obzir sve gore navedene rizike, skrećemo pažnju svim organima Društva da u slučaju ostvarenja gubitaka u poslovanju i u narednim periodima, postoji rizik od dodatnog umanjenja fonda rezervi, a u slučaju da iste budu u potpunosti iscrpljene, može doći do smanjenja osnovnog kapitala Društva.**

Kako je navedeno u poglavlju IV.2 *Indikatori poslovanja (Zakon o finansijskom poslovanju)* ovog Izvještaja, organi Društva (Uprava i Nadzorni odbor) su se u više navrata obraćali nadležnim (Vlada FBiH, FMERI, FMF, Premijer Federacije BiH) u cilju ukazivanja na **ozbiljnost situacije u kojoj se nalazi elektroenergetski sektor i JP Elektroprivreda BiH d.d. – Sarajevo**, uključivo i zahtjeve za naplatu potraživanja, kao i za finansijsku podršku i konsolidaciju poslovanja Društva i ZD-rudnika uglja, međutim,

do sačinjavanja ovog Izvještaja, **nadležni nisu odgovorili na upućene zahtjeve niti na poziv za sastanak predstavnika Uprave i Nadzornog odbora sa predstavnicima Vlade FBiH i FMERI.**

#### 5. Rizik gubitka imovine

Kako je navedeno u *Bilješci 10.* ovog Izvještaja, u vrijeme obavljanja ove revizije, Društvo je došlo do saznanja koja se odnose na nedavna postupanja Odjela za urbanizam i građenje, Službe za katastar Grada Mostar, kojim je izvršena promjena nosioca prava u katastarskom operatu s Hidroelektrana na Neretvi na JP Elektroprivreda HZ HB d.d. – Mostar, bez provođenja upravnog postupka. Prema informacijama dostavljenim od strane Društva, navedene aktivnosti su provedene bez da je JP EP BiH bila uključena u iste tj. bez da je JP EP BiH imala informaciju prije, za vrijeme ili nakon donošenja spornih rješenja zbog čega Društvo nije moglo preventivno pravno djelovati.

S obzirom da navedeno predstavlja rizik od gubitka imovine Društva, **Odbor za reviziju sugeriše Upravi da hitno i prioritarno nastavi sa aktivnostima na zaštiti imovine Društva.**

**Odbor za reviziju posebno skreće pažnju Skupštini Društva, kao najvišem organu upravljanja, da identificirani sistemski rizici, koji u značajnoj mjeri proizlaze iz izostanka neophodnih odluka i adekvatne sistemske podrške većinskog vlasnika kapitala, u kombinaciji s negativnim poslovnim rezultatima i fondom rezervi ispod zakonskog minimuma, mogu u kratkoročnom periodu ugroziti finansijsku stabilnost i likvidnost Društva, zbog čega je neophodna hitna i konkretna reakcija na nivou vlasnika.**

## VII ZAKLJUČAK

U skladu sa članom 273. Zakona o privrednim društvima, te Kodeksom korporativnog upravljanja Odbor za reviziju je dužan izvršiti reviziju godišnjeg obračuna. Postupajući po navedenom Odbor za reviziju je izvršio reviziju godišnjeg obračuna za 2025. godinu u JP Elektroprivreda BiH d.d. - Sarajevo.

Izrada finansijskih izvještaja regulisana je zakonskim i podzakonskim propisima i internim aktima Društva. Uvidom u normativna akta uvjerali smo se da su usvojeni akti Društva usklađeni sa važećim Zakonom o računovodstvu i reviziji u FBiH.

Kao što je navedeno u Uvodu, Odbor za reviziju je obavio internu reviziju godišnjeg obračuna za 2025. godinu u JP EP BiH na osnovu Izvještaja o internoj reviziji godišnjeg obračuna za 2025. godinu, sačinjenog od strane Odjela za internu reviziju. Prije sačinjavanja konačnog Izvještaja Odjela za internu reviziju o internoj reviziji godišnjeg obračuna za 2025. godinu, Nacrt Izvještaja Odjela za internu reviziju (u nastavku "Nacrt izvještaja Odjela") je dostavljen Upravi Društva na komentar. Na osnovu dostavljenih komentara nije bilo značajnijih izmjena u konačnom Izvještaju Odjela za internu reviziju u odnosu na nacrt Izvještaja Odjela. Prema našem razumijevanju, a na osnovu dostavljenih komentara na nacrt Izvještaja Odjela, postignuto je potpuno razumijevanje nalaza i datih preporuka.

Na osnovu Izvještaja o internoj reviziji godišnjeg obračuna za 2025. godinu, sačinjenog od strane Odjela za internu reviziju, konstatujemo da je Društvo sačinilo finansijske izvještaje za 2025. godinu na osnovu podataka iz Glavne knjige na propisanim obrascima i iste uredno ovjerene i potpisane predalo nadležnoj agenciji u zakonskom roku.

Društvo je sačinilo i relevantnim institucijama na vrijeme dostavilo dodatne izvještaje koji su predviđeni Zakonom o finansijskom upravljanju i kontroli, te Zakonom o računovodstvu i reviziji. Tako je Društvo sačinilo Godišnji Izvještaj o funkcionisanju sistema finansijskog upravljanja i kontrole za 2025. godinu i

isti dostavilo Federalnom Ministarstvu energije, rudarstva i industrije, te je popunilo OEI-PD obrasce i iste unijelo na internetsku stranicu Komisije za vrijednosne papire FBiH (e-KVP).

**Na osnovu obavljene revizije možemo konstatovati da finansijski izvještaji pružaju kompletne, pouzdane i vjerodostojne informacije o rezultatima finansijskih operacija i o finansijskim pozicijama.**

**Skrećemo pažnju** da su ciljevi revizije usklađeni sa zahtjevom iz člana 86. Zakona o računovodstvu i reviziji u FBiH, te iste pojmovno treba tumačiti u skladu sa ovim zakonom.

Ovom revizijom su identifikovane određene slabosti u pojedinim segmentima kao što su: imovinsko-pravni odnosi (u Društvu postoje nekretnine, uglavnom izgrađene u ranijim periodima, za koje nisu riješeni IPO), neusaglašenost podataka o elektrodistributivnim objektima između Knjige stalnih sredstava i Aplikacije DEEO, korištenje neažuriranih amortizacionih stopa, neblagovremena kolaudacija investicijskih ulaganja. **Za otklanjanje navedenih slabosti smo dali preporuke.**

U ovom Izvještaju smo dali i 4 preporuke kroz skretanje pažnje. **Postupanje po istim će biti predmetom revizorske pažnje u narednom periodu.**

Isto tako, u dijelu koji je bio predmet revizije uvjerali smo se da su poslovne transakcije izvršene u skladu sa zakonskim propisima, te da postoji adekvatna računovodstvena dokumentacija.

**Imajući u vidu navedeno naše mišljenje o sistemu internih kontrola je zadovoljavajuće (uz manje značajne nedostatke).**

**Odbor za reviziju je identifikovao visok rizik koji će značajno opteretiti novčani tok Društva**, a direktno proizlazi iz izgubljenog arbitražnog spora sa konzorcijem Strabag-Končar (obaveza od približno 20 miliona EUR, uvećana za zatezne kamate). **Upravi i Nadzornom odboru se skreće posebna pažnja na neophodnost blagovremenog osiguranja izvora finansiranja** kako bi se ova presuda u cjelosti ispoštovala.

Osim prethodno navedenog rizika, Odbor za reviziju je posebno **identifikovao određene rizike** koji bi, **ukoliko se ne poduzmu odgovarajuće aktivnosti od strane većinskog vlasnika kapitala**, u narednom periodu mogli imati negativan uticaj na likvidnost i poslovanje Društva. Navedeni rizici se odnose na sljedeće:

- Rizik naplate potraživanja po osnovu subvencija za električnu energiju u skladu sa *Odlukom o provedbi mjera za smanjenje troškova električne energije kućanstvima i stimulaciju energetske efikasnosti u ukupnom iznosu od 10.572.118 KM;*
- Rizik naplate tj. povrata sredstava uplaćenih po osnovu izdavanja garancije po osnovu kreditnog zaduženja Društva kod EXIM banke (za izgradnju Bloka 7 u TE Tuzla) **u ukupnom iznosu od 47.661.298,50 KM;**
- Naknada štete nastale zbog primjene odluka Vlade FBiH: *Odluka o proglašenju stanja ugrožene sigurnosti snabdijevanja električnom energijom za 2024. godinu* (Sl.novine FBiH broj 94/23) i *Odluka o uvođenju posebnih mjera kontrole cijena snabdijevanja električnom energijom za 2024. godinu* (Sl.novine FBiH broj 96/23);
- Rizik umanjenja kapitala zbog negativnog poslovanja;
- Rizik gubitka imovine zbog aktivnosti koje se provode od strane Odjela za urbanizam i građenje, Službe za katastar Grada Mostar, a kojim je izvršena promjena nosioca prava u katastarskom operatu s Hidroelektrana na Neretvi na JP Elektroprivreda HZ HB d.d. – Mostar.

U cilju očuvanja stabilnosti elektroenergetskog sistema FBiH, kao i sprečavanja daljeg ugrožavanja likvidnosti, Društvo se u više navrata obraćalo nadležnim u vezi naplate potraživanja za subvencije (10,5 miliona KM), kao i povrata zadržanih sredstva kod FMF na ime uplaćene premije i provizije za garanciju za Blok 7 (cca 48 miliona KM). Društvo je također uputilo i zahtjev prema Vladi FBiH i FMERI za finansijsku podršku u iznosu 75 miliona KM u 2025. godini i 125 miliona KM u 2026. godini radi konsolidacije poslovanja Društva i ZD rudnika uglja, kao i zahtjev za finansijska sredstva prema ZD - rudnicima uglja u iznosu od cca 66,3 miliona KM, a sve u cilju očuvanja stabilnosti elektroenergetskog sistema FBiH. Prema dostavljenim informacijama, **Društvo**, do sačinjavanja ovog Izvještaja, **nije dobilo odgovor ni na jedan od navedenih zahtjeva koji su upućeni nadležnim** (Premijer FBiH, Vlada FBiH, FMERI, FMF).

**Odbor za reviziju posebno skreće pažnju Skupštini Društva, kao najvišem organu upravljanja, da identificirani sistemski rizici, koji u značajnoj mjeri proizlaze iz izostanka neophodnih odluka i adekvatne sistemske podrške većinskog vlasnika kapitala, u kombinaciji s negativnim poslovnim rezultatima i fondom rezervi ispod zakonskog minimuma, mogu u kratkoročnom periodu ugroziti finansijsku stabilnost i likvidnost Društva, zbog čega je neophodna hitna i konkretna reakcija na nivou vlasnika.**

Sarajevo, 20.05.2026. godine

Predsjednik

Mr Mevludin Bećirević